

14.7.1900

COMMENTARII
DE REBUS
IN
SCIENTIA NATVRALI
ET
MEDICINA
GESTIS.




VOLVMINIS IX. PARS I.

LIPSIAE MDCCLX.


APVD IOH. FRIDERICVM GLEDITSCH.

Venduntur etiam

Amstelodami apud I. Schreuder et P. Mortier iun. Londini apud C. G. Seyffert, Pa-
risiis apud Briasson, Patauii apud I. Manfr , Venetiis in B. Albrizzi et S. Coleti
officinis, Romae apud Venant. Monaldini.







I.

Verhandelingen uitgegeeven door de Hollandse
Maatschappy der Weetenschappen te Har-
lem. Derde Deel. Te Haarlem by I. Bosch
1757. 8. Alph. 2. Tab. aen. 11.

h. e.

Commentarii Societatis scientiarum Harlemen-
sis. Pars III. Accedunt plagulae 72 obser-
vationum meteorologicarum.



Descriptio globi coelestis, cuius poli mutari p. 1.
possunt Auct. IOH. NETTIS M. D.

Experimenta super colorum separa- p. 17.
tionibus instituta a beato LAMB. ten

KATE. NEWTONVS mathematico-
rum facile princeps in libro, quo de optica expo-
nit, primum docuit, in coloribus etiam musicam
inesse. Sed quas tradidit rationes Cl. KATE, dum
viueret, paullo correctiores exhibuit. Deinde p. 21.
monet, prismata triangularia, vel alia adhuc cognita
adminicula, quibus colores in iride conspicuos
aemulari solemus, tantum sufficere ad producendum

unum arcum vel seriem colorum, quae possit in declaranda inter colores et tonos unius Octavi similitudine adhiberi. Quam ob rem de nouo plurium arcuum producendorum adminiculo cogitauit, quod sic comparatum est: Si saponem in aqua solutum in calicem ex vitro paratum infundas, ut orificium tenui aliqua, viscida tamen lamella obtegatur; si porro calicem hunc aduersum fenestram inclinatam statuas: sensim paulatimque in hac lamella tenui varii arcus colorati in conspectum venient, unus post alterum, diuersae latitudinis. Qui primum conspicuus est, angustus apparet, qui sequitur paulo latior; et sic reliqui in latitudine crescunt, donec alii latiores quidem, sed sine colore adspectabiles fiunt. In fine monet, tantum tres esse colores principes, nimirum rubrum, flauum et coeruleum, ex quorum mistione reliqui omnes deduci possent.

p. 31. *De curatione morbi in mammis feminae ex terrore exorti Auct. B. F V V N.* Femina quaedam 40 annorum ex inopinato incendio terrore ita percellebatur, ut vehementes dolores inde in mammis sentiret. Adhibitis multis remediis nullum aptius ad leniendos doloris cruciatus reperiebatur, quam carbonum candentium calor, quo vitiosae mammae manibus lente fricatae paululum recreabantur. Perdurante hac frictione mammarum papillae materiam quandam glutinosam stillabant, manifesto indicio, causam morbi in mammarum humoribus nimis crassis et glutinosis latere. Mammae vix turgidae et tumidae erant. Tandem Cl. Auctor, ut huic malo mederetur, est rogatus, quod hoc modo praestitit: In vnciam vnā sp. matricalis stillauit 50 vel 70 guttulas ol. caieputi, hoc mixto iussit mammas per aliquot dies fricare. Posthac aliud remedium ex vna vncia sp. vini rectificati et 60 guttulis ol. culicaban parauit eo consilio, ut mammae hoc remedio fricarentur. Atque cum haec omnia brumali tempore

pore contingerent, arbitrabatur, non inutile fore si mammae obtegerentur empl. basilico ex resinis variis parato. Quibus rite adhibitis femina liberata est doloribus omnibus. Tandem vt morbi causam penitus tolleret, pilulas ex aethiope minerali et resina guaiac. confectas vsurpauit. Sic femina conualuit. Anno sequente, iterum perterrita simili morbo laborauit, sed iisdem, quae modo indicauimus, remediis adhibitis optimam recuperauit valetudinem.

De aëre tanquam causa multorum morborum eorum- p. 37.
que remediis Auctore IOB. BASTER. Tanta est vis et potestas aëris in humanum corpus reliquaue animantia, vt quocunque statu eum esse ponas, aut maximum vitae sustentandae emolumentum aut perniciosissimum morborum vel mortis etiam periculum afferre valeat. Multae et variae sunt admirandi huius fluidi qualitates, quarum principes huc pertinentes sunt, aërem semper esse in motu constitutum, in numero esse corporum grauium, ex partibus diuersi generis constare, in vario statu vel, siccitatis et caloris vel, humiditatis et frigoris etc. comprehendi. Hae qualitates omnes diuersa quidem ratione maxime tamen in humanum corpus influunt. Aerem inspiramus, quo fit, vt eius particulae sanguini nostro immisceantur. In aëre innatat vehiculum fluidi electrici, quod magnam affinitatem, cum nerueo fluido habet. Calidus aër euaporationem et transpirationem promouet, atque aperit poros et corporis interstitia, contra frigus poros constringendo claudit ac perspirationem moratur. Haec generatim de aëris qualitatibus, sequuntur de vento, aëris grauitate, siccitate, calore, humi- p. 48.
ditate, de calido et humido, de frigido et sicco, de frigido et humido, de impuro aëre speciales disputationes. Ventorum plures causae a phycis traduntur, quarum nullae tam vulgares tamque per-

spectae sunt, quam quae a frigore et calore pendent. Calore enim rarefit aër et dispellitur, frigore autem constringitur et grauior redditur, atque tum calore, tum frigore aëris aequilibrium tollitur. Ad qualitates ventorum, quod attinet, plures sunt et separatae. Septentrio in terra, quam Belgae colunt, p. 52. per 42 prope dies quotannis spirat, siccus est et frigidus atque aëris grauitatem auget. Solanus ut plurimum frigidus coelum sudum et serenum saepe efficit. Haec ventorum genera brumali tempore frigidam tempestatem annunciant, corpusque humanum validum et agile reddunt. Sed non omnibus mortalibus est proficiuus Septentrio, affert enim incommoda paralyfi et podagra laborantibus, porro haemoptoicis, aliisque; exasperat fauces, ventrem adstringit. cet. Fauonius ex maribus veniens multos vapores et nubes aduehit. Auster humidus et calidus aëris grauitatem minuit. Vterque ventus ingratus est hypochondriacis, hysteris, obnoxius neruorum morbis, morbis cutaneis, leprae, scabiei; p. 55. caput grauant, corpus languidum faciunt. Cum immensa ventorum vtilitas sit, tum vel maxime corpus humanum recreant leniendo, promouendoque perspirationem. Est vero recreationis refrigerationisque, quae corpori humano ab aëre moto contingit, ratio haec: cum calor in corpore naturalis 92 vel 94 grad. thermometri Fahrenheitiani cernatur, sequitur, calorem in homine eum, qui in aëre insit, longe superare; quare in illam aëris portionem, quae hominis superficiei proxima est, si in quiete sit constituta, caloris copia ingreditur, et sic humanum corpus circumdatum est atmosphaera aliqua calida, cuius calorem ipso homo percipit. Iam spirante vento dispergitur haec atmosphaera, atque homo hanc caloris priuationem sentiens, frigoris gradum percipit. Ex quo, planum esse, intelligitur, cur ventus proprie nullum frigus producat

producat atque omnis refrigeratio a percepta caloris priuatione proficiscatur. Ratio quoque in promptu est, cur cauendum sit, ne quis tum, cum ob feruentissimum aestum corpus sudore quasi perfunditur, nimis festinanter se vestibus exoneret. Insignis, p. 61. est pressio, quam exercet aër in corpus humanum, nam si ponamus integram adulti hominis cutem continere 20 pedes quadratos, pedemque cubicum aquae pondere 42 libr. premere pondus, vt quo aër humanum corpus premit, non minus sit, quam 42240 libr. Sed, qui sit, vt tantam aëris pressionem nullo modo sentiamus? fit hoc ex eo, quod aër, vt fluida quaeque, versus omnes partes aequabiliter premit. Sic, ne vrinatores quidem, si modo machina, qua immerguntur, lente aquae immittitur, incumbentis sibi ponderis sub aquis profundis quidquam percipiunt; quamquam incumbentis aëris pressio atque aquae, quando vrinator ad 300 pedes aquae immissus est, ter superat eam, quam solus aër exercet, hoc est pondere $9 + 442000 = 378000$. libr. vrinatoris corpus premit. Haec insignis aëris pressio, quam in corpus quodcunque exercet a tribus pendet rebus, primo atmosphaerae altitudine, secundo eius densitate, denique a corporis pressi superficie. Iam si vna harum rerum, quod saepe quidem accidit, mutetur, varia existit pressio. In Belgio maxime et minimae pressionis differentia 4000 libr. reperta est, quae variatio, cum magna sit, non est, quod mireris immensam aëris in humanum corpus vim et virtutem. In grauiori aëre corpus viget valetque, quod aër extrinsecus partes magis comprimit atque efficit, vt sanguis versus cor aliasque internas partes vehementer protrudatur. Sed, si diu in hoc statu aër permanet, humores condensantur, globulique sanguinei maiores ac duriores euadunt, vasa nimis constringuntur, attritus particularum et cum eo coniunctus calor augetur; hinc

- obstructiones, morbique inflammantes existunt. Si vero externa aëris pressio remittitur atque immittitur, aër in sanguine aliisque corporis partibus quaquauerfum se euoluit et vasa ampliora reddit, ex quo, dici non potest, quanta articulorum las-
- p. 68. situdo, pulsusque retardatio oriatur. Mathematici docent, minorum corporum superficies in maiori esse ratione ad magnitudinem et soliditatem, quam maiorum superficies ad suam magnitudinem. Hoc in causa est, cur infantis corpus ab atmosphaera vehementius quam adulti hominis prematur. Infantis magnitudo duorum annorum ad magnitudinem adulti hominis vix est in tripla ratione. Quae tamen posita, erit infantis superficies ad superficiem adulti hominis vt 3 ad 9, eorumque soliditates vt 3 ad 27. Ex quo conficitur, infantis corpus ter vehementius corpore adulti hominis ab atmosphaera premi.
- p. 71. In sicco aëre aquosae partes magno numero e corpore euolant, quo fit, vt vasorum amplitudo coarctetur, et sanguinis motus per orbem in vasis inprimis capillaribus imminuatur, quae cum magnum intrinsecus calorem excitent, multorum morborum genera inde oriuntur; paulo plura tamen, si praeter siccitatem aër quoque calidus sit. Sanguis animantium iis regionibus, vbi solis aestus feruentior est, crassior apparet et nigricat. Calor 48 graduum aptus est ad seruandum sanguinem dilutum, quodsi 80 vel 90 grad. fit, quae mutatio humorum inde eueniet? Calor centum graduum et supra oui albumen coagulat. Si nimis magnus est aestus, multae oleosae humorum partes e corpore egrediuntur et rotunda particularum sanguinis forma in acutam angulosamque mutatur, hinc acrimonia solidarum particularum agilitatem impediens. Quam infestus magnus calor sit animantibus, experimenta docent a Cl. BOERHAAVIO cum cane et felle in hypocausto instituta. Tempestatem siccam et calidam
- dam

dam diu persistentem comitantur febres malignae, cholerae, colicae biliosae etc. Si quis in feruentis- p. 80. fima tempestate propter nimium sudorem et de via fassus ac defatigatus sit, nullum ad impediendum sudorem adminiculum aptius est, quam si eiusmodi lassus et viribus quasi exhaustus vini adusti, quantum buccae capiant, portionem sumat. Vinum quidem adustum, si in aquam frigidam infundas, thermometerum ad adscensum cogit, itaque massam calidiorem esse ostendit, at hic caloris gradus cito transit, quod similiter in sanguine ex assumpto vino adusto fieri valde probabile est. Humidus aër ob p. 82. vasa absorbentia per vniuersum corpus humanum diffusa, quae aqueas in aëre natantes particulas continuo fugent, obnoxius et damnosus est, nam partium validarum cohaerentia imminuitur, fibrae et vasa ipsa remissiora euadunt, tonus vasorum eorumque virtus debilis fit, sanguinis celeritas per orbem moti retardatur, sanguis crassior et tenacior redditus impeditur, quo minus possit in vasa capillaria ingredi, secretio humorum ex sanguine perficiendorum inepte circumscribitur, absorptae a vasis absorbentibus et recurrentibus aqueae particulae sanguini immiscentur, interstitia et pori clauduntur atque oppilantur, vasa absorbentia dum nimis turgent, efficiunt premendo dimetientes vasorum exhalantium minores atque exhalationem ipsam imminuunt. Calidi aëris est etiam atque humidi laxare fibras, quid coniuncti facient? profecto vi- p. 92. rium debilitas et remissio multo maior timenda erit. Vt, qui ex eiusmodi aëris statu proueniant, morbi initio statim euitari possint, solidarum partium corroborandarum cura gerenda est et globulorum sanguineorum vis elastica seruanda. Carnibus tenuibus et delicatioribus vescendum est, et portiones refrigerantes vsurpandae. Cauendum modo est, ne eiusmodi cibus, qui humidae sint naturae,

nimia copia vtamur v. c. iusculis ex compressis
carnibus confectis. Porro euitandae et hac res
sunt, quae exhalationem minuunt v. c. Lardum,
argillae, ostreae, potio ex Coffea et Thea parata,
aliaque potionum aquosarum genera. Vtilia sunt
balneae frigidae, alui purgationes, eccoproticum;
damnosa est larga venae sectio in febre a calida hu-
midaque tempestate effecta. Omnium tamen maxi-
ma vitae seruandae vis inest in ventis, Septentrione
et Aquilone, quippe qui aëris limpiditatem, ficci-
p. 98. tatem grauitatemque restitunt. Aer frigidus et
ficcus ad corpus nostrum magis accommodatum esse
videtur, quam calidus. Sed omni periculo liber
non est, si vehemens sit et per longum temporis
interuallum perduret. Frigus corpora quacque
constringit, ex quo efficitur, vt motus sanguinis
per externas corporis partes, frigori maxime expo-
sitas, lentior fiat, in interioribus vero partibus
celerior euadat; deinde, vt solidae partes ex frigore
obrepant minusque volumen occupantes maiorem
vim elasticam acquirant; Denique vt globuli san-
guinei nimis compressi impediantur, quo minus
oualem formam tantopere necessariam induant.
Aer frigidus innumeras partes nitrosas complecti-
tur, quae exhalationi impedimento sunt. Frigidae
tempestatis affectiones valde molestae sunt hypo-
chondriacis; notatu enim dignum est, quod in An-
glia brumali tempore autochiria sit frequentissima.
Qua tempestate frigida proficuum est, si prandium
iusculo gallica ratione confecto, aperiamus. Vtiles
quoque sunt potiones calidae et diluentes. Ne mane
ieiuni exeamus, euitandum est. Laudantur venae
p. 106. sectiones. Aer frigidus et humidus anginae, fe-
brium intermittentium et lentarum continuarum,
scorbuti etc. causa est. Hac perdurante tempestate
plus, quam soliti sumus, corpus motu corrigen-
dum est, vt exhalatio iam impedita iterum restituatur.
Vestibus calidis vtendum est, et vinis corroboran-
tibus;

tibus; pedes ante cubitum in aqua calida lauandi; lucubrationes maxime brumali tempore evitandae. Aer impurus et venenatis particulis infectus cor-
rumpit sanguinem reliquosque humani corporis humores. Cum enim subtilissimae illae partes admodum graciles sint, facile accidere potest, ut ab inhalantibus vasis absorbeantur, quo sanguinis globuli ad assumendam pungentem acutamque figuram cogantur, unde multi morbi acuti originem ducunt. Interdum aëre eiusmodi vaporibus exitialibus corruptus causa pestis fuit. Huius corruptionis plus vnica sit causa necesse est, quamquam certe definiri non semper possint. Saepe effluvia sanorum hominum molesta et periculosa sunt, ut, qui concioni intersint, ubi magna hominum multitudo adsit v. c. in aedibus sacris, nauibus, cauponis, saepe experti sunt. In fine quaestio soluitur, utrum aër
in Zeelandia, an in Hollandia ad valetudinem seruandam accommodatior. Non tam obnoxium esse aërem in Zeelandia, veluti sibi persuadent multi, Cl. Auctor colligit ex eo, quod terrestres fructus longe praestantiores, effossae aquae dulciores atque cuncta animantia validiora, quam in Hollandia, reperiantur.

Solutio problematis de optima muniendi polygonii p. 134.
ratione Auct. N. YPEY.

De ratione inter dimetientem et ambitum circuli p. 147.
disputat D. KLINKENBERG.

De male curata ossis femoris fractura eiusque in p. 158.
pristinum statum restitutione Auct. G. TEN HAAFF.

Puer 14 annorum decidens de sublimi aliquo loco os femoris fregerat. Chirurgus, cui sanandi cura demandata fuerat, haud felici successu curationem absoluerat. Pes male restitutus multo breuior altero extitit et de die in diem tabuit. Iam 16 hebdomades et quod excurrit, praeterlapsae erant, priusquam Cl. Auctor in auxilium vocabatur. Initio
haesi-

haesitans ob veteranum malum nolebat tam intricatae rei curam in se fuscipere, persuasu tamen matris aegrotantis filii tandem commouebatur, ut p. 167. instaurandae valetudinis initium faceret. Primum, quod adhibuit, remedium, eius erat indolis, ut callus, si posset, molliretur, quare adplicuit femori vnguentum resoluens ex mercurio viuo cum therebint. trito, addito vnguento populeo. Hoc vnguento bis singulo die vsus est, atque id eo loco, vbi opus fuit, vehementer infricauit et postea eundem locum illiniuit alio vnguento, ex farina lini et althaeae composito, cum aqua coctis et vnguento alth. simpl. Continuatis his remediis per 14 dies arbitrabatur callum forsitan ita emollitum esse, ut artificiosa fractio institui possit. Pueri in scamno ad longitudinem exporrecti pedem duo viri robusti et validi hoc modo apprehendunt, ut alter supra genu, supra fracturam alter pedem teneat et paulatim primo, deinde summa vi eum extendant. Repetita hac maximum dolorem efficiente extensione tandem fractura contigit. Pes ea, qua opus erat arte et industria ligatur. Tertia die fasciae soluuntur ob vehementes dolores, quos aegrotans sentiebat. Explorata causa patet dolorem a fascia tortili esse ortum. Pes iterum ligatur hac tamen cautione, ne fascia tortilis vllum in posterum eiusmodi incommodum afferret. Post loco fasciae tortilis adhibetur corium crassum aqua emollitum et malleando ita excauatum, ut laesae pedis parti accurate possit applicari. Femoris os confirmatur. Impediendae tabis causa pes singulo die semel vel bis aqua spirituosa lauatur et fricatur.

p. 183. *De ventis constantibus et generalibus vulgo-Passat-*
Winden Auß. M. SEMEYNS. Causae ventorum generalium variae a naturae indagatoribus in medium proferuntur. Quidam statuunt, hos ventos ex eo prouenire, quod, dum tellus rotatur, atque,
aër

aër cum eo, hic aliquantum tardior ad motum minus sequatur telluris motum. Alii vero existimant, solem huius venti, ab oriente ad occidentem spirantis, esse causam, quoniam is ob feruentissimum aestum aërem in zona torrida ab oriente in occidentem protruderet. Sed si quis ad rem animo attendere velit, sufficere ad explicanda haec ventorum genera. Nam si calorem solis causam esse solam ponamus, tantum abest, ut venti generales ab oriente in occidentem spirare possint, ut potius aër contraria directione moueri debeat. Quae P. 190. cum ita, sint Cl. Auctor has nominatas causas coniungit atque aliam ventorum generalium explicationem tradit. Dum terra spatio 24 hor. ab occidente in orientem circumrotatur, accidit, ut aër tanquam fluidum corpus prope tertiam partem remaneat, adeoque motum ab oriente in occidentem adquirat. Solis vero calor motum priori contrarium ab occidente in orientem producit. Iam si aëris moti vis ab oriente in occidentem maior sit ea a solis calore effecta, vel minor vel aequalis alteri varii ventorum generalium motus prouenient. Ad quod accedit, quod a partibus maris terrae vicinis aliisque terrae continentis locis a radiis solaribus calefactis horum ventorum directio valde impediatur multumque mutetur. Quibus concessis causis tanquam primis facile mutationes generalium et anniuersariorum ventorum explicari atque illae quæstiones ab Auctore propositas ac solutas maximam partem enodari poterunt. Sunt autem quæstiones hae: 1) cur ventus constans et generalis per P. 198. totum annum ab oriente in occidentem spiret in mari atlantico, aethiopico, similiter in mari pacifico ad latitudinem bor. et austr. 28 vsque ad 30 grad.? 2) cur tales venti se ulterius non extendant aequabiliter et constantia aliqua praeter dictos gradus? In causa est terrae rotatio et calor solis, quatenus

- tenus non a circumiectis et proximis terrae partibus impediuntur. 3) Cur circa litora *Guineae* in *Africa* ventus generalis, qui aquilo ad solanum accedens esse deberet, semper africanus fit? Sine omni dubitatione hoc proficiscitur a solo admodum arenoso ex calore solis vehementer aestuante, et diu aestum conseruante. 4) Cur in haemisphaerio boreali plerumque perpetuus aquilo spiret; et in locis latitudinis australis constans eurus obseruetur?
- p. 200. p. 204. Hoc intelligitur partim ex terrae rotatione partim ex motu solis in ecliptica. 5) Cur in parte boreali maris indici venti in vno semestri cum eis in reliquis maribus conspirent, in altero tamen semestri mutantur et e regione priori contraria progrediantur, spirante tamen vento in australi huius maris parte eodem tempore solano seu euro? Haec inopinata venti mutatio quaerenda est in amplissimis illis regionibus, huic mari e septentrione oppositis. 6)
- p. 209. Cur in mari chinenfi tantopere venti ab oriente versus septentrionem et ab occidente versus austrum declinent? Mutatio haec a situ terrae continentis pendet, quippe quae maximam partem ad septentrionem et austrum vergit, 7) Cur eurus a medio aprilis vsque ad medium nouembris in mari indico vsque ad latitudinem australem 2 grad. spiret, cum contra a medio nouembris ad medium aprilis intra *Timorem* et *Hollandiam* nouam fauonius vehemens sit, et a 2 ad 3 grad. et a 10 ad 11 grad. latitud. australis fauonius et caurus vela inflet. Huius quaestionis solutio ab iisdem, quas supra diximus, pendet causis.
- p. 223. *De utilitate numerorum triangularium in definiendis spatiis vel. temporibus corporum grauium et labentium*
Auct. N. ENGELHARD.
- p. 231. *De doliorum mensura ope calculi fluxionis instituta et correctâ* Auct. D. KLINKENBERG.

De aequationibus cubicis exponit WILH. OTTO P. 239.

REITZ.

Descriptionem turbonis aquei eiusque explicationem P. 321.

tradit Mr. I. F. DRYHOVT. Turbo aqueus, quem belgice *Hoos* et gallice *Trombe de Mer* appellant prope *Hagam comitum* a Cl. Auctore et aliis an. 1751 media aestate obseruatus fuit. Hunc primum satis copiose describit, deinde generatim in causam huius aliorumque turbonum inquirat. Nolumus iam in tradenda huius turbonis descriptione cuiquam esse molesti, inprimis cum multa, quae cum eo coniuncta fuerunt atque ab eo effecta, cum aliis eiusdem generis turbonibus conueniant. Sed ad causas quod attinet, quas Cl. Auctor in declarandis turbonibus indicauit, non possumus non, quin paucis de eis mentionem iniiciamus. Nautae plerumque sibi persuadent, turbones, quam prouiderent, aquam ex mari fugere; sed falsam esse hanc sententiam, nulloque niti fundamento facile perspicitur. Alii turbonum causam hanc esse credunt, ut nubes in sublimi pendens deorsum in aliam nubium copiam laberetur, quo efficeretur, ut aer, velut in aëlipola comprimeretur et compressus per inferiorem nubem magno impetu deorsum prorumperet. Sunt, qui contendunt, turbones oriri, si duo venti contrariis directionibus nubem intermediam comprimerent et simul ita contorquerent, ut vortex quidam aqueus suo pondere ex nube descenderet. At neutram harum sententiarum sufficientem esse, colligit ex eo, quod neque lapsus sublimioris nubis in alias subiectas, neque motus in orbem ullus in turbone illo, quam obseruauerat, poterat animaduerti; missis aliis etiam difficultatibus, quibus iam dictae sententiae premerentur. Aliam itaque docet explicandorum turbonum rationem, quam principem et proximam esse quaerit in vario caloris et frigoris discrimine.

Tune

- Tunc temporis, cum turbo aqueus conspiceretur, ventus e regione australi spirabat; quod genus ventorum in Belgio plerumque calidum est. Iam fin- gas aliud aëris flumen particulare priori aduersum, quod e regione septentrionali ideoque frigida ver- sus nubem aliquam a priori vento aduectam pro- rumpat. Hoc alterum aëris flumen impediet, quo minus nubes progredi possit, eamque, si fieri possit, in alias minores diuidet, quae ob rariorem aërem in superiore atmosphaerae parte in sublimē prope-
- p. 349. rabunt. Ex quo patet, cur nubes, vnde turbo ori- ginem capit, paululum immobilis persistat; cur flumen aëris septentrionale, resistente nube et flu- mine aëris australi cogatur ad motum in orbem in- primis circa nubem; nam eiusmodi motu posito, cum ventus frigidus sit, accidat, necesse est, vt vapores aquei superiores constringantur et ad nubem subiectam delabantur; cur nubium congeries cir- cumquaque compressa sensim paulatimque rotun- diori forma et densior obscuriorque appareat; cur denique aqua e nube deorsum descendat, nam cum ventus ille frigidus supra nubem et ad latera potissi- mum ob rariorem ibi aërem in orbe spirare cogatur, efficitur, vt nubes ex frigore compressa in inferiore parte, vbi calidior aër sit, vapores aqueos con-
- p. 352. strictos emittere debeat. Hac tradita turbonum causa sequuntur explicationes effectuum, quos eiusmodi columnae aqueae producere solent.
- p. 378. *Descriptio microscopii ad minutissimas res contem- plandas accommodati Auct. PETR. LYONET.* In exordio impellens causa corrigendorum microscopiorum indicatur a Cl. Auct. qui, cum insectorum contemplatione valde delectaretur atque animad- uerteret, microscopia non omnibus numeris esse absoluta, de adminiculis cogitauit, vt, quantum fieri possit, minutae et oculorum aciem effigientes res commodius cernerentur. Primum itaque
machinam

machinam ipsam vna cum aliis rebus, ad eam pertinentibus, describit atque ostendit, quo pacto eo fit vtendum in contemplandis subtilibus rebus aliisque paulo maioribus. Deinde docet modum, quo possis accurate quidem rei, quae per microscopium contemplaris, augmentum definire. Praestantissimi rerum opticarum periti plerumque contendunt, rem aliquam minutam nudo oculo valenti solere distinctam apparere in distantia 8 poll. anglic. seu $7\frac{3}{4}$ poll. rhen. Sed monet Auctor, hanc distantiam in vniuersum non valere, neque pro norma in definienda magnitudine, per microscopium aucta, posse assumi. Itaque loco $7\frac{3}{4}$ poll. rhen. distantiam $6\frac{1}{2}$ poll. rhen. fumendam commendat, eamque applicat ad lentes sui microscopii et, quanta sit magnitudo aucta per regulas ab opticis praescriptas, explorat.

P. 393.

P. 401.

Solutio problematis ad rem naualem pertinentis P. 414.

Auct. D. KLINKENBERG.

Experimenta super longitudine penduli simplicis P. 419.

Lugdunensis instituta a IOH. LVLOF. Praemittit Cl. Auctor quaedam generalia de simplicibus pendulis, deinde structuram describit et apparatus illius penduli, quo ad definiendam longitudinem simplicis penduli vnus minuti secundi oscillationem absoluentis vsus est. Oscillationum numerus a

P. 451.

simplici pendulo in definito aliquo tempore absolutarum dupliciter detegi potest, primo si oscillationes simpliciter numerentur, quod quidem iterum duplici modo fit, vel numerando v. c. 3600 oscillationes annotandoque minuta secunda, quibus accidunt, vel attendendo ad oscillationum numerum, quae intervallo v. c. 3600 minutorum secund abfoluuntur. Alter modus definiendi oscillationum numeri ille est, quem Cl. MAIRAN docuit. Sumantur duo pendula variae longitudinis, quorum alterum intervallo vnus minuti secundi singulam oscillationem peragit. Haec pendula initio quidem

oscillationes aequabiliter perficiunt, paulo post tamen vnum altero celerius oscillabit; praeterlapso tandem tempore quodam iterum oscillationes pares et aequales absoluent. Iam hoc definito temporis intervallo simplicis penduli longitudo

p. 463. quodammodo erui potest. Simili ratione definiuit Cl. Auctor veram penduli simplicis longitudinem et cum hanc, tum reliquas, quas modo indicauimus normas inueniendae longitudinis adhibens quatuordecim experimenta instituit, atque ea, qua solet, perspicuitate et accuratione cum lectore communicauit. Ex quibus, adhibita correctione, quam filii pondus et centrum oscillationis requirebat, concludit, veram penduli simplicis longitudinem Lugduni Batauorum vnus minuti secundi tempore oscillationem describentis esse 440, 71183 lin. paris. seu

p. 501. 455, 963 lin. rhen. In fine de pendulorum simplicium definitae longitudinis vtilitate exponit, quae profecto magna est; nam hac perspecta, spatium, per quod corpus graue, si nullus aër resistat, tempore vnus minuti secundi labitur, commodè definire possumus. Sic Lugduni Batauorum eiusmodi corpus primo minuto secundo per 2175, 14 lin. paris. seu 2250, 412 lin. rhen. $\equiv 15^{\circ} 7'' 6, 412'''$ rhen. labitur. Secundo a definita horum pendulorum longitudine pendet determinatio rationis inter axem terrestrem et diametrum telluris. Nam si penduli simplicis longitudo sub aequatore $\equiv 439, 07$ lin. et Lugduni Batauorum $\equiv 440, 71183$ lin., erit eiusmodi penduli longitudo sub polis $\equiv 441, 70325$ lin. Ergo axis terrestris ad diametrum terrae, vt 439, 07 ad 441, 70325 h. e. vt 168 ad 169, 006. Tenendum tamen est, hanc rationem non nisi hac lege esse largiendam, si meridiani terrestres ad ellipsin apollonianam pertineant. Denique ex penduli simplicis longitudine, si semel eruta sit,

posteri,

posteri, amissam veram longitudinem mensurae
alicuius populi accurate restituere possunt.

Tractatio aliqua mathematica Auct. D. KLINKEN- p. 509.
BERG.

Continuatio experimentorum explicandae electricita- p. 518.
tis causa institutorum a I. ENGELMAN.

Proiectio eclipsium noua methodo proposita a D. p. 540.
KLINKENBERG.

Observationes in Psalmos, qui Hammaaloth inscri- p. 548.
buntur a CORNEL. CLEYN V. D. Min.

Curatio vulneris in regione temporali dextri lateris p. 566.
Auct. I. H. SCHVETTE.

Vir quidam acceperat vul-
nus a milite, qui stricto gladio tempora dextra eius
percusserat. Praeter musculum temporalem, laesum
quoque erat os temporum et vulnerata dura ac pia
mater ita, vt arteriarum pulsus in cerebri superficie
manifeste conspici potuerint. Ob magnam sangui-
nis copiam, quam laesae arteria carotides et vena
iugularis externa atque interna profunderent, aegro-
tus vehementer, debilitabatur. Chirurgus tantum
vulneris periculum animaduertens, aegrotanti nihil
nisi linteorum ramenta tradiderat, vt ipse sanguinis
profusioni quodammodo inhiheret. Sequentie die
Cl. Auctor vna cum alio chirurgo ad vulneratum
accedit, quem viribus quasi exhaustum nec ad com-
medendum, nec loquendum aptum inueniunt.
Vulnus hoc modo obligatur: Sicca linteorum ra-
menta, cum fomentatione ex herbis discutientibus
vino coctis adhibentur; posthac turundae imbutae
essentia succini et agrimoniae vulnere imponuntur
matutino et vespertino tempore, Quinto die graui
febre aegrotans afficitur et delirio corripitur. In
eo fatali statu manet ad diem vsque nonum, ex quo
tempore vtrumque malum sensim recedit. Die
septimo fragmentum portionis squamosae ossis
temporum e vulnere trahitur, die duodecimo
tria alia minora et sic summatim tredecim,

officula sunt extracta. Nunc, qui vulneratus olim erat, nec in fumendis, neque manducandis cibis vllum incommodum sentit.

P. 575. *Curatio duarum arteriarum contusarum ab Auct.*

PET SANNIE. Operarii manus eo loco, vbi in pulsum celeritatem inquirere solemus, a labente caneo ita contundebatur, vt sanguis magno impetu profiliret. Vulnus, quantum valet, pollice operit et chirurgi auxilium ex instanti petit. Hic, vulnus valde esse periculosum cognoscens, Cl. Auctorem adit, vt coniunctim huius rei curam gereret. Fascia tortilis adhibetur partim explorandi vulneris, partim impediendi fluxus sanguinis causa. Arteria laesa clauditur omni, qua opus est, cautione. Cochlea iam dicti instrumenti paululum retro voluitur, vt, num recte clausa sit arteria, cognoscere-
tur. Vulnus obligatur. Compressiones ab instru-
mento factae iterum minuuntur. Altero die vnguen-
tum leniens vulnere immittitur; Fascia tortilis vt
ante. Sic indies continuatur, donec operarii ma-
nus ab instrumento, quod comprimendi causa adhi-

p. 581. bebatur et a vulneris periculo liberatur. Alter casus, quem commemorat, paulo difficilior est. Arteria dextrae manus viri cuiusdam eodem loco, vbi pulsum celeritates tactu percipiuntur, ex nimia contusione laesa fuerat. Vulnus ex parte, sed male, curatur. Haud ita post dolores intolerabiles existuat. Cl. Auctor, qui curam eius suscipere rogatur, simili modo, vt supra diximus, fascia tortili vtitur. Res primum ex voto succedit. Sed praeterlapsis octo diebus, cum aegrotus putaret, non amplius opus esse hac fascia incommoda, cochleam eius retro voluit. En nouam sanguinis profusionem! Accedente deinde Cl. Auctore fascia iterum adplicatur, arteria clauditur et vulnus omni industria obligatur. Tandem post aliquot dies manus bene confirmata est.

Noua varii generis ad societatem missa.

NICOL. ENGELHART Prof. Groening. refert p. 601.
hanc rem valde notabilem: An. 1755 vidua, cuius
maritus ante vndecim annos mortuus fuerat, vita
functa est. Cadauer mariti reconditum erat in
monimento constructo in aede sacra, cui nomen a
S. Martino est. Iam decretum erat ibidem sepelire
mortuam viduam. Monumentum aperitur. Libi-
tinarius cupidine ductus aperit loculum, eo consilio,
vt de mariti cadauere cognosceret. Adstant duo
verbi diuini ministri. En, repente prorumpit flam-
ma in libitinarium, manu candelam tenentem, tanta
vi, vt crines et vestis capillamenta adurat.

I. D. GAVBIVS Prof. Lugd. Bat. mentionem facit p. 603.
de calculis ex utero virginis 28 annorum eiectis. Virgo
haec casu quodam in eum morbum, quem prolapsum
vteri appellant, incidit. Postquam hoc morbo iam qua-
tuor annos laborauerat, demum medicae artis periti
auxilium implorat. Dolores indies vehementiores
existunt. Tandem calculus ex utero egreditur, aegro-
tans femina paululum recreatur. Aliquot dies post
dolores acerbissimi eam vexant, nec prius desinunt,
donec duo alii calculi ex utero proueniunt. Dolo-
res quidem cessant, sed paulo post cruciatus rede-
unt. Missis aliis duobus calculis vna cum magna
copia materiae sanguini similis coniuncta, demum
conualuit.

SERVAAS VAN DE COPPELLO M. D. quae p. 610.
de liene et renibus obseruauerat, retulit. Puella quin-
que annorum et 6 mens. ascitide functa est vita.
Vulgus, vt saepe fit, eam fascinatam fuisse, firmiter
sibi persuaferat. Cadauer secatur. Omentum pu-
tredine corruptum et separatum in pelue positum
reperiebatur. Ventriculus et intestina illaesa, aëre
tamen ad crassa vsque inflata. Hepar colore plum-
beo, vesicula fellis praeter naturam repleta bile, atro
colore tincto. Lien inconfueto modo paruus,

extrinsecus nigricans, atque eius vasa omnia cartilaginosa. Mesenterium hic illic obstructionibus conspicuum, renes quidem rite positi, dexter tamen sinistrum longe superabat. Succenturiati renes obturati et ut lienis vasa cartilaginosa. Haec in abdomine. In pectoris cavitate magna aquae pellucidae copia, non tanti odoris, quam in abdomine. Lobus pulmonum dexter superiori parte putredine affectus. Pulmo excissus aquam stillabat. Cor in sano statu.

p. 618. I. F. SYBEL V. D. *Ministri observationes quaedam de terrae motu an. 1756 d. 18 Febr.*

p. 621. EIVSDEM *descriptio terrae lapsus cuiusdam. Observationes meteorologicae Suaneburgenses annorum 1747. 1748. 1755.*

II.

Dictionnaire raisonné et uniuerfel des Animaux ou le Regne Animal, consistant en Quadrupedes, Cétacées, Oiseaux, Reptiles, Poissons, Insectes, Vers, Zoophytes ou Plantes animales; leurs propriétés en Médecine; la classe, la famille, ou l'ordre, le genre, l'espece avec ses variétés, ou chaque animal est rangé, suivant les différentes methodes ou nouveaux systêmes de Messieurs LINNAEVS, KLEIN et BRISSON: par M. D. L. C. D. B. Ouvrage composé d'après ce qu'ont écrit les Naturalistes anciens et modernes, les Historiens et les Voyageurs. Maior rerum mihi nascitur ordo; maius opus moueo. Aeneid. Virg. L. VII. à Paris chez Claude - Jean - Bauche, Libraire, 1759. 4. Tome I. Alph. 4. pl. 14. Tome II. Alph. 4. Tome III. Alph. 4. Tom. IV. Alph. 3. plag. 11.

h. e.

Lexicon vniuersi regni animalis etc.

Tam foecundum est seculum nostrum lexicis, vt vix doctrinam vel artem vllam appellaueris, in qua non possis vnum atque alterum horum librorum genus, quamquam non semper commendare, tamen, si opus sit, in medium proferre. Est enim illis non vna eademque laus et fortuna, saepe etiam illa, quod inter omnes satis constat, magis damnum, quam vtilitatem afferre videntur. Sed nostrum iam non est, vt, vtrum eis libris carere possimus, nec ne, doceamus, hoc tamen, vt opinamur, largiendum est, si rite in ea doctrina atque arte, quae magna rerum nominumque copia abundant, perficiantur, saepe, etsi non semper vtilitatis, tamen commoditatis esse eiusmodi libros. Talis est amplius ille liber, cuius summam nunc indicare decreuimus, quem quodammodo vtilem futurum, et comoda quaedam esse allaturum, si curatius eum volueris, nullus negabis. Complectitur quatuor tomos, in quibus varia nomina animantium recensentur ac interdum explicantur, quidque de animali quoque sit perspectum, atque ab aliis litteris consignatum traduntur. In primo tomo praefaminis loco instituta est brevis, manca et sine ordine de regno animali generalis disputatio, cuius partes sunt: de animantibus cunctis, in hominis vtilitatem conditis; de animantium generatione et propagatione, multiplicatione, cura sobolis, nutritione; de varia eorum distributione, a regione, eis consentanea, sumpta; de gustu, quo ad vitam seruandam praedita sunt; de prouidente Dei cura in conseruandis brumali tempore bestiis; de auium migratione; de rapacitate et ferocitate, qua aliis bestiis noxam inferunt; de adminiculis, quibus tanquam

armis se aduersus hostes defendunt; de rapacium et crudelium animantium vtilitate in impedienda aliarum specierum nimia multiplicatione, de bestiarum carniuorarum necessitate; sequitur deinde totius libri ratio et animantium diuisio. Hanc de animantibus disputationem generalem excipit catalogus principum auctorum, tam veterum, quam recentiorum, qui de animantibus scripserunt, quorumque mentio in hoc lexico iniecta est. In fine vltimi tomi adiecta est materia medica regni animalis ex Cl. LINNAEI Syst. nat. edit. VI et amoenitatibus T. II descripta; porro materia medica ex libris Cl. GEOFFROY. Denique exhibentur generales regni animalis diuisiones a LINNAEO, KLEINIO et BRISONIO excogitatae, vna cum Cl. D'ARGENVILLI et ADANSONII conchiliorum distributionibus. Hic est totius libri adspectus generalis. Sed videamus nunc paucis, quatenus sit eius indoles. Continet fere vniuersa illa, quae de animantibus a doctis viris tradita sunt. In eo reperitur de animalibus quadrupedibus, auiibus, piscibus, insectis, vermibus etc. non quidem absoluta, tamen ampla et iucunda narratio. Designantur animantium nomina varia. Sed tantum abest, vt nomina ista, quae in separatis articulis inueniuntur, omnia franco-gallico idiomate proponantur, vt potius saepe alia, italica scilicet, germanica vocabula articulo nomen praebeant, talis est ille articulus, qui inscribitur *Stockfisch*, multi alii. Miramur itaque hanc inopinatam lexici gallico idiomate scripti constitutionem; nam si semel, quod tamen saepe factum est, aliarum nationum nomine animantibus imposito articulus inscribendus erat, cur potius haec et non reliqua omnia proponenda sint, non videmus. In hoc lexico porro describuntur corporis animantium externae et internae partes, vita, mores, morbi, propagatio, educatio, qualis sit anima-

animalium vsus in nutriendo sanandoque corpore humano, qualis in artibus humanis, oeconomia aliisque vitae necessitatibus et oblectamentis. In describendis et distribuendis animantibus, quod ipsi monent Auctores, secuti sunt Linnaeanam, Kleinianam et Brissonianam disponendorum animantium rationem. Saepe tamen et aliorum descriptiones atque explicationes subiiciuntur. Laudantur praestantissimorum scriptorum libri, vbi pinguior et vberior traditarum rerum designatio et descriptio reperitur. Cum saepe vnum idemque vocabulum variis rebus respondeat, non mirum est, si in eiusmodi articulis v. c. de libellis, canibus etc. omnia ista animantia, siue ad quadrupedia, siue ad aues, pisces, insecta pertineant, quia illis commune nomen est, coniuncta inueniuntur; ratio enim et ordo rerum alphabeticus hanc, vt facile quisque perspiciet, animantium copulationem postulabat. In laude quoque est, quod, quae certa et probatis auctoribus confirmata ab eis narrationibus et fabulis, quae saepe commentitia et vix anili lucubratione digna sint, curate et diligenter separentur. Age nunc, quae diximus, exemplo illustremus. Sumamus articulum illum, qui est de apibus excellente et satis cognito insectorum genere. Quae commemorant Conditores huius lexici de his insectis maximam partem sumpta sunt ex egregiis illis REAUMURI libris, qui sunt de insectis et apibus, vbi copiose et docte omnia, quae poterant dici de his bestiis, disputantur. In hac larga dicendi materia initium factum est de apibus proprie sic dictis, de aluearium variis formis, de tribus illis apium speciebus, quae aluiare singulum inhabitant. His positis describuntur partes omnes, cum externae, tum internae in apibus discernendae; deinde quantum distant apes operariae ab apibus maribus et ape regina dicta narratur; sequuntur vberiores

narrationes de alueolis apum, quibus mel recondunt, de propagatione, cera, melle, vita, hostibus et morbis apum, de fauo et admiranda eius constructione, de foenore, quod ex colendis apibus lucrari possumus. Absoluto hoc de apibus proprie sic dictis articulo in scenam prodeunt, alia apum genera, fuci scilicet, apes solitariae, syluaticae, bombyli, subterraneae, parietum lutariarum incolae et id genus aliae; porro de apibus peregrinis tantum, quantum ab aliis memoriae proditum est, proponitur; in fine quaenam sit vtilitas apum, cerae, mellis etc. in re medica paucis indicatur. Haec de apibus. Subiiciamus nunc alterum exemplum ex numero animantium quadrupedum sumtum. In articulo isto, qui est de canibus, primum nomina, deinde definitiones et distributiones canum traduntur. Sequitur descriptio omnium partium, quae in corporibus caninis discernuntur. Mentio fit nutritionis, excrementorum, cursuum, quietis, propagationis et vocis; laudantur indoles peculiares, olfactus horum animantium; narrantur morbi et quinam sit usus canum in medicina. His declaratis canibus domesticis, sequuntur articuli de canibus syluestribus et feris, de canibus volantibus seu vespertilionibus LINNAEI; denique canes marini piscium genus eorumque species traduntur et describuntur. Sed sufficiant haec, quae eo animo attulimus, vt, quale pretium huic libro sit statuum, quodammodo possit intelligi.



III.

D. CHRISTIAN GOTTLIEB LUDWIGII Ord.
Med. in Acad. Lips. Decani, definitiones
generum plantarum, olim in vsum audito-
rum collectas, nunc auctas et emendatas
edidit D. GEORG. RUDOLPH. BOEHMER
Med. Prof. Acad. Witteb. Lipsiae, apud Io.
Fr. Gleditsch, 1760. 8 mai. Alph. 1. pl. 16.

Quas anno trigesimo septimo huius seculi pri-
ma vice ad methodum RIVINI, elapsoque
decennio secundum propriam, Riuino Linnaeanam
methodum longe perfectiores ediderat generum plan-
tarum definitiones Cel. LUDWIGIVS, nunc, cum
ipse Cl. Auctor aliis negotiosis actionibus fere obru-
tus, et a deliciis Florae remotus, ea, quae addenda
et corrigenda essent, perficere haud potuerit, eius
amici, et olim auditoris sui Cl. BOEHMERI opera
tertia vice euulgatas accepimus. Vt enim ipse
LUDWIGIVS in addita praefatione monuit, hunc
libellum BOEHMERO suo integrum tradidit, per-
misitque, vt mutanda, emendanda et augenda pro
suo ingenio mutaret, emendaret, atque adderet;
quae et omnia ita perfecit praestititque, vt vel ab
ipso LUDWIGIO applausum reportauerit, nosque
ipsi consentientes, huic auctiori, et ad modernam
huius studii indolem accommodatae editioni Lecto-
rum fauorem non defuturum esse, certo speremus.
Vt vero de praestantia huius editionis aliquam exhi-
beamus ideam, notemus; in delineatione me-
thodi nihil mutasse, characteres non modo essen-
tiales, ex flore et fructu petitos, sed et quandoque
accidentales, ex reliquis plantae partibus collectos,
retinuisse, in generibus vero inferioribus ordinan-
dis, constituendis et denominandis passim recessisse,
immo

immo nonnulla noua genera condidisse; et proprias obseruationes hinc inde adduxisse; in primis vero introductionem quasi in plurima et praecipua botanicorum scripta perfecisse, auctorum citatorum libros, horumque paginas vbique sollicitè adduxisse, et in synonymiis colligendis, nouisque a clarissimis botanicis stabilitis generibus, genuinis aequè ac spuriiis, ordinandis et disponendis laudabilem operam adhibuisse. Praemisit etiam operi, praeter dispositionem methodi generalem, specialem quoque generum sciagraphiam, et auctorum citatorum catalogum, annotatis librorum plenis titulis.

His in genere notatis, et quaedam adducere liceat, quae botanici nostri studium huiusque editionis a priori diuersitatem plenius declarant. Genera varia, a Cl. LUDWIGIO reiecta, et ad alia relata, denuo restituit; vt sunt: *Bulbocodium* Tourn. *Antholyza* Linn. *Iasione*, *Lycopsis*, *Atractylis* Vaill. *Helminthoteca*, *Crepis*, *Faba*, *Mariscus* et s. p. Propter calicem etiam, defectumque squamularum corollae *Borraginoidem* a *Borragine* separauit, prout et *Myosotidem* ac *Heliotropium* pro distinctis adsumsit generibus, cum in priori tubus corollae non squamulis sed plicis, in posteriori vero praeter plicas squamulis simul claudatur. *Lauendulam*, *Origanum* et *Maioranam* denuo cum HALLERO propter calicem diuersissimum separauit; *Scabiosam* ZINNIO auctore, in *Scabiosam* et *Asterocephalum* diuisit, et *Absinthium* cum *Artemisia* non coniunxit.

E contrario autem nonnulla, antea seorsim proposita genera combinauit, vel ad alia reduxit: Ita *Melothria* ad *Bryoniam*, *Aparine* et *Valantia* ad *Galium*, *Cameraria* ad *Tabernaemontanam*, *Catanintha* ad *Melissam*, *Volkameria* ad *Clerodendrum*, *Cassia* ad *Digitalem*, *Agrimonoidea* ad *Agrimonium*, *Picaria* ad *Ranunculum*, *Isopyrum* et *Trollius* ad *Helleborum*, *Luteola* et *Sesamoides* ad *Resedam*, *Pulsatilla* ad
Anemo-

Amemonem, *Aphanes* ad *Alchimillam*, *Blitum* ad *Amaranthum* referuntur. Quamoclit porro cum *Convolvulo* coniungitur, corollae enim figura stigmatumque numerus nimis variare solet. *Tinus* cum *Viburno* confluit, *Opulo* et *Sambuco* seorsim conseruatis. In *Pruni* genere LINNAEVM secutus fuit, *Persicam* vero ab *Amygdalo* separauit; *Crataegum*, *Sorbum* et *Mespilum* HALLERO duce, nec non *Caprifolium*, *Chamaecerasum*, *Periclymenum* et *Xylosteum* combinauit, *Ascyrum* et *Hypericum* TOURN. quoque vnit, ob fructum autem baccatum *Androsaeum* separauit, et vt Cl. Auctor scribit; nisi ex hoc fundamento locum habeat diuisio, non modo tria haec genera coniungenda, sed et *Ascyrum* LINN. addendum esse, cum stylo-
rum numerus in variis speciebus variet. *Rhodiola* *Sedum* et *Semperiuium* LINN. vnum constituunt genus, immo et *Penthorum*, nectariorum enim praesentia in sedo minus constans existit, vix ab eodem separari debere monuit. *Spiraeae* genus retinuit, *Ulmariam* vero, *Filipendulam* et *Aruncum* vnit, *Comarum* ac *Siobaldiam* ad *Potentillam*, *Dryadem* ad *Caryophyllatam* retulit, *Fragaria* separatim conseruata. *Polygonum*, *Bistortam* et *Persicariam* combinauit, *Fagopyrum* autem retinuit, idemque genus glandulis octo ad basin segmentorum calicis positis a prioribus differre, tradidit. *Abietem* quoque et *Laricem* coniunxit, *Pinum* autem, cum non, vt priores, duplicatam, sed simplicem modo squamam, duobus seminum ouulis annexam, gerat, cum TREWIO distinctim retinuit. *Dracocephalum* quidem a *Moldauica* separauit, ast simul monuit, nisi a calice diuisionis differentia assumatur, simillima esse genera, hinc ex ea ratione *Camphorosmam* MORIS. et *Ruyschianam* BOERH. *Dracocephalo*, *Pseudo-Melissam* RIVINI *Moldauicae* adposuit. *Rhagadiolum* et *Hyoserin* ad *Lampsanam* amandauit, *Hedypnoin* et *Zazintham* conser-

conseruauit, *Taraxacomastrum* VAILL. vero nomine *Hyoseris* proposuit. In *Alfines* genere LUDWIGIVM secutus, *Alfinem*, *Stellariam*, *Arenariam*, *Spergulam*, *Holosteum*, *Polycarpon* et *Saginam* LINNAEI combinauit, *Moehringiam* vero et *Bufoniam* separauit; Ita et *Lychnidem*, *Agrostemma*, *Coronariam*, *Silenem*, *Cucubalum*, et *Velexiam* coniunxit, et cum TOVRNEFORTIO *Lychnidis* modo et *Cucubali* genus adsumsit, huicque stylos tres et capsulam trilocularem, *Lychnidi* stylos quinque et capsulam vnilocularem attribuit.

Plantas praeter ea quasdam ad alias reduxit classes. *Iridem* a monopetalis regularibus ad irregulares, *Diodiam* a monopetalis irregularibus ad regulares, *Pancratium* ab hexapetalis ad monopetalas reposuit; *Senecionem* etiam a floribus compositis tubulosis ad mixtos amandauit, et *Iacobaeae* species, radiatae vel sint, vel non, modo calice conueniant, ad hoc genus referri debere affirmauit, prout et *Bidentem* ac *Verbesinam* ex cl. III ad V et a latere *Siegesbeckiae* ac *Coreopsidis* posuit, cum etiam in illis quandoque quaedam radii vestigia inueniantur. *Eryngium*, *Phyllidemque* non pentapetalis regularibus, sed umbelliferis, et *Ceratoniam*, cum in culta planta semper omnes fere flores hermaphroditos esse cognouerit, non relatiuis, sed perfectis apetalis floribus adposuit. *Frangula*, *Ziziphus*, *Rhamnus*, *Alaternus* et *Paliurus* plantae sunt a Cl. LUDWIGIO ad monopetalas relatae, dum calicem pro corolla, petala vero pro squamis accessoriis adsumferit, Cl. Auctor vero *Alaterno* tantum corollam monopetalam, reliquis pentapetalam concessit, monuitque *Frangulam*, *Ziziphum*, et *Rhamnum*, cum quo et *Cerui spinam* coniunxit, nisi ad feminum numerum respicere vellemus, coniungi posse, *Alaternum* vero propter corollam, et *Paliurum* propter fructum diuersa omnino esse genera. In tetrapetalis irregulari-

gularibus carina vngue interdum diuisa, quandoque vero duplex est; illas itaque, quarum carina dipetalata est, LVDWIGIVS ex sua methodo ad pentapetalas amandauit, quo autem hoc genus naturale coniunctim maneat, omnes combinauit BOEHMERVS, et sic dictas pentapetalas ad tetrapetalas quoque reposuit; inprimis cum dubium saepe sit, an carina naturaliter diuisa existat, an potius arte et aliqua vi separetur in duo petala.

Nonnullis etiam generibus noua imposuit nomina, et licet horum mutatio fere semper difficilior rem herbariam, tamen Cl. Auctori id minime vitio vertendum esse existimamus, cum, nonnisi coactus quasi haecenus adsumpta negligere, inque eorum locum alia substituere voluerit. *Bulbocodium* LINN. e. gr. *Celsiam* dixit, cum *Celsia* LINN. vera sit *Verbasci* species, *Bulbocodium* TOURN. vero pro distincto genere conseruauerit. *Ehretiam* TREW. *Schmideliam* dixit, dum genus *Ehretia* BROWNIO dictum assumeret, vtrumque autem genus non, vt de LINNAEO dubie asserit, coniungere voluerit. Duo etiam sunt, et vt Auctori videtur, diuersa genera, BÜTTNERIAE nomine insignita, ideoque BROWNII genus, cuius corolla monopetala est, et pomum globosum vnilocularem gerit, retinuit, alterum vero, a LINNAEO ita nominatum, petalis quinque et capsula quinqueloculari praeditum, WATSONII memoriae dicauit. *Lilio-asphodelum Camerariam* dixit, *Cameraria* LINN. ad *Tubernaemontanam* relata, et *Liliastro Hemerocallis* dicto. *Halesiam* LINN. adpellauit *Hilliam*, est enim aliud genus *Halesiae* nomine a BROWNIO insignitum, a LINNAEO nondum commemoratum. *Diantherae* nomen, cum ordines in methodo ab antherarum numero desumantur, minus aptum, cum *Iungia* commutauit; Cel. enim LVNGIVS in cognitione partium genitalium floris multum industriae adhibuit,

adhibuit, *Iungia* vero HEIST. *Salviae* censetur species. *Lycopodium* a *Selagine* cum DILLENIO separavit, hinc *Selaginem* LINN. *Manettiam* vocavit, et in sic dicta *camphorata umbellata*, quae huc pertinet, et calicem, a Linnaeana descriptione diuersum, et corollam saepe octofidam, octoque stamina obseruauit. *Ptelaeam* LINN. *Dodonaeam* appellauit, genus enim *Dodonaeae*, antea stabilitum, cum *Ptelaea* conuenit, et hinc, cum duo genera vnum efficiant, botanici illius memoriam potius retinendam esse putauit. Tandem etiam monemus, quaedam noua genera constituisse Cl. Auctorem. *Alkekengi flore violaceo* FEVILL: quam ad *Atropam* reduxit Ill. LINNAEVS, pro distincto genere assumpsit, et *PHYSALODEM* dixit. *Hieracium calice barbato* COL. cum nec commode ad *Rhagadiolum*, nec ad *Hieracium*, vel ad *Crepidis* aut *Hyosiridis* genus referri possit, distinctim proposuit *Swertiae* nomine, *Swertia* LINN. ad *Gentianam* relata. In tetrapetalis irregularibus *Meliloti* genus constituit, cuius characteres praecipui sunt: carina breuissima, vexillo alisque corollam quasi tripetalam referentibus, fructusque latus, et orbicularis; huc itaque et *Trifolii* et *Trigonellae* species conuenientes reposuit. *Foenugraecum* Tourn. vero, licet flore cum *Meliloto* conueniat, propter fructum diuersum, pro distincto genere retinuit. In graminum familia nouum genus *Achyrodis* nomine propositum, sistit sic dictum *Gramen barcinonense panicula aurea*.

Possemus etiam commemorare varias obseruationes suis locis insperfas, quibus characteres genericos quandoque perfectiores reddidit Cl. Auctor; Ita in familia dicarparum plantarum de styli numero dubium mouet. In *Periplocae* flore simplicem modo inuenit, et in *Nerio*, ubi Ill. LINNAEVS nullum stylum, stigmata modo simplicia adesse scribit, stylum verum, longum, simplicem, longitudinali
linea

linea diuifum, duplicique circulari eminentia coronatum obferuauit; hinc *Nerium* forte, vt et reliquas cum *Echite* BROWN. ad monoftylas potius referendas eſſe, monuit. *Paronychiam* cum *Herniaria* potius quam *Illecebro* conuenire, accurata floris perluſtratio Auctorem docuit; In *Phaſeolo*, *Caracalla* dicto; vexillum in cochleam flexum et reliqua petala continens obferuauit, hinc cum carina in *Dolicho* genus conſtituat, idem forte et de vexillo aſſumendum eſſe, affirmauit. Verum adducta ſufficiant, plura L. B. in perluſtratione libri ipſius inueniet.

IV.

Quaeſtiones medicae Pariſinae ex Bibliotheca
GEORGII FRIDERICI SIGWART, Phil.
Med. et Chir. Doct. huiusque et Anatomes
in Acad. Tubing. P. P. O. Med. Aul. Wir-
tenb. Facult. Med. Sen. Tubingae, impenſis
Ioh. Georgii Cotta, 1759. 4 mai. Alph. I.
pl. 15½. Tab. aen. I.

Quaeſtionum medicarum Pariſienſium hiftoriam
quandam dedit HYACINTHVS THEODO-
RVS BARON, quam ſuo tempore delineauimus et
aliquam earundem collectionem typis expreſſam
exoptauimus *, duas etiam earundem decades
Groeningae cura Cl. HEERKENS editas indi-
cauimus **, nunc ſimilem collectionem a Cl.
SIGWART ſuſceptam proponimus. Cum enim
Cl. Vir per aliquod temporis ſpatium ad rem medi-
cam et chirurgicam excolendam Pariſiis commo-
raretur, non tantum quaeſtiones plurimas collegit,
ſed etiam paulo poſt edendi conſilium cepit. In
hac

*. vid. Comment. noſtr. Vol. III. P. II. p. 344.

** l. c. Vol. IV. P. II. p. 329.

hac re expedienda consultius eidem visum fuit, neque a recentissimis, quae facile comparari possunt, neque a vetustioribus temporibus initium facere, sed quaestiones, quae anno quadragesimo secundo huius seculi prodierunt, primum exhibuit, quo ea specimina, quae a recentissimis quam proxime absunt temporibus, traderet. Ne tamen fragmenta tantum ederet, omnes collegit, et nihil quidem mutauit, sed curam habuit, ut correctius exprimerentur, quam ob causam quoque interdum diuersas editiones comparauit. Nostrium nunc est institutum laudare, continuationem commendare et summam quaestionum, in hoc volumine contentarum, indicare.

- p. 3. 1. An calculo renum et vesicae pro natura in calculi, aetate et temperamento aegrotantis remedium alcalino saponaceum anglicum? Praef. M. IACOBO ALBERTO HAZON proponit *Petrus Iosephus Macquer* affirmando. 2. An a vomitoriis februm intermittentium auspicanda curatio? Praef. M. CLAUDIO CAROLO DE IEAN proponit *Sylvester Antonius le Moine* affirmando. 3. An in acutis aliquando cunctandum? Praef. M. FRANCISCO FELICITATE COCHV. proponit *Carolus Franciscus Boutigny des Preaux* affirmando. 4. An in diuturnioribus euacuationibus raro adstringentia? Praef. M. LUDOVICO FLORENTIO BELLOT proponit *Urbanus de Vandenesse* affirmando. 5. An raro haemorrhagiis adstringentia? Praef. IOHANNE DE DIEST proponit *Theodorus Baron d'Henouville* affirmando. 6. An vulnerum curatio quo simplicior eo melior? Praef. M. IOSEPHO DE IVSSIEV proponit *Iosephus Maria Franciscus de la Sone* affirmando. 7. An in pectoris hydrope quo maturior eo felicior thoracis paracenthesis? Praef. M. HENRICO FRANCISCO BOVRDELIN proponit *Iohannes Franciscus Issez* affirmando. 8. An in abscessu media-

- mediastini celebranda sterni terebratio? Praef. M. ROBERTO HVBERTO LINGVET proponit *Carolus Ludouicus Liger* affirmando. 9. An in omni partu operatio chirurgica? Praef. M. ANTONIO IOHANNE DAVAL proponit *Franciscus David Herissant* affirmando. 10. An in herniis intestinalibus, etiam cognita intestini prolapsi laesione, operatio celebranda? Praef. M. PETRO ROVSSIN DE MONTABOVRG proponit *Carolus Franciscus Bou-tigny des Preaux* affirmando. 11. An fuendi tendines? Praef. M. ACHILLE FRANCISCO FONTAINE proponit *Iacobus Franciscus le Chat de la Sourdiere*, negando, 12) An praegnantibus, superueniente vteri haemorrhagia partus manu promouendus? Praef. IOH. BAPTISTA LVDOVICO CHOMEL proponit *Petrus Bercher* affirmando. 13. An fracto cranio semper admouenda terebra? Praef. M. HYACINTHO THEODORO BARON proponit *Theodorus Baron d'Henouville* negando. 14. An calculo vesicae scalpelli semper necessarium? Praef. M. LVDOVICO MARIA POVSSE proponit *Andreas Cantwell*, negando. 15. An cereoli in plerisque vrethae fistulis sectione praestantiores? Praef. M. ANTONIO CASAMAIOR proponit *Petrus Lalouette* affirmando. 16. An inflammationi, pro varia sede, resolutio vel suppuratio potior? Praef. M. RAYMVNDI DE LA RIVIERE, proponit *Petrus Iosephus Macquer* affirmando. 17. An oculi punctio cataractam praecaueat? Praef. M. LVDOVICO PETRO LE HOC proponit *Abrahamus Franciscus Leo Col de Vilars* affirmando. 18. An, vulnerata crurali arteria, ab amputatione auspicandum? Praef. M. ANTONIO NICOLAO GVENAVLT proponit *Antonius Bergier (Urbanus de Vandenesse)* negando. 19. An abiectu, lapsu, nisiue quandoque vertebrarum caries? Praef. M. FRANCISCO IOSEPHO HVNAVLD proponit *Julianus*

- p. 199. *Julianus Bouffon*, affirmando. 20. An in omni tumore vt plurimum sit tentanda resolutio? Praef. M. IOHANNES BAPTISTA BOYER proponit *Ludouicus Renatus de Bois*, Monspel. affirmando.
- p. 206. do. 21. An a ligatura polypi narium tutior curatio? Praef. M. BERNHARDO DE IVSSIEV proponit *Iosephus Stephanus Guettard* affirmando.
- p. 216. 22. An tenuium intestinorum vulnus letale? Praef. M. FRANCISCO MERY proponit *Syluester Antonius le Moyne* negando. 23. An herniae inguinali cum adhaesione subligaculum nocet? Praef. M. PAVLLO IACOBO MALOVIN proponit *Natalis Maria de Geuigland* affirmando.
- p. 230. 24. An curtae nares ex brachio reficiendae? Praef. M. IOHANNES BAPTISTA DUBOIS proponit *Urbanus de Vandenesse* affirmando. 25. An sanitatem inter et morbum detur status medius? Praef. M. ELIA COL DE VILARS proponit, M. *Diamantes Vlastus* affirmando.
- p. 266. 26. An sanitas a debito partium tono? Praef. M. ANDREA CANTWEL proponit *Franciscus Salesius Daniel Poullin* affirmando. 27. An humor perspiratorius sit excrementitius? Praef. M. THEODORO BARON proponit *Franciscus Nicolaus Gautier du Rocher* negando.
- p. 289. 28. An a vorticoso motu sanguinis calor? Praef. M. ABRAHAMO FRANCISCO LEONE COL DE VILARS proponit *Wilhelmus Ruellan* affirmando. 29. An a globulosa sanguinis ad cutim appellentis parte aethiopum color? Praef. VRBANO DE VANDENESSE proponit *Iacobus Verdelhan des Moles* affirmando. 30.
- p. 301. An a valuulis intestinorum chyini progressionis determinatio? Praef. M. PETRO BERCHER proponit *Dionysius Ponchon* negando.



V.

Quaestiones chemicae duodecim ab illustrissimis
 Viris Regis Consiliariis, Medicis et Professori-
 bus meritissimis R. R. D. D. IOANNE
 FRANCISCO CHICOYNEAV, Cancellario
 amplissimo ac iudice, ANTONIO MAGNOL,
 Decano venerando, HENRICO HAVGVE-
 NOT, ANTONIO FIZES, FRANCISCO DE
 SAUVAGES, FRANCISCO DE LA MVRE,
 FRANCISCO IMBERT propositae, in aula
 episcopali Monspeliensi coram illustrissimo
 ac venerabili D. D. FRANCISCO GABRIELE
 DE POMIERS DE ST. BONNET, Doctore
 Sorbonico Abbate Sti. Polycarpii et Vicario
 generali; pro regia cathedra vacante in Vni-
 uersitate medicinae Monspeliensi, per obitum
 R. D. CAROLI SERANE Regis Consiliarii
 medici et Professoris meritissimi: quas fauen-
 te Deo et auspice Dei-para propugnabit in
 augustissimo Monspeliensis Apollinis fano,
 triduo integro mane et sero diebus 5. 6. 7.
 mensis aprilis anni 1759. GABRIEL FRAN-
 CISCUS VENEL. D. M. M. Monspeli apud
 Augustinum Franciscum Rochard. 4. pag. 36.

Quinque ad nos peruenerunt eiusmodi titulo
 ornati libelli, quos varii auctores, vacantem
 ex obitu Cl. SERANE locum in academia Monspe-
 liensi ambientes elaborarunt, quorum quiuus duo-
 decim quaestiones continet. Gratum omnino fore
 putamus chemiae deditis lectoribus, si omnes has
 sexaginta quaestiones cum iis communicauerimus.
 Ita enim illas inuenimus comparatas, ut ob argu-
 menti grauitatem attendendae omnino videantur.

Summo nimirum studio omnique data opera conquisitae strenuis forsan chemiae indagatoribus ansam suppeditare poterunt, vnam alteramue earum ulterius peruestigandi. Negari quidem non potest, commentariolos et subiectas responsiones non semper exhaustisse propositas quaestiones, quod tamen instituto potius, quam auctoribus verit vertendum vitio, quippe cum ii coacti fuerint, dissertatiunculas suas vndecim dierum spatio elaborare, quos quidem nimis angustos temporis cancellos quilibet perspiciet haud sufficere ad rite pensitandas, vel et experimentis illustrandas, duodecim ex chemia depromptas quaestiones easque momenti grauissimi. Nec tamen omnem hac nostra epicrisi laudem detrudere Cll. Viris nobis est animus, sed lubentes profiteamur, inesse etiam his multa, quae ingenii abundantiam artisque peritiam satis superque declarant.

Quaestio prima: *an salia lixiuialia, e quocunque cinere elicit sint, quid vnum idemque et vtrum praestantiora sint, quae Tacheniano more parantur?* Ad vtrumque quaestionis membrum negando respondet, variisque experienciis suam sententiam commonstrat.

Quaestio secunda: *an ex sulphure cum calce et salibus alcalicis fixis elici possit aliquid, quod aquarum thermalium vim referat, aut ei lucem aliquam adfundat?* Cum sulphur aquis thermalibus tantummodo accidentali ratione insit, hepar vero sulphuris in naturae penu nusquam obseruetur, artificiale autem aquae tantum imperfecte immisceri queat, negando resoluit hanc quaestionem.

Quaestio tertia: *Lotii examen chemicum:* Recenset hic varia salia, quae detexit in lotio chemicorum industria: sal marinum, sal mirabile perlatum, et, quod Cl. MARGGRAFIUS demonstrauit, sal fusile s. microcosmicum ipsi dictum, alcali volatile cet.

Quaestio

Quaestio quarta: *quomodo paretur oleum DIPPELII, quid praeparatione contingat, an vires anodynas possideat; aut aduersus quendam morbum specificas?* Optima illud parandi methodus Nostro videtur illa, quam Cl. MODEL praescribit, plus tamen quater erit destillandum. Vires medicas ipsi tribuit summe anodynas, diaphoreticas, antifebriles, antispasmodicas, discutientes; tam interne a viginti ad quadraginta guttas adhibendum, quam externe ad dorsi spinam illiniendum suadet.

Quaestio quinta: *quae sit in alimentis pars reuera nutriens?* Non quoduis corpus naturale alendo corpori aptum est, nec omne, quod assumitur, totum in nutrimentum cedit, sed multa ex iis, quae ingeruntur, ex eiusmodi corporum genere esse Noster declarat, quae essentialiter non alimentosa vocat. Ipsam vero substantiam, quae verum nutrimentum praebet esse partem mucofo-gelatinosam, quae in omnibus vegetalibus et animalibus reperitur, et a priori et a posteriori demonstrat.

Quaestio sexta: *quaenam encheiresis adhibenda in praecipitati rubri praeparatione, et quaenam sint eius vires?* Praeparationis ratio, quam adiecit, nihil noui continet. Adhibitus fuit mercurius praecipitatus ruber a veteribus, teste Cl. ASTRUC, interne contra pestem, doloresque colicos, siphilitidem, quartanam cet. A nostri aevi medicis vero omnis internus eius vsus prorsus reiicitur, quanquam vt problema therapeuticum eius vsus disquirendus videatur, ad ductum Switeniani remedii. Externe variis vsibus inferuit et vt escharoticum et mundificans agit.

Quaestio septima: *an nitrum contineant humores animales?* Reiicit, quam varii auctores propugnarunt sententiam de praesentia nitri in nostris humoribus, cum nec experientia illud demonstrari, nec ratiociniis coniici posse contendat.

Quaestio octaua: *an corpora naturalia, tum igne tum variis menstuis varie vexando, virtutes medicas immutet chemia, et an easdem exsuscitet, augeat, euehat?* Affirmat eam et multis exemplis suam hypothefin corroborat.

Quaestio nona: *bilis examen chemicum.* Adfert quidem Cl. Auct̃or quaedam de bilis natura; asserit tamen, omnem, quae hucusque tentata fuerit, bilis disquisitionem mancam et fallacem esse, tum quia insufficientia putat cognita nobis menstua, tum quia ne haec quidem accurate satis applicari ipsi videntur.

Quaestio decima: *an vesicae calculus tuto in ipsa vesica per menstua chemica solui possit?* Impossibile illud iam ab HELMONTIO habitum fuit, nec felicioris successus nostri aeui fuerunt experientiae. Constant vesicae calculi ex terra calcarea seroso glutine coadunata, abundantissimoque aere: alii albicantes cretacei, alii ex crassioribus moleculis compositi; si duriores ac firmi, *silicei* dicuntur, si laxi ac rari, *arenosi* appellantur. Duplici modo agunt remedia in calculos eiusmodi, vel enim ipsam lapilluli mixtionem destruunt, et vt menstua eum soluant; aut gluten, quo firmantur, eluunt, et hinc calculum in puluerem dehiscere faciunt. Vnum hucusque vere calculos soluens menstruum cognitum est acidum scilicet nitrosum. Cui tamen cum ad calculum perueniendi nulla, nec per humorum circulum nec per vrethram via apta ac idonea sit, negando ad hanc quaestionem Cl. Auct̃or respondet.

Quaestio vndecima: *quid sit oleum illud fumum emittens in carbone aeterno HELMONTII?* fixissima per se haec carbonaria mixtio, in libero aere per ignem consumitur fatiscit, tenuissimum animalibusque lethalem fumum emittens; quem quidem fumum ex phlogisto carbonario, subtilissimam ter-
ram

ram incineratam secum rapiente, et atmosphaericae aquae nupto constare noster coniicit.

Quaestio duodecima: *quaenam sint martis tincturae praestantiores? an LUDOVICI tinctura, an tinctura STAHLII?* In genere martiales tincturas praestare affirmat omnibus praeparatis ex ferro fictis, cum magis solutae sint in iis ferreae particulae. Prorsus quoque reiiciendam esse monet distinctionem tincturarum in aperitiuas et adstringentes, cum mere tonicae sint, et contrahentes martis vires. Quarum vero eas eminentissimas esse contendit, quae cum spiritu salis marini parantur; cautissime vero exhibendas, et ob virium excessum ab usu medico amandandas monet. Inter spirituosas praestantissimam censet eam LUDOVICI, quae sale ex tartaro et marte scatet. Mitiores sunt illae, quae cum acidis vegetabilibus parantur, eoque perfectiores, quo magis saturatae sunt, hinc laudat *tincturam martis tartaream*, quae et syrupus martis dicitur. *Stahlianiana* vero ab omnibus in eo differt, quod cum sale alcalino fixo efficiatur, curiosa satis ac solerti encheiresi. Hinc acidis subigendis inseruit, quae corrigit et ferrum, quam maxime disgregatum, humoribus admiscet. Hinc pro vario scopo peregregii usus eam dicit.

Secundus libellus Auctore LUDOVICO ESTEVE. M. D. M. diebus Maii 10, 11, 12. propugnatus; 4. pag. 23.

Quaestio prima: *an alcalia volatilia, e quacunque substantia eliciantur, sint una eademque substantia?* Quamquam odore et sapore differre interdum salia volatilia alcalina, variosque diuersos omnino effectus cum alcalibus fixis mixta ostendere videntur, has tamen differentias neutiquam essentiales assumit Cl. Auctor, sed pro lubitu artificis mutari eas posse asserit.

asserit. Nec, nisi gradu, differt eorum vis medica, quam cardiacam dicit: specificam vero contra venena quaedam virtutem ipsis prorsus denegat, summaque cautione in iis interne adhibendis opus esse monet. Vnum ergo, ex his paucis praemissis, idemque esse asserit.

Quaestio secunda: *an mercurius vitae mitior fieri possit, et an in eo lateat magni momenti remedium, ut quibusdam visum fuit.* Multis modis noxiam huius medicaminis indolem corrigere tentarunt varii, cum vel igni exposuerint et assidue agitando adhaerens acidum salis fugare annisi fuerint, vel adfuso spiritu vini, per eius principium oleosum inuoluere acidi venenatam indolem tentarint; nec negat noster, his enchiresibus mitius omnino factum fuisse medicamentum; infidum tamen illud et periculosum nihilominus illud putat, ex omni medicina reiiciendum, iisque tantum commodum, qui *incondita abundantia tegunt ignorantiae inanitatem.* Inuehitur etiam paucis in eos, qui mercurium sublimatum spiritu vini dulcificatum in morbis syphyliticis debellandis hydrargyrosi praestare putant, cum hocce medicamentum non modo exitiale, sed et ita comparatum sit, ut alios chronicos affectus insanabiles prorsus in corpore producat.

Quaestio tertia: *an fermentatio sit principium enucleandae oeconomiae animali accommodandum?* Negat id ex variis phaenomenis in corporis mutationibus perspiciendis, quamquam contendat aliquam lucem aetiologiae morborum ipsam affundere.

Quaestio quarta: *an tartarus stybiatus emeticis haecenus notis antecellat, utrum validior debiliori praestantior sit, et quomodo praestantissimus parari possit.* Reiicit eum qui ope salium mediorum paratur; nec vitrum antimonii pro eo, conficiendo adhibere suadet; nec hepar antimonii ob salium praesentiam
aptum

aptum ad hoc opus videtur, praestantissimum vero ope cremoris tartari et croci metallorum paratum putat, si praesertim euaporatus ad siccitatem, non vero crySTALLISATUS, fuerit, quippe cum per crySTALLISATIONEM debilius efficiatur emeticum. Concludit vero tartarum stybiatum, etsi praestantissimus sit, caeteris notis emeticis absolute non antecellere.

Quaestio quinta: *an dentur salia per aërem vagantia et cuiusnam naturae sint iuxta experimenta a multis instituta?* Dari talia salia ex multis experiētiis constare asserit, naturam vero eiusmodi salis aetherei, non vitriolicam esse, nec nitrosam, sed magis accedere ad spiritum sulphureo-volatilem, Noster contendit.

Quaestio sexta: *an tota substantia antimonii in chermes minerale verti possit; et an cum quocunque sale paratum idem omnino sit?* Primum huius quaestionis membrum affirmat, nec alterum negat, quamvis suadeat chermes per alcali nitrosum conficiendum esse.

Quaestio septima: *an salia alcalia, cum sint putrefactionis soboles, putrefactioni aduersa esse possint?* Falso sal volatile alcalicum aptum putrefactioni fermentum dici asserit, et PRINGLIJ auctoritate, quamvis haec sententia BÖERHAAVII theoriae contraria sit, affirmat, salia volatilia, etsi sint putrefactionis foetus, ipsi tamen aduersa esse posse.

Quaestio octaua: *an sulphur et mineralia sulphurea, antimonium crudum, et cinnabaris in circuitus orbitam transeant et in humores chemice agant?* Sulphur ingestum ad humorum circulum peruenire demonstrat perspiratio foetida, sulphur solutum olens, et argentum nigro colore inficiens, alique effectus in actionum mutatione percipiendi: cinnabaris, non ex parte sulphurea, sed mercuriali, agit in humores: antimonium vero crudum, a blandis actionibus

bus corporis alterari posse vix nostro videtur vero simile.

Quaestio nona: *Quomodo paretur vitrum antimonii, an mitius fieri possit, et ut quibusdam visum est remediis aliis praestantius sit in colica pictonum et in dysenteria?* Prorsus expungendum esse hoc remedium in hisce morbis, quamvis vario modo sit mitigatum, contra Cl. PRINGLIUM, auctoritate Cl. BARON affirmat.

Quaestio decima: *an ferrum rubiginosum vires ferri immutati aut chalybis possideat, et quid ex ipso decedat cum aqua iuxta LEMERII methodum aut rore maiali soluitur?* Decedit phlogiston dum in rubiginem abit, hinc non immutati ferri vires rubiginosum ferrum possidet.

Quaestio undecima: *num ex omni materia animali et ex omnibus liquidis, per corpora circumeuntibus, extrahatur aequalis quantitas salis volatilis?* Negando respondet Cl. Auctor.

Quaestio duodecima: *an sit quaedam encheiresis, qua antimonium spoliari possit vi sua emetica, relicta interim vi aluum laxante?* Potest quidem additis pinguibus infringi stimulans particularum regularum actio, vti videmus in vitro cerato; tutum tamen remedium eiusmodi nunquam erit, hinc reiiciendum.

Tertius libellus Auctore FRANCISCO BROUSSONNET D. M. M. diebus 31 Maii 1, 2 Iun. propugnatus, 4. p. 36.

Quaestio prima: *an medicamentorum facultates chemia detegi possint?* Chemia cognoscit, 1. quanam sit in mixto pars reuera medicata, 2. principia illa medicata agere, vel soluendo, vel combinando, 3. motum hunc determinari ratione affinitatis: hinc affirmando Cl. Auctor respondet.

Quae-

Quaestio secunda: *an dentur alimenta, quae vera facultate medica constent?* Duplici modo considerat Cl. Auctor hanc quaestionem; vel enim de eo quaeritur, num in alimentis sit vna pars nutriens, altera vero medicamentosa; vel quaeritur, vtrum pars ipsa nutriens medicatas vires obtineat? prius multis exemplis probat; nutriunt lentesc, simul vero aluum frenant; fraga blande nutriunt et simul vrinarias vias a fabulosis repurgant particulis: posterius experientia docet in morbis, qui a nutritionis defectu oriuntur, vel et in iis, qui a nimia humorum fluxilitate generantur, vbi inspissari humores per sola nutrientia interdum possunt.

Quaestio tertia: *an falsa sit et praeconcepta vulgatissima opinio de virtute diaphoretica, alexipharmaca, antiloimica carnis viperarum et cornu cerui?* Blandam vim diaphoreticam vtrique inesse asserit experientia suffultus, quanquam ex rationibus chemicis determinare non audeat, cuinam parti an fali volatili, an oleo, an mucilagini sit hic effectus adscribendus.

Quaestio quarta: *an salia animalium neutra sint, siue concreta? et an ex ipsis varia acida extrahi possint?* Neutra esse contendit in corpore sano, cum ex morbosae mutationibus variisque cacoehymiae vel acidae, vel alcalinae speciebus probabile sit, hanc salium *neutrificationem*, vti vocat, necessariam ad sanitatis conseruationem esse. Experientia quoque docet, ex variis animalium partibus posse acida salia educi, quae tamen inter se non discrepant, quamuis differant ab aliis cognitis acidis. Discrepat nimirum acidum animale ab isto fali marini in eo, quod non turbat plumbi solutionem, cum aceto vel spiritu nitri factam. Ab aceto vegetabili differt in eo, quod cum fale vrinoso in sal ammoniacale ficcum concreascet. Vtrum vero hoc acidum animale fuerit primitus acidum marinum, vegetabile, an ex aere aut ex mutationibus, quas
in

in corpore animali subit generetur, aliorum iudicio relinquit.

Quaestio quinta: *an detur medicamentorum correctio realis ac utilis?* Realis correctio caute est instituenda, cum corrigens saepius vel infringat actionem corrigendi, vel interdum ex his binis nouum mixtum prodeat a scopo alienum. Nec tamen desunt exempla verae et realis correctionis, e. g. spiritus vini sistit corrigens reale spirituum acidorum cet. Respuunt vero plura simplicia eiusmodi correctionem. Vtilis autem correctio, quae iucunditatem medicamenti spectat, a medico clinico interdum summe necessario suscipitur, vt iucunde mederi possit is, qui tuto mederi tentat.

Quaestio sexta: *an chemia sit alicuius usus in dignoscendis morbis, seu an semioticae inseruiat?* Multis exemplis comprobatur chemicum altius posse penetrare in signa diagnostica morborum, et ex variis excretorum qualitatibus abscondita humorum vitia indagare.

Quaestio septima: *quomodo solutum lateat ferrum in aquis ferrugineis et quid accadat, cum sponte praecipitantur particulae ferreae?* Haeret quidem solutum ferrum in aquis saepius sub vitrioli forma, dantur tamen et aquae martiales, quae tale vitriolum non gerunt. Hanc solutionem ab acido spirituofo - sulphureo - volatili principio deducit Cel. HOFMANNVS, cui et assensum praebuit Cl. BOVL-
DVC et SEIP; prorsus tamen refutare hanc sententiam annisus est Cl. VENEL. Probatur Nostro VOGELII hypothesis, qui aërem vt ferri menstruum considerat, quod et BOVLDVICII experimenta circa aquas Passienses instituta confirmare videntur, qui obseruauit eadem proportione praecipitari ex iis ferrum, qua bullulas aereas dimitterent aquae aeri libero expositae. Ad alteram quaestionis partem affirmat particulas ferreas aut sub
salini

salini concreti, aut terrei magmatis forma fundum petere, quod tamen non, nisi diffuso superfluo aere fieri posse Noster sibi persuadet.

Quaestio octava: *an varius atmosphaerae status per media chemica detegi valeat, hisque ex insalubri salubris fieri?* Vtrumque Noster affirmat. Lintea acidis imbuta, salium alcalinorum praesentiam in aere manifestant: sulphureis particulis repleta atmosphaera vasa argentea nigricantia reddit: panni rubiae radice tincti brunnescunt in atmosphaera maritima: arsenicum aeri inest, si cupri laminae argenteum splendorem assumunt; sic quoque aeris vitia corrigit chemia, v. c. per lintea variis salibus imbuta transmissum aerem corrigi docuit HALAËVS: putridus aer aceti suffimigio emendatur: aer arsenicalibus particulis infectus ferri moleculis, quae auide absorbent arsenicum, purior reddi potest.

Quaestio nona: *an et quomodo salia fixa encheiresi chemica et corporis viribus volatilem nancisci possint naturam?* Discrimen inter salia alcalina fixa et volatilia in quantitate olei et terrae ponit: fixa plus terrae, minus olei, volatilia minus terrae, plus olei continent: ostendit simul volatilitatem salis alcalini fixi ab vnione principii oleosi dependere, quod sapones confirmant, ex quibus destillatione sal volatile extrahitur.

Quaestio decima: *quaenam sit differentia inter olea animalium et olea vegetabilium, et an utraque ad eandem olei speciem reduci possint?* Differunt omnino ad mentem Cl. Auctoris, et quidem in eo, quod olea animalium alcali volatile, vegetabilia vero plus acidi contineant: possunt tamen etiam mutari et identicam indolem nancisci.

Quaestio

Quaestio vndecima : *an corpori animali infusa sit et circumfusa substantia promptissime ignescibilis phosphorica ?* Electricitatis phaenomena, vt et a variis auctoribus fide dignissimis commemorata exempla probare Nostro videntur huius quaestionis affirmatiuam responsionem.

Quaestio duodecima: *an detur sal quoddam peculiare microcosmicum et cuiusnam sit indolis, si existat ?* A variis auctoribus HELMONTIO, BOERHAAVIO, BOYLEO, HAUPTIO, prae aliis vero Cl. MARGGRAFIO salis huius, quod *fusibile* huic dicitur, vera existentia multis experimentis euincitur. Indoles autem eius ammoniacalis deprehenditur, cuius tamen parti acidae pars volatilis alcalina tam leui nexu adhaeret, vt lenissimo in igne auolet. Nasci hunc salem Cl. MARGGRAFIUS asserit, e regno vegetabili, 1^{mo} quod caput mortuum erucae, nasturtii, tritici cet. per retortam validissime destillatum phosphorum exhibeat; 2^{do} quod vrina per aestatem vberius sit referta sale fusili, quam hyeme, cum scilicet tempore verno praecipue vegetantibus vescamur.

Quartus libellus Auctore CAROLO LE ROI, D.M.M. diebus 21. 22. 23 Iun. propugnatus, 4. pag. 34.

Quaestio prima: *an aether nitrosus aequiparari possit aetheri vitriolico, et cuiusnam naturae sit oleum post ipsum adscendens ?* Varia adfert de praeparatione, sub eaque attendendis encheiresibus, et tunc experimenta, cum vtroque instituta, recenset, ex quibus concludit, vtrumque esse sibi aequiparandum

Quaestio secunda: *num in animalibus sint olea varii generis et quibus dotibus distinguantur ?* Affirmat quaestionem et commonstrat, eadem ratione, vt in vegetabilibus, occurrere triplex in animalibus oleum,
pingue

pingue aliud siue vnguinosum; aliud tenue, fragrans, volatile, aethereum; aliud empyreumaticum: quorum cuiusuis ab oleis vegetabilium differentiam paucis declarat.

Quaestio tertia: *quaenam sit sublimati corrosivi natura et praeparatio? an mitius fieri possit et exhiberi aduersus morbos venereos?* Varios processus enarrat, quibus parari possit sublimatum corrosium, simulque sublimatione opus esse in quauis illud parandi methodo ex eo commonstrat, quod acidum salis intactum relinquat mercurium, nisi in paruissimos atomos fuerit resolutus. Mitius reddi posse hoc medicamentum ita, vt interne tuto adhiberi multisque morbis obuiam eo iri possit, iam BOERHAAVIVS monuit; curatius tamen ab Ill. V. SWIETEN methodus haec definita est, quam summis laudibus extollit Noster et experientia multifarie probatam contendit. Subnectit tandem problemata peritissimis medicis soluenda: an hoc medicamentum vntionibus mercurialibus antecellat; an etiam in aliis rebellibus morbis eo quid boni praestari possit; an sublimatum corrosium exigua mercurii viui dosi addita ita temperari possit, vt inde medicamentum enascatur, quod inter mercurium corrosium et dulcem medium sit, priore longe mitius, altero magis solubile, vtrique in certis saltem casibus anteponendum.

Quaestio quarta: *an acidum vitriolicum et acidum sulphuris aut aluminis eadem omnino sint, et easdem vires medicas possideant?* Experimentis chemicis adlatis, obseruationibusque ex praxi clinica depromptis, affirmat quaestionem.

Quaestio quinta: *an humorum animalium genesis eorumque mutationes tum naturales, tum praeternaturales merae sint alterationes chemicae?* Respondet maxima ex parte eas esse chemicas, temperari tamen eas, corrigi ac dirigi motibus assiduis machinae

artificiosissimae, ac propter id ipsum arti esse inimitabiles.

Quaestio sexta: *an materiem heterogeneam contineat mercurius et quomodo ab ea distingui queat; et an rite depuratus aut cum camphora mixtus salivationem aequae moueat?* Non continere mercurium, iis artificibus, quae Noster tradit, depuratum, heterogeneam materiem, eumque salivationem mouere asserit, quod de camphorato, experientia nixus, negat.

Quaestio septima: *an vana sit chemiattrorum spes morborum quorumcunque medicinam uniuersalem aliquando detegendi?* Galenicum se praestat et eiusmodi medicinam impossibilem esse probat.

Quaestio octaua: *an ex vitriolo praeparata multa salubria comparari possint, iuxta ANGELI SALAE praecepta?* Recenset omnia a dicto auctore ex vitriolo elicitamedicamina, quibus singulis breuem epicripfin addit, et monstrat, quaeuis eorum omnino esse salubria, quanquam et varia prorsus inutilia censeat.

Quaestio nona: *an cuilibet morbo specificum reperiri possit remedium?* Sunt morbi, qui specificum remedium requirunt, ii nempe, quorum causae materiales liquoribus circumueuntibus inhaerent; sic lue venerea mercurius; scabiei sulphur externe caute applicatum; scorbutusuccus limonum et lacticia specificis opposita videntur. Nec tamen inde concludendum Noster putat omnium morborum eiusmodi specifica existere, cum plurimi eorum tale quid adhuc expectant.

Quaestio decima: *an praestantissima sint concretionum biliosarum resoluentia, sapo et saponacea?* Duplex calculorum biliosorum curatio, alia in paroxysmo, alia extra eum suscipienda. Extra paroxysmum, vel eo respiciendum, ut bilis attenuetur, eiusque viae liberae reddantur, et hac ratione nouis concretionibus obuiam eatur; vel eo, ut iam
formatae

formatae in cystide concretionibus aptis medicamentis resoluantur. Neutri huic indicationi exacte respondent sapo et saponacea, quamvis non omni destituantur utilitate, hinc concludit Noster, nulla hactenus innotuisse medicamenta, quae vera sint eiusmodi concretionum resoluentia.

Quaestio vndecima: *an sic dicta salia essentialia Domini Comitis de la GARAYE sint quid in arte novum ac utile?* Extracta potius, quam salia dicenda sunt haec e vegetabilibus triturationis ope parata educta. Nouam aequae hanc praeparandi methodum, et ob machinae mechanismum, et ob evaporationem in vasis repandis balneo maris aut vaporis praestitam, esse, nec utilitate destitui, ex eo asserit, quoniam partes vegetabilium, stomacho molestae, per eam separantur.

Quaestio duodecima: *quaenam sit differentia inter varia praecipitata sulphuris antimonii, et utrum in eo sit magna vis aduersus morbos cutaneos?* Primae praecipitationis sulphur emefin mouet, longe mitius est illud secundae, per tertiam vero solummodo diaphoreticum nanciscimur. Est tamen omnibus his magna in morbos cutaneos efficacia.

Quintus libellus Auctore GASPARDO IOANNE RENE, D.M.M. diebus 12. 13. 14 Iulii propugnatus, 4. p. 34.

Quaestio prima: *an alcalia tum salina, tum terrea conducant in tussi conuulsua et paroxysmis asthmaticis?* Cum varie differat causa affectionum asthmaticarum, variet quoque therapia earum necesse est. In ea igitur tussis conuulsuae et paroxysmorum asthmaticorum specie, quae a fluidorum lentore et visciditate oritur, ceteris paribus conducere haec medicamina putat.

Quaestio secunda : *quod nam sit discrimen inter acidum fixum vitrioli et eiusdem acidum volatile sulphureum?* Differentiam horum acidorum in processu ratione, odore, sapore, volatilitate et effectu latere affirmat.

Quaestio tertia: *an antimonium diaphoreticum sit pulvis fatuus, insolubilis et nullius virtutis?* Fatuus quamvis sit hic pulvis alcalescens, in nullo menstruo solubilis, efficaces tamen vires medicas ipsi in resoluendo et attenuando tribuit Noster ex auctoritate STABELII, STAHLII, WEDELII, DEIDIER, GEOFFROI, FIZES, contra mentem WILLSII, HOFMANNI, TRALLESII.

Quaestio quarta: *an egregias virtutes medicas possideant remedia quaedam chemica, ut terra foliata tartari, sapo Starckeyanus, oleum animale Dippelii, aether Frobenianus, spiritus volatiles aromatici oleosi Syluii, variaeque tincturae solares?* Seorsim examinat quodlibet horum adductorum medicaminum, et summae energiae ea esse probat.

Quaestio quinta: *an sana de oeconomia animali doctrina absque sapientia chemica obtineri valeat?* Putat physiologiam posse omnino sine chemia cognosci, quamvis largiatur, scientiam istam chemiae studio ulterius illustrari.

Quaestio sexta: *an tartarus vitriolatus, sal de duobus, sal polychrestum GLASERI, nitrum antimoniatum, sint composita identifica, necne?* Affirmat ea cuncta esse vnius eiusdemque indolis.

Quaestio septima: *de usu et abusu destillationis et simplicis in aere libero decoctionis in medicamentorum praeparatione?* Pauca sunt, quae hac de re summi momenti disputat, et generaliora tantum continent.

Quaestio octava: *an certo et proficue moueat anacatharsin kermes minerale?* Demonstrat Cl. Auctor kermes minerale certo ac proficue anacatharsin mouere

mouere, siue sumatur vocabulum in sensu HIPPOCRATIS, id est, pro purgatione per sputa, siue in sensu BLANCARDI, pro omni purgatione per superiora.

Quaestio nona: *an in humoribus animalibus nudum existat acidum?* quanquam a variis iisque celebribus viris NEVMANNO, POTTIO in variis animalium partibus detectum fuerit acidum, Noster tamen BOERHAVIO subscribit, et sequentem contendit opinionem: excepto chylo crudo, adhuc nec absolutam experto concoctionem, alios humores nudum non posse continere acidum, cum vi vitae et repetita circulatione immutetur et in verum sal neutrum abeat, nec sui indicia praebeat.

Quaestio decima: *an alimentorum digestio sit processus chemicus?* Digestionis essentia in eo consistit, vt mucidarum, salinarumque extractio earumque debita praestetur permixtio: quod quidem variis instrumentis variisque in corpore menstruus efficiatur, omnino digestionem dici posse processum chemicum patet.

Quaestio vndecima: *an vulgaris analysis chemica vi ignis peracta, aliquid de substantiarum animalium nativa indole patefaciat?* Cum pleraque ex corporibus per analysin chemicam extracta non educta, sed producta esse censeat Cl. Auctor, negando ad quaestionem respondet.

Quaestio duodecima: *an caustica in corpus animale operentur vi propria chemica, et absque ullo motus vitalis concursu?* Nil caustica, nec potentialia, nec actualia agunt per vim chemicam, sed quos praestant effectus, eos a sola vi vitae dependere Noster paucis declarat.



VI.

An Account of a particular Kind of Rupture, frequently attendant upon new-born Children; and sometimes met with in Adults; viz. That in which the Intestine, or Omentum, is found in the same Cavity, and in contact with the Testicle. By PERCIVALL POTT, Surgeon to St. Bartholomew's Hospital. London, printed for C. Hitch and L. Hawes. 1757. 8 maj. pag. 41.

h. c.

Commentatio de singulari herniae specie, saepius in infantibus recens natis, interdum tamen in adultis quoque observata, illa scilicet, in qua intestina vel omentum in eadem cauitate et in immediato contactu cum testiculo inueniuntur. Auctore PERCIVALL POTT, cet.

p. I. **I**n herniotomia suscepta portio intestini vel omenti ex abdomine descendens interdum in eadem cauitate et in vicinia testiculi nudi deprehensa fuit; quo in casu nonnulli recentiores rupturam veram seu dilacerationem productionis peritonaei seu sacci herniosi assumere non dubitarunt. Vera hernia partes, ex abdomine per annulum obliqui externi musculi descendentes, in sacco quodam, per peritonaeum expansum formato, continet, quod quidem vix rumpi potest, cum extendendo crassius reddatur. Spermatice vasa post hunc saccum herniosum descendunt, et tunc cauum, in quo testiculus inclusus est, nullo modo cum sacco hernioso communicat. In multis observationibus a Cl. Auctore

Auctore collectis, supra allegata ruptura sacci herniosi, per quam contenta herniae in contactum testiculi deferri dicuntur, efficta reperta fuit. His itaque in sectione prima breuiter annotatis in secunda de testiculi descensu in scrotum, vti ille in infantibus recens natis succedit, curatius exponit, quo postea in sectione tertia et quarta singularem herniae speciem, quam describendam sibi sumit, melius definire queat.

Infantum testiculi in abdominali cauitate for- p. 7.
mantur et reponuntur, non quidem in ipso peritoneo, sed post illud, illi vero proxime ante partum, vel post eum in inguinalem regionem et tandem in scrotum descendunt, laxè ibi membranis adhaerent, et a vasis spermaticis tanquam pedunculo dependent. Haec post peritoneum in contextu cellulari deferuntur, testiculus vero musculo psoas, e regione superioris partis vesicae vrinariae, per vrachum eleuatae, incumbit. Epididymis post testiculum posita inferiore sua parte in orificium quoddam se insinuat, quod, testiculo non nihil remoto et tracta epididymide, conspicitur. Hoc specillum admittit, quod per aperturam musculi obliqui externi in inguinalem regionem et ibi in sacculum quendam ducit, qui vera continuatio peritonaci musculos abdominales inuestientis est. Ea p. 11.
epididymidis pars, quae in orificium nunc declarati sacculi intrat, ibi adhaeret nec sursum duci potest, testiculus autem, in cauitate abdominis contentus, nudus est, et vel mox ante partum in sacculum descriptum intrat, vel per respirationem incipientem mox post partum eo deprimitur. Sacculus est cauum ad recipiendum testiculum formatum, et parum refert an pars primigenia sit, an vera peritonaei productione formetur, cum in vtroque casu tamen uictum sit, testiculum in abdomine nudum, post progressum per annulum in hoc inuolucro latere.

p. 18. Hoc autem cauum, testiculum in regione inguinali suscipiens, oblongum et cellulari contextu cinctum conspicitur, orificium sacculi tunc cum cauo abdominis communicat, postquam vero testiculus in scrotum descendit, sacculus figuram pyriformem sistit, adhuc tamen orificium communicans ostendit, ita ut hoc in infantibus recens natis conspici et specillo et fluido immisso disquiri possit, et ita veram continuationem sacculi cum peritoneo declaret. Postquam testiculus in scrotum transiit, vel ob eius pondus, vel ob stricturam musculorum abdominalium, vel aliam ob causam orificium sacculi constringitur et oblitteratur, tempus autem huius mutationis definiri vix potest, cum saepe mox post descensum testiculi in scrotum orificium clausum inueniatur, interdum id serius et, ut Noster observauit, quarto post natiuitatem anno demum eueniat. Id tamen ex nunc descriptis liquet, tunicam testiculi vaginalem, esse partem peritoneae, tunicam autem vaginalem, chordam vasorum spermaticorum inuoluentem, esse continuationem contextus cellulosi post peritoneum deduciam.

p. 23. Nunc herniam, de qua agitur, eiusque genesis ex hac dispositione nata in sectione tertia describit Cl. Auctor. Nisi enim mox post descensum testiculi in scrotum orificium supra descriptum claudatur, pars intestini vel omenti versus hoc orificium premere et in eandem cauitatem, in qua testiculus haeret, penetrare eamque distendere valet. Haec itaque herniae species ut plurimum in prima infantia nascitur, et, nisi descendentes partes in abdomen reprimantur, et orificium compressum oblitteretur ad adultam certe aetatem protrahi potest.

p. 28. In sectione quarta nonnulla exempla, quibus hoc assertum declaratur, exponuntur. In viro robusto viginti quinque annorum, in cuius dextro latere nec scrotum, nec testiculus apparebat, tumor inguinalis conspi-

conspiciebatur, cum signis herniae incarceratae ita auctis, ut variis remediis frustra tentatis incisio suscipienda esset; hac facta sacculus herniosus detegebatur, qui apertus serum sanguinolentum, partem omenti et intestini et testiculum nudum continebat. Tumor itaque inguinalis a prima infantia praesens et neglectus erat, testiculus cum adhaerente epididymide in proprio sacculo contentus occasionem dederat, quo postea omenti et intestini portio in eum penetraret, et sine formatione noui sacci herniosi, incarceratam herniam sisteret. In alio viro triginta quinque annorum hernia simili modo incarcerata inueniebatur, testiculo nudo in ipso annulo musculi obliqui externi haerente, saccum itaque supra descriptum, ad quem in prima infantia non penetrare potuerat testiculus, omenti et intestini pars, praeter naturam occupauerant. Ex hac ipsa re tumores inguinales infantum flatulenti vel aquosi subito apparentes et subito saepius disparentes declarari poterunt, simul quoque ratio datur, cur infantes in prima aetate herniis inguinalibus laborantes masculi sint.

Recueil des Pièces, qui ont concouru pour le
Prix de l'Académie Royale de Chirurgie.
Tome III. à Paris, chez P. Al. Prieur, 1759.
4. m. Alph. 3. pl. 9.

h. e.

Collectio dissertationum, quibus de praemio,
in academia regia chirurgiae obtinendo, con-
certatum fuit. Tom. III etc.

In tertio hoc tomo, cuius summam exhibemus,
quaestiones ab anno huius saeculi quadragesimo
nono ad quinquagesimum septimum usque propo-
sita explicantur.

D 5

Quaestio,

Quaestio, quae anno 1749 characterem tumorum scrophulosoꝝ eorumque species, signa et curationem definienda proposuerat, anno sequenti praemium non reportauit, sed ad annum 1752 translata fuit.

- P. 3. Quaestionem anno 1750 propositam declarauit Cl. GOVRSAUD, praemiumque anno sequenti obtinuit. Versatur autem illa in eo, vt definiatur, *quid sit metastasis, quibusnam morbis chirurgicis ea contingat, quosue eadem producat, in quibusnam casibus ea vitanda inque quibus eadem procuranda sit, tandem quae sint subsidia, quae in hoc vel illo casu adhibenda veniant.* Metastasis locum tantum in morbis, a fluidorum vitio ortis, inuenit et est transitus humoris morbifici ex parte in aliam. Si apostemati ea superueniat, vocatur delitescencia, sique vulneribus et vlceribus ea contingat, refluxus et resorptio nominatur. Delitescencia, quae aequae ac resolutio inflammationi et apostemati familiaris est, ab hac differt. Haec enim est dissipatio insensibilis materiae, apostema formantis, illa vero est subitus materiae in vias circulationis regressus. Quod ad materiem purulentam attinet, ea vel adhuc in vasis latitat nec manifesta est, vel in ipso vulnere aut vlcere conspicitur tuncque proprie pus vocatur. In priori casu, si suppuratio expectanda se haud quaquam manifestat et materies, pus alias constituens, in circulatoria vasa regreditur, mutatio haec refluxus nuncupatur. Sin vero pus in vulneribus iam praesens imminuitur et regreditur, ita, vt vulnus siccum appareat, mutatio ista resorptio vocatur. In tribus hisce casibus, delitescencia nimirum, refluxu et resorptione materies vasa circulatoria intrat, sed datur etiam casus, oppido rarus, vbi humor non vasa circulatoria subit, sed in textum cellulosum gliscit, tuncque haec mutatio translatio appellatur.
- Morbi

Morbi, qui metastasi obnoxii deprehenduntur, P. 10.
sunt herpes habitualis, scabies, variolae, podagra, rheumatismi, lochia, lac puerperarum primis post partum diebus, gonorrhoea, vulnera et ulcera, bubones venerei et pestilenciales, materies critica, in partem quamdam deposita, omnesque tumores humorales.

Morbi, qui a metastasi oriuntur, varii sunt, prout pars est, in qua humor deponitur. Ita v.g. humor herpetis aut scabiei regressus in pulmonibus peripneumoniam vel haemoptysin, in hepate infarctus inque alio viscere alios affectus producit. Humor variolosus in pulmones depositus difficultatem spirandi et infarctus vna cum sanguinis sputo; in hepate inflammationem, inque capite deliria aliaque lethalia symptomata gignit. Verum haecce symptomata non a resorptione puris, sed ab humore varioloso, haud legitime a liquorum massa secreto, dependent. Pari etiam ratione humor podagricus, erysipelaceus, lochia, lac, gonorrhoea etc. retro-pressa multa ac diuersa, imo haud raro periculosa inducunt symptomata.

Vitanda est metastasis in scabie, lepra habituali, P. 14.
gonorrhoea, ulceribus fordidis, materie critica ad partem deposita, gangraenosa dein et pestilenciali, variolis, lochiis, podagra, exterius sedem figente, erysipelate maligno, haemorrhoidibus etc. Ast in angina suffocante, inflammationibus internis, materie interius deposita, exostosi, podagra, viscus aut partem quamdam internam infestante aut vaga, deinceps in rheumatismis, internas partes occupantibus, gonorrhoea, oculos aut alium locum infestante, inflammationibus oculorum contumacibus, bubonibus venereis et in genere in omnibus inflammationibus bonae indolis metastasis procuranda est. Humoris vero morbifici subtilitas, vulnerum quorundam dispositio, aegroti constitutio, vitia humo-

humorum, animi pathemata, regimen male obseruatum, aer, purgantia finistre exhibita, repercutientia, adstringentia, et corrosiua, deligatio non debite applicata, febris, vomitus criticique humores interne depositi metastaseos plerumque suppetant causas.

p. 18. Subsidia, quibus metastasis praecaueatur, sequentia habebis. Si ad facilem resorptionem humor aptus est, cataplasinata maturantia tumoribus, balsamica autem remedia vulneribus applicentur. Criticorum et malignorum tumorum coctio non expectetur, sed quantocyus ei aperiantur. Caustici lapides, cum figant materiem, cultello anteponantur, sique vita in parte abest, actuale cauterium in usum vocetur. Si suppuratio in vulnere lente procedit, digestiua irritantia linteaeque, calido vino aut aromatico imbuta profunt. Gracilibus et debilibus iuscula, oryzae cremor, interdum lac et, si febris abest, pauxillum vini propinetur. Cacochymicorum alius resinosis identidem subducatur talesque potus exhibeantur, qui humores moueant. Praeterea animi vitentur pathemata, diaeta accurata seruetur et aer temperatus procuretur. Corrosiua nec vulneribus dolentibus, nec partibus, vbi plures decurrunt nerui, applicentur. In gonorrhea, podagra, rheumatismis, scabie, tumoribus criticis etc. adstringentium et repercutientium vsus plane nullus est. In vulneribus pure abundantibus non concedatur mora. Sinus aperiantur vel, si istud fieri nequit, fasciae expellentes applicentur et partes ita disponantur, vt quouis modo exitus puris promoueatur. Sit demum deligatio expedita et mollis, nec vero fascia adeo stricta.

p. 19. In excitanda metastasi sequentia notanda sunt. In podagra, caput petente, balnea pedum calida et venaesectio in pede profunt. Si pectus, ventriculus, diaphragma etc. infestantur, venaesectio in brachio

brachio conducit, hacque incassum tentata sinapismi, vesicatoria et interdum vrticationes in pedibus vsurpatae iuuant. Si gonorrhoea retropressa oculos inuadit, venaesectione in brachio prodest, nunquam tamen ea repetenda, cum reditus alias impediatur. Praeterea serum lactis, aqua seminum lini, balnea, frictiones mercuriales multum profunt; sique suppressio ab iniectione adstringente, aqua seminum lini aut lac iniectum prodest. Ophthalmiae inueteratae, si a vitio generali dependent, diluentia, diuretica, purgantia lenia, sudorifera, vel incassum his tentatis, cauteria et fetacea requirunt. Inflammationes viscerum partiumque internarum, a suppressione euacuationis cuiusdam ortae, praeter venaesectiones et diluentia interdum vesicatoria, interdum cauteria, fetacea, hirudines vel alia remedia postulant. Tumores externi venaesectione, repercutientibus, adstringentibus, purgantibus etc. dissipantur. In bubonibus venereis resolutio nec suppuratio excitanda et frictiones mercuriales applicandae sunt. Exostoses resolutionem requirunt, sique a labe venerea mercurialia interne et externe vsurpata conducunt; si vero ab alia causa v. g. materie scrophulosa, aperientia et resoluentia profunt. Si suppuratio in vulnere deest, relaxantia, si inflammatio adest, venaesectione, diaeta et topica anodyna curationem absoluunt. Si a malo regimine metastasis, diaeta et purgantia praestant. Tandem si heterogeneus humor, inflammatione aut morbo quodam generatus, vasa intrat, potus aperientes, diuretici, diaphoretici et purgantia, caute vsurpata, profunt.

Quaestio, quae anno 1749. *characterem, species* P. 22.
et *curationem tumorum scrophulosorum definienda* proposuit, nec praemium reportauerat, ad annum 1751 translata fuit. Sex itaque hac de re Academia obtinuit

obtinuit dissertationes et, licet nullus auctorum
 omni ex parte expectationi satisfecerit, praemium
 tamen Viris Cll. FAVNE et BORDEV *filio* adiudi-
 cavit. Prior quaestionem ita exponit. Struma
 figura, colore ipsiusque aegroti facie, singulariter
 constituta cognoscitur. Raro ea ante quartum aut
 quintum, saepe versus septimum et octauum, nun-
 quam vero post pubertatis aut vigesimum annum
 apparet, vel si demum oritur, evanescit aut ad mi-
 nimum valde imminuitur; quo etiam tempore in-
 ueteratae in scirrhum mutari solent. Indolens prae-
 terea tumor est, sique abscessus scrophulosus aperi-
 ritur, materiem iste grumofam exhibet. Signa
 strumarum praenuncia sunt intumescencia labii
 p. 32. superioris aut ophthalmia. Causae vero struma-
 rum in laxitate et debilitate solidorum, ex altera
 vero parte, in abundantia liquorum crassorum,
 inprimis in visciditate lymphae nutrientis consistit,
 hinc infantes, cum viscidum in iis abundet, strumis
 prae aliis obnoxii sunt. Strumae vel internae, vel
 externae sunt: illae mesenterium occupant, in pul-
 monibus tubercula, asthma, suppuratione et
 phthisi stipata, formant, inque cerebro epilepsiam,
 vertiginem, paralyfin, apoplexiam etc. producunt.
 Externae in omnibus partibus corporis glandulosis
 inprimis in collo, sub axillis, in inguinibus etc.
 conspicuae sunt.

p. 39. Curatio in eo consistit, ut remedium exhibea-
 tur, quod visciditatem humorum tollat et ad fomi-
 tem usque mali pertingat, quodque, si exterius
 vsurpetur, absque irritatione se insinuet, viscidam-
 que lympham diluat et resoluat. Tale remedium
 Noster se inuenisse vsuque comprobatum habere
 putat, ita tamen, ut puritatis insimul, victus regi-
 minisque ratio, si effectum edere debeat, habeatur
 omnino. Formulae praescriptio haec est: Reci-
 piantur saponis alicantici grana quindecim aut
 drachma

drachma vna; pulueris spongiarum combustarum et calcinatarum grana decem aut drachma semis; pulueris vtriusque scrophulariae, limaturae martis ana grana sex vel scrupulus vnus. Cuncta cum sufficiente quantitate syrapi de quinque radicibus aperientibus misceantur et in formam boli redigantur. Praeterea aqua calcis viuae, aqua fontana, in qua pugillus summitatum rorismarini decoctus fuit, parata pro potu ordinario propinanda, purgantium vsus frequens vitandus aliusque manna tantum aut confectioe Hamech ducenda est. Quod ad remedia exterius applicanda attinet, variant ea, prout tumor apertus, vel absque solutione continui esse solet. In posteriori casu linimentum, ex sapone communi, in lixiuio calcis viuae soluto, paratum prodest, imprimis si pars calide admodum foueatur. In priori vero casu si tumor apertus est, fomentationes, saepius de die vsurpatae, et fascia, sapone soluto adiectisque cineribus sarmentorum recentibus imbuta conducunt. Exstirpatio nihil iuuat; praeseruatio autem in diaeta et regimine consistit: conducit etiam, si saepe sapo alicanticus aut alius et aqua calcis viuae pro potu ordinario sumatur panique puluis rorismarini, anisi, croci, foeniculi etc. admiscentur. Linteorum denique, vestimentorum et aeris puritatem, nec non motum et laborem a morbo hoc quam maxime praecauere, Noster omni iure monet.

Eandem hanc quaestionem declarauit Cl. BOK. p. 43.
DEV. Dissertatio haec multis obseruationibus nititur, quibus, ceu optimo fundamento scrophularum theoria, minime imaginaria, superstruitur. Si ad aegrotos attendamus, hos ipsos vt plurimum infantes esse, animaduertimus. Ii enim, cum sanguis maximam partem succorum excrementitiorum ad caput vehat, morbis ea propter capitis, faciei atque
colli

colli maxime obnoxii sunt. Quid? quod ipse solidorum et fluidorum in infantibus status morbo huic producendo quam maxime fauet. Glandulae praeterea in infantibus multo molliores minusque elasticae, actioque earum multo minor, quam in adulto generationi huius morbi non obsunt. Quod ad fluida spectat, ea in infantibus minus elastica magisque viscida sunt, quam in adultis, cumque etiam minus biliosa sint, fit inde, ut motus spontaneos subeant et acida euadant.

P. 53. Qui flumina et montes accolunt, quique prauis alimentis vescuntur, scrophulis prae aliis obnoxii sunt; inde rusticis magis, quam iis, qui in vrbe degunt, morbus iste familiaris est. Sed nec mirum, cur ii, qui ad montes habitant, scrophulosi deprehendantur, siquidem aqua, aer et alimenta corpora eorundem ad suscipiendum istum morbum aptissima reddunt. Quod enim ad aquam spectat, ista ex receptaculis, niue et glacie plenis proveniens, parte puriori, tenuiori et lenissima orbata est. Vicissitudo dein aeris maiorque in eo acidi copia, tandem alimenta viscida et fermentationis principiis plena efficiunt, ut acida in humoribus oriatur acrimonia, seu ad scrophulas inducatur dispositio. Ex his itaque causam huius morbi in visciditate humorum eorumque acrimonia acida quaerendam ideoque curationem hisce causis accommodandam esse, colligendum est.

Ante omnia primarum viarum ratio habenda et vomitoria, inprimis Ipecacuanha exhibenda sunt. Iis enim ethac praesertim radice, visciditas in primis viis quam maxime inciditur et euacuatur. Haec etiam emetica nimirum purgantibus praestant. Licet enim primas vias moueant, ea tamen humores tantum mobiles euacuant, nisi fortiora et stimu-

stimulantia, vt sennam et ialappam exhibueris, quae tamen, ob dolores, quos saepe excitant, omittantur, licet dolor hic ceu stimulus salutaris astimari debeat. Post haec absorbentia terrea propinanda sunt; hisce enim acidum temperatur, alius ob coniunctionem acidi cum terreo non raro mouetur insimulque actio ventriculi et intestinorum restituitur aut excitatur. Praeterea plantae amarae, vt fumaria, chamaedris et scolopendrium, inertiam bilis corrigendo, in primis autem cortex peruuianus, nec non plantae antiscorbuticae alcalinae, vt nasturtium et cochlearia maximi hic vsus esse solent. Hisce enim remediis visciditas tollitur, acidum temperatur, bilis corrigitur, tonusque canalis alimentorum restituitur sicque dispositio humorum ad corruptionem spontaneam apta vincitur.

Lac et serum lactis, licet ad compescenda quaedam symptomata aliquid praestare videantur, in curatione tamen nihil praestant et, cum facile acecant et visciditatem adaugeant, causam morbi potius pertinaciorem reddunt. Ast aquae minerales et tales quidem, quae partibus saponaceis oleosis, sulphureis salibusque neutris, marino, vitriolico aut Ebshamensi similibus donantur, interne et in balneo vsurpatae, prosunt. Maximi autem vsus eaedem esse solent, si exterius insimul frictiones mercuriales applicentur; ex harum enim illarumue conubio causa morbi ita oppugnatur, vt materies fundatur, moueatur atque lenis laudabilisque suppuratio excitetur.

Quod ad victum pertinet, farinacea bene fermentata et iuscula carniuum tenuia, interdum brassicam, castaneas et passulas maiores profuisse, Noster expertus confirmat. Tandem etiam aeris mutatio eiusmodi aegrotantibus suadenda est. In primis aer montanus iis conducit, qui in vrbibus degunt; qui vero ad montium radices habitant, his

non aequae loci montani mutatio cum urbibus suscipienda est. Conuenit quidem loci mutatio, ita tamen, ut ex valle in vallem migrent sicque hac mutatione sanitati prospiciant. Triplex praeterea strumarum status, dispositio nimirum corporis, euolutio earum et *ἀκμή*, aetas deinde et sexus aegrotantium, morbi duratio aliaque demum, quae hanc vel illam curationem suadeant aut dissuadeant et casus in specie determinent, attendenda omnino veniunt. Ex his cauteria interdum maxime proficua et cultello semper praeferenda, atque matrimonium iunioribus, morbo hoc correptis, utile, illis vero, qui strumis diu iam laborant, minime proficuum esse, annotamus.

P. 142. Eandem hanc quaestionem explicandam sibi sumit Cl. CHARMETTON. Struma a Nostro ut vitium lymphae consideratur, quod interius et exterius in diuersis partibus vario modo et ut plurimum glandularum conglobatarum infarctu se manifestat, quippe quae modo, sensus haud incurrente, intumescunt, ut plurimum doloris expertes sunt et de reliquo duritiem, renitentiam aliaque signa scirrhi habent. Causa strumarum in coagulatione lymphae consistit, quae vero ab atonia vasculorum et quantitate humorum aucta vel imminuta nec non etiam plethora vera et spuria prouenit. Quod ad externas causas attinet, aer frigidus, crassus, paludosus et particulis virulentis repletus, nec non alimenta in magna quantitate aut valde parua assumpta, victusque crassus, glutinosus, per se quidem non acidus, sed euolutioni acidi spontanei fauens, multo magis autem acidus, aqua demum particulis duris, salinis, austeris, crassis, impuris ponderosisue scatens prae aliis huc pertinent.

S truma

Strumae vel benignae, vel malignae sunt. Illae p. 158. adfunt, si superficiariae, aequales, mediocriter durae, mobiles fluctuantes, non inflammatoriae et indolentes sunt; si deinde sensim paulatimque formantur, si porro progressus earum non adeo subitus est, sique demum sponte in suppurationem abeunt vlcusque inde ortum absque difficultate coit. Malignae vero vocantur, quae durae, inaequales, profundae sunt et adhaerent, quae dein multiplicantur et paruo temporis spatio augentur; quae porro glandulas conglomeratas atque partes membranosas et tendinosas inuadunt, quae dolore et inflammatione plus minus insigni stipatae sunt, quae materiem tam deprauatam et acrem habent, vt textus partium mollium vel durarum destruat; quae in vlcera plus minus maligna abeunt, de quibus saniosa materies manat et quae fistulis et carie stipantur, quorum margo callosus, contortus et dolens est, quaeque demum characterem vlceris cancrofi habent.

Tumores hi pro partium diuersitate, quas occupant, varia nomina accipiunt: e. g. si in tendinibus resident, ganglia, si in ligamentis tophi, in periosteo nodi, in ossibus exostoses etc. vocantur. Variat etiam nomen pro diuersitate materiae; ita p. 160. steatoma, atheroma etc. audit. Quod ad materiem, p. 165. in his tumoribus contentam, attinet, ea pro varietate acrimoniae salinae varia esse solet. Ita fluiditas atque color flauescens et rubescens ostendit, olea alcalinis salibus attenuata et soluta esse; consistentia media et color albus, vt in atheromate, acidi praesentiam manifestant; dura tandem materies sebacea et adipi similis, vt in steatomate, olea viscosa et, ob acidi eminentiam, crassa designat. Ex his itaque aliisque perpendendis phaenomenis coniicere licet, in his tumoribus, imprimis malignis, sales acidos magis, quam alcalinos, dominari. Praeterea tumores

isti per contagium communicantur, vel haereditarii a parentibus in infantes transferuntur, vel tandem acquisiti sunt, qui vltimi, vel absque vlllo morbo praegresso producti, primitiui dicuntur vel morbis quibusdam succedunt et consecutiui nominantur.

p. 180. Tumores scrophulosi sensim sensimque generantur, diu in statu suo manent et incurabiles persaepe fiunt, interdum autem resoluuntur aut in suppurationem abeunt, aut indurantur, aut morte terminantur aut demum delitescunt. Resolutio admodum difficilis est; sedes enim eorum aequae ac frigiditas et durities, nec non aegrotantium laxa plerumque et phlegmatica constitutio, cacochymia seu vitium, humoribus iam inhaerens et ad gignendos infarctus novos aptum, impedimenta sistunt; quae cuncta etiam suppurationem tardam et difficilem reddunt. Licet autem tumores, in externis partibus siti, optime interdum suppurent, plerumque tamen suppuratio tumorum scrophulosorum maligna et triplex esse solet. 1) Tumores reperiuntur, in quibus suppuratio motu spontaneo, acrimoniam et putredinem materiae, tumores constituentis, indicante excitatur. Tales tumores sunt, qui glandulas, circa aponeuroses, pectus, caput etc. infestant. 2) Dantur tumores, in quibus materies purulenta plus minusue superficialis formatur, quorum basis imperfecte suppurat et dura atque renitens manet. Atque hic tumorum exitus non infrequens est, siue infarctus glandulas, siue partes carnosas, aut tendinosas, metacarpum, metatarsum articulationes etc. infestent. 3) Tandem tumores sunt, qui nec resoluuntur, nec suppurant, sed, si sponte se aperiant, serum acre fundunt et margines duros, crassos et inuersos habent, ideoque indolem cancrisam manifestant. Hoc autem modo tumores scrophulosi emunctoriorum, articulationum, partium, ad tendines iacentium, genarum, posterioris partis surae

furae etc. terminantur. Saepe etiam tumores scrophulosi indurantur, si quando nimirum lymphacraffa in glandulis et iuncturis congeratur, aut re-percutientia et resoluentia male applicentur. Vasa enim istarum partium debilia sunt; motus autem eorum aut actio admodum lenta, ita, vt alia istorum remediorum vel solida crispent ideoque motum humoris infarcti imminuant vel alia fluidissimam tenuissimamque materiae partem dissipent. P. 190.

Moriuntur partes, si actio solidorum et motus fluidorum, quae in partibus, vbi tumores isti haerent, distribuuntur, destruitur vel aboletur isque exitus tumorum scrophulosorum *mortificatio* a Nostro vocatur inque siccam et humidam diuiditur. Illa producit, si sanguis deest, aut vitia quaedam liquoribus qualitatem nutrientem adimunt, vel et solidorum tonus debilis est et deficit. Haec vero a copiosis liquoribus in parte haerentibus prouenit. Hicce tumorum exitus nunquam bonus esse solet, siquidem insignes dilacerationes et cicatrices difformes sequuntur aut, si vlcera inde orta consolidata fuerint, materies deponitur, quae rebellis, sub cicatricibus formata, morbum denuo producit. Si tandem tumores scrophulosi subito dispareant, perdelitescentiam eos terminari, Noster dicit. Sed raro id accidit, et si est, magna omnino requiritur attentio, siquidem humor iste vitiat, per corpus nunc oberrans, vel partes interiores infestare, vimque in eas exercere, vel exteriores partes aggredi atque noxia, forte non compescenda, symptomata excitare potest. P. 192.

Ante omnia autem studendum est, quomodo tumores scrophulosi cognosci et ab aliis tumoribus dignosci queant. Saepe enim cum tumoribus catarrhosis confunduntur, qui tamen ab illis in eo differunt, quod molles et leuiter sensiles sint atque facile resoluantur. Complicantur etiam cum aliis P. 200.

morbis, qui vero suis etiam signis se produnt. Itaque ad vitam aegrotantis, ante actam, sedulo attendendum est. Si enim aegrotans victu duro, viscido, acido et farinaceo vescatur, si tenera aetate lac ex mammis foeminae, tunc temporis grauidae suxerit haecque cacochymica fuerit, aut vitio quodam singulari laborauerit, si talis in regione, vbi morbus iste regnat, natus aut diu ibi commoratus fuerit, si vna cum scrophulosis vnum locum inhabitarit, aut isti homines, quibuscum degit, morbo quodam venereo, scrophuloso aut scorbutico laborauerint, tuncque infarctus scirrhusi glandularum in collo, sub axillis, inque inguinibus conspiciantur, certa quodammodo tumorum scrophulosis habetur diagnosi.

p. 207. Quod ad prognosin pertinet, tumores scrophulosi recentes, aut qui diu benigni fuerunt, nec multiplicantur, in primis si aegrotans iuuenis et boni temperamenti est, locum forte habet curatio. Maligni autem tumores, inflammati et exulcerati mala praenunciant aequae ac illi, qui infantes aut senes infestant. Imo variat tumorum exitus, prout aegrotantis constitutio cacochymica et temperamenta variant.

p. 210. Quod ad curationem spectat, inter alia, quae hic traduntur, millepedes, serum lactis chalybeatum et mercurium violaceum commemoramus. Millepedes recentes siccatis praestant, sique pulvis requiritur, recentes a sordibus purgandi, hisque postea vinum album adfundendum, hocque sensim ad siccitatem euaporato residuum in puluerem redigendum est. Pulvis hic cum martialibus et purgantibus misceri potest. Serum lactis chalybeatum fit, si vel clauis ferrei candentes in sero lactis extinguuntur, vel si nodulus limaturae martis aut chalybis cum eo coquatur. Tandem mercurius violaceus ex aethiope minerali, in igne praeparato, et aequali
portione

portione falis ammoniaci paratur et sublimatur. Praeter haec innumera alia tam interne, quam externe vsurpanda remedia commemorantur, quae autem silentio praeterire liceat.

Hanc quoque quaestionem exponendam sibi P. 288. sumsit Cl. GOVRSAND. Cum plura et eadem fere a Nostro dicta hic sint, quae in antecedentibus iam annotauimus, ea repetere nolumus, pauca tamen annotantes. In causas Noster inquirens illis aduersatur, qui morbum hunc a vitio quodam aut miasmate venereo deducunt. Nec etiam morbum istum contagiosum esse, experientia probat. Inter remedia, interne exhibenda, mercurium dulcem et aethiopem mineralem commendat, frictiones vero mercuriales, nisi cum vitio quodam venereo complicatus sit morbus, reiicit. Infantibus praeterea, hocce morbo affectis, medicinam minime faciendam, sed annos potius pubertatis expectandos, tumque, si non cessarint, remedia exhibenda esse, praecipit. Quod ad externa remedia pertinet, inter alia etiam cauteria actualia et ligaturas non raro opem ferre, arbitratur.

Hanc quaestionem etiam exposuit Cl. MAIAVLT. P. 311. Sub nomine tumorum scrophulosorum non solum strumas, sed alios etiam tumores aliaque tubercula comprehendit Noster atque primo quidem tumores hos a succis lymphaticis generari, glandulas conglobatas sedem huius morbi primariam suppeditare, neque tamen alias partes, cum et adiposos succos vitium istud tangat, ab hoc tumorum genere immunes esse, ostendit. Istos porro succos, qui scrophulas forment, crassescere posse, variasque concretiones formare, duritiem autem horum tumorum, cum materies, dictos tumores formans, mox pultis, mox gypsi formam induat, a duritie

scirrhorum tumorum differre, demonstrat. Partem praeterea succorum, tumores formantium, fixam et crassam, digestionem in hoc morbo vitiatam hincque chylum male elaboratum esse, succos dein chylosos, actioni vasorum organicae minime subiectos, tenacitatem humorum producere, succosque, cum difficulter putrescant, contra vero acidae seu rancidae acrimoniae obnoxii sint, gelatinosos proinde in hoc morbo dominari insimulque adiposos succos, cum inter hos et gelatinosos, nec non etiam chylum analogia quaedam sit, in formandis his tumoribus concurrere, Noster declarat.

p. 325. In curatione horum tumorum venae sectionem primo, plus minus reiteratam, posthac purgantia leniora, quae fortioribus et emeticis praestant, tandem aperientia et alcalia suadet, praecipue autem resoluentia, in primis antimonialia et mercurialia cum absorbentibus mixta laudat, tumque topica insimul, ut fomentationes, embrocationes etc. applicari iubet, ita tamen, ut in usu eorum temporis illiusque, quod morbum comitatur, ratio habeatur omnino.

p. 336. Tandem et haec quaestio ab Auctore quodam anonymo declarata est. Hic autem specifici tantum mentionem facimus, cuius vires in curandis strumis Noster expertus laudat. Paratur istud sequenti ratione. Sumitur nimirum nitri depurati, salis absinthii et antimonii Hungarici ana vncia vna; singula seorsim in pulverem redacta, postea exsiccata miscentur et in crucibulo sat capaci detonantur, quo refrigerato massa regulina eximitur, in pulverem redigitur, eique per decem dies mane et vespere aqua calida adfunditur, materiesque quotidie quinquies aut sexies agitur. Tandem pulvis ficcatur, super porphyritem teritur et asservatur. Postea saturatum liquiritiae decoctum scamnoneo, in pulverem redacto, affunditur, continuo hasce materies

materies super ignem mouendo, donec liquor lacteus euaserit; tunc autem iste effunditur, nouum decoctum adfunditur, idque toties repetitur, donec liquor affusus nullum amplius colorem lacteum acquirat. Lactei liquores confunduntur, euaporantur inque syrupi consistentiam rediguntur et asseruantur. Tandem mercurius viuus cum lapidibus cancrorum teritur, forti corio includitur et prelo subiicitur. Labore hoc ter repetito mercurius purus demum obtinetur. Cum tribus hisce praeparatis alia coniunguntur sicque memoratum istud remedium obtinetur. Praescriptio autem formulae haec est: Recipiantur scammoni praeparati vnciae duae; aethiopis drachma vna semis; mercurii purificati, antimonii praeparati, croci martis aperitiui ana drachmae tres; saponis albi Genuensis drachmae duae; pulueris millepedum drachmae tres. Haec cum syrupo quodam miscentur, inque bolum rediguntur; huiusque septendecim aut octodecim grana, corpore rite praeparato sumuntur.

Quaestio, quae anno 1752. de cauterio actuali p. 352. proposita fuit, anno sequenti praemium non obtinuit, sed ad annum 1755 translata fuit.

Pariter etiam quaestio, quae anno 1753 de am p. 353. putatione proposita fuit, anno sequenti praemium non reportauit, sed ad annum 1756 translata fuit.

Quaestionem anno 1753 primum propositam, p. 355. posthac ad annum 1755 translata exposuit Cl. BISSIERE. Quaestio autem haec est, *an cauterium actuale a veteribus nimium applicatum, idemque a recentioribus nimium neglectum fuerit, in quibusnam casibus istud ad curandos morbos aliis praeferendum, quaeque huius praerogatiuae rationes sint?* Cauterium actuale, potenti ob actionem certam atque defi-

nitam praeferendum, solidarum, quas tangit, partium textum diuidit, stratum vicinum destruit et subsequencia tumida reddit. Hoc ipso fluida in primo strato euaporantur, in secundo alterantur inque subsequentibus colliguntur et infarciuntur insimulque nerui et eorum spiritus commouentur. Hi primarii effectus esse solent. Euacuatio vero et exsiccatio partis, fluidis abundantis, sanguinis spirituumque affluxus, suppuratio, escharae fluidorumque vicinorum expulsio, partium deperditarum regeneratio, tandem cicatrix secundarios effectus constituunt. Sed alii etiam effectus notandi sunt, qui, cum saepe in partes, a morbosa parte remotas, agant, indirecti seu sympathici vocantur. Itaque calcinationem, necrosin, alterationem et exsiccationem in parte, quae immediate tangitur, posthac obstructionem et inflammationem in partibus, quae adiacent, inque genere neruoso tandem commotionem atque metastaseos productionem a cauterio expectabis. Quod ad morbos attinet, quibus chirurgia medetur, quinque eorum genera considerata veniunt. Primi generis sunt exostoses, haeque si malignae sunt, ut scrophulosae et cancrosae, cauterium requirunt; benignae vero, nisi abscedant aut fungosae carieque profunda et humida affectae sint, istud auxilium non admittunt, imo solidae nec fluidis repletae istud respuunt.

p. 373. In curandis herniis nec actuale, nec potentiale cauterium, sed cultellum praestat. Oedema et emphysema nunquam externa, multo minus cauteria actualia, quae tamen veteres applicarunt, postulant. Ast ad tumores quosdam inflammatorios et perniciosiores quidem, ut ophthalmias refractarias, cauteria in loco remoto, non in ipsa parte, applicata multum prosunt et resolutionem praestant. Tumores inflammatorii maligni, a causa externa, e g. ictu venenato, contactu impuro venereo et pestilentiali,

lentiali orti, cauteria actualia admittunt, quod vero non valet, si ab internis causis ei proueniunt. Gangraena, tumoribus superueniens, rarissime cauterium actuale requirit, atque quidem eo tantum in casu, ubi principium venenatum, malignum et locale subest. Tumores glandularum et articulationum frigidi, fungosi et humidi cauterium actuale admittunt.

Tumores concreti, ut verrucae, condylomata, p. 381. polypi, scrophulae confirmatae, scirrhi etc. vel auulsione, vel ligatura, vel cultello, vel caustico, vel demum igne curantur. Vltimum hocce auxilium, ignis nimirum, eo tantum in casu valet, si tales tumores humidi sunt, idque eo magis, si humiditas vitata est, haecque vicinarum partium corruptionem minatur. Notandum tamen est, tumores hos fungosos magis, quam scirrhosos magisque molles et humidos, quam sensibiles et duros requiri; sin alias, periculum habebis. Excessu aut defectu numeri figuraque naturali deprauata si peccant partes, cauterium non admittunt. Valet tamen hoc in paralyfi, ligamentorum relaxatione et anchylofi inque omni casu, ubi motus deficiens turbationem excitat. In vulnere curatione actuale p. 392. cauterium prorsus inutile aestimatur, eo tantum casu excepto, ubi haemorrhagiae nullo alio remedio fisti queunt. In venenatis autem vulneribus e. g. ictu viperarum, morsu canis rabidi etc., bono cum successu istud applicari potest, quippe quo liquor venenatus ita destruitur, ut in humorum massam transferri nequeat. Potentialia contra noxia aestimantur, siquidem cum liquore venenato, ut oleum cum flamma, coniunguntur.

In vlceribus, quorum callositas instrumento p. 393. scindente tolli potest, nihil valet; quae vero omnem curationem, tam interne, quam externe susceptam respuunt vlcera maligna, fungosa, callosa et saniosa, his

his actuale cauterium medetur et potentiali praestat, dum nullam qualitatem venenatam, qualem potentialia, ex arsenico v. g. parata, habent, in
 p. 398. corpus inducant. In curatione fistulae lacrymalis ferrum ignitum, quod hoc in casu a veteribus nimis vsurpatum et a recentioribus neglectum est, interdum multum prodest, in primis si caries humida et insignis subest. Ast in vlceribus cancrofis et rodentibus, ab interna causa natis, nec potentiale, nec actuale cauterium conducit; sin vero eiusmodi vlcus ab externa causa oritur, insimulque fungosum, indolens, putridaeque quodammodo indolis est,
 p. 406. actuale cauterium valet. Tandem etiam saepe memoratum cauterium in quibusdam morbis v. g. rheumatismo, podagra, doloribus capitis persistentibus, insignem opem praestare solet. Tali enim modo morbus a parte nobili in minus nobilem, cauterio vexatam, transfertur sicque tollitur.

p. 413. Hanc ipsam quoque quaestionem declarauit Cl. LOVIS. In hacce dissertatione Cl. Auctor antiquitatem cauterii actualis probat atque multo studio ostendit, in quibusnam morbis istud ab HIPPOCRATE, CELSO, AETIO, PAVLO AEGINETA, MARCO AVRELIO SEVERINO et FABRICIO AB AQUAPENDENTE vsurpatum fuerit. In sequentibus autem morbis ignitum ferrum Noster laudat: in oedemate pedum, vbi rupturae gangraenosae apparent, remedium istud progressum cohibet, qui tamen haud raro scarificatione acceleratur. In doloribus pertinacioribus ferrum ignitum, actionem vasorum sanorum augendo, oscillationes, a morbi oscillationibus diuersas, producendo, humoremue morbificum deriuando, multum prodest. In primis autem cauterium actuale in fistula lacrymali, malo ischiatico, morfu animalium rabidorum, ozaena, ampu-

amputatione penis, in parte licet gangraenosa suscepta, in certis quibusdam anthracibus contagiosis, ubi suppuratio expectanda non est, in angina porro gangraenosa, carcinomatibus ossis maxillaris superioris et inferioris, humiditatem saniosam ibi consumendo et crustas, progressum mali impediētes, inducendo, tandem in sistendis haemorrhagiis, si valde vrgeant, felici cum successu applicatum esse, Noster declarat.

Tandem et ab Auctore quodam anonymo quaestio haec declarata fuit. Hic in duas partes dissertationem diuidit, inque priori casus exponit, in quibus P. 444. actuale cauterium aliis praeferrī mereatur. Si itaque sanguis, vel lymp̄ha ab excrescentiis fungosis, quae applicationem hirudinum in infantibus aut illis, quorum sanguis post febrem hecticam tenuior et aquosior euasit, sequuntur, tanta copia stillat, ut nullis remediis compescatur, cauterium praestat. Si arteria vulnerata est et decursus eius, nec vinculum, nec ligaturam admittit, idem cauterium valet. Si instrumenta incisoria in tumoribus faccatis, fistulis, tuberculis et excrescentiis ita adhiberi nequeant, ut dicti morbi radicitus tollantur, cauterium iuuat. Si venenum vulnere immissum est, vlcus fungosum, saniem plorans, non conglutinatur, aut gangraena ex debilitate et laxitate partes vicinas trahit, aut os vitiatum est, nec omnis in eo humorum circuitus deest, hincque exfoliatio retardatur, si porro venarum varices sanguinis effusio in cellulosum textum comitatur, si tumor lentus et indolens per se tardius in suppurationem abit, si ossa dura vel mollia denudata et aeri exposita cariem in superficie contrahunt, si tandem vlceris orificium, ut ex fundo conglutinetur, apertum tenendum est, cauterium valet et scalpello praefendum est.

Sed

- p. 460. Sed quaeritur, in quibus casibus cauterium actuale cauterio potenciali et aliis omnibus sanandi rationibus praestet? Si confestim adurendum est, si humores aquosi dissipandi aut vasa stimulanda sunt, ut absorptio et suppuratio augeatur, si vstionis limites accurate definiendi sunt, si metus est, ne pus aliusue humor, inter vrendum, effluat, si oris fauciumque tumores et ulcera vrenda sunt, si caries, vermicularis dicta, adest, sique ad spasmos tollendos, solida roboranda, inflammationem excitandam, suppurationem promouendam acrior stimulus requiritur, merito cauterium actuale potenciali praeferendum est.
- p. 467. Quodsi vero humidum ita abundet, ut ignis extinguatur, ut in dente cauo aut osse exeso cum hyperfarcosi et excrecentiis fungosis coniuncto, si ignis irritatio noceat, ut in phlegmone ad suppurationem tendente, si cancer parvus aut canceri maioris residuum adsit, sique demum ulceris vulnerisque benigni caro luxuriet, potentiale cauterium actuali praestet.
- p. 468. His praemissis altera nunc parte veteres in usu ignis nimios, nimiumque apud recentiores cauterium actuale neglectum fuisse Noster ostendit.
- p. 488. Quaestionem, quae ad annum 1755 translata fuit, declaravit annoque sequenti praemium duplex obtinuit Cl. FAVRE. Ita autem se res habet, ut casus, ubi amputatio in vulneribus cum fractura ossium complicatis, praesertim illis, quae a tormentis bellicis inflicta sunt, confestim suscipienda vel etiam, ubi ea differenda sit, determinentur deque his rationes reddantur. Si symptomata, quae vulnera cum fractura ossium complicata et a tormentis bellicis inflicta comitantur, considerentur atque perturbatus status hominis, cui id contigit, insimulque laesarum partium conditio perpendatur, si demum symptomatum impetus, quaque hora post inflictum vulnus metendus,

duſ, ponderetur, quiuiſ ſtatim perſpiciet, amputationem in eiuiſmodi vulnerato ſtatim poſt inflictum vulnuſ minime ſuſcipiendam ſed differendam eſſe. Praeſtat enim animuſ vulnerati priuſ erigere, doloreſ eiuiſ ſopire impetumque ſymptomatum priuſ refrænare, quam eiuiſmodi operationem, doloreſ nouoſ inducentem, vel praefenteſ augentem, ſuſcipere hocque modo ſtatuiſ hominiſ multo magiſ perturbatum reddere. Vt itaque amputatio felici cum ſucceſſu ſuſcipiatur, neceſſe omnino eſt, ut vires corporiſ, nec validae, nec adeo debilitatae adſint. Periculoſum etiam eſt amputationem eo tempore ſuſcipere, quo motuſ violenti et irritatio vniuerſaliſ adeſſe ſolent.

Licet autem ob rationeſ, haſtenuſ adductaſ, p. 501. amputatio differenda omnino ſit, dantur tamen caſuſ, ubi ſtatim poſt acceptuſ vulnuſ, dicta operatio inſtituenda eſt. Si namque membrum quoddam truncatum eſt parteſque admodum laceratae ſunt, ita, ut vñiri nequeant, ſi deinde articulationeſ maioreſ fractae ſunt, ſi porro extremitatum quaedam parſ ita deſtructa eſt, ut vita deſit et gangraena accedat, ſi oſſiſ magna parſ in parua fruſta redacta et quaſi contrita eſt, ſi articulatio fracta et notabilis partium ligamentoraruſ laeſio eſt, ſi tandem truncuſ arteriae ita laeſuſ eſt, ut continuo ſanguis profluat iſque nullo modo compeſci queat, amputatio ſane, ſtatim ſuſcipienda, locum habet. Licet enim even- tuſ huiuſ operationiſ minus certuſ ſit, meliuiſ tamen eſt, eam ſuſcipere, quam vulneratuſ certae morti relinquere.

Ex hiſ itaque perſpicere licet, amputationem abſque corporiſ praeparatione et quieti ſtatuſ reſtitutione periculoſam ſemper inque caſibuſ extremiſ ſemper etiam tremula manu ſuſcipiendam tuncque, ut neceſſariuſ malum conſiderandam eſſe. Prae-
terea

terea etiam, amputationem in omnibus vulneribus complicatis, licet quoque nulla eam comitetur fractura ossis, nec etiam insignis adeo partium mollium deprehendatur iactura, differendam tuncque non nisi symptomatibus grauioribus sedatis suscipiendam esse, patet. Sed magna omnino ex procrastinatione enascitur vtilitas: saepe enim status partis vulneratae, cuius amputatio necessaria antea visa fuit, ita mutatur, vt conseruari integra possit. Nisi itaque amputationis necessitas vrgeat, tam diu ea differenda est, donec ipsa natura eam ipsam indicauerit. Quodsi vero vulnus liuidum fiat, pus putridum et foetidum, caro luxurians, ossisque color niger appareat atque pars gangraenam minuetur, vel etiam haec signa si absint, si tamen curatio neutiquam succedat, vel si ossa vnionem respiciant, vel denique si aegrotans quotidie debilior fiat, amputationem indicatam esse, censeas. Licet autem saepe differenda nobis videatur amputatio, saepe tamen symptomata, non praeuidenda, accedunt, quae amputationem statim suscipiendam suadent. Ita v. g. si eschara, post aliquot dies separata, haemorrhagia accedat, nullo modo compescenda; vel si intumescencia aut tensio, inflammatione totius membri et febre valida stipata, superueniat, amputatio statim instituenda est. Minime tamen putes, ac si tunc demum amputatio periculosa sit. Quomagus enim ea distat a tempore, quo vulnus inflictum fuit, eo magis bono cum successu pars abscindi potest. Tunc enim fluida iam imminuta et solida ope regiminis et remediorum ita relaxata sunt, vt nihil posthac de his metuendum foret. His itaque expositis Noster demum octo observationes subnectit, quibus hancce amputationis theoriam firmiorem reddit.

Eandem

Eandem hanc quaestionem exposuit Cl. *CONTE*. p. 521.

Hic primo exponuntur casus, in quibus amputatio statim suscipienda est. Si magnum os e. g. femur ita fractum sit, ut utrumque extremum in acumen desinat, quod nec tolli, nec reponi possit, sicque unioni impedimento sit. 2) Si ossa femoris, brachii, cruris et cubiti in pluribus locis fracta simul sint. 3) Si in tali statu extremum ossis a corpore eiusdem separatum sit. 4) Si articulus contritus et in plura frustula separatus sit, ita, ut nullum partibus mollioribus relinquatur fulcrum. 5) Si corpus peregrinum ita in os intrusum sit, ut arte nulla euelli queat. 6) Si sanguis, ex arteria membri fracti fluens, nullo modo compesci possit. 7) Si membri quaedam pars deficiat; si tandem conuulsiones, non compescendae, aut gangraena superueniant, amputatio valet.

Vulnus vero cum fractura ossis complicatum et *p. 531* commotione totius generis nervosi stipatum, vires aegrotantis validae, humorum qualitas deprauata, visceris nobilioris inflammatio, ligatio vulneris primo tempore neglecta, necrosis non limitata et imprimis si supra vulnus intumescencia inflammatoria, longe se extendens, adsit, amputatio, cum periculi tunc plena esse soleat, differenda est. Sique demum os a globulo tantum minori inque medio tantum fractum sit, si in articulatione cubiti aut genu, nec humeri, nec femoris extremitatem inferiorem tangat fractura, nec symptomata vrgeant, si cruris et tarfi, nec non cubiti et carpi, ossa aliqua ex parte tantum fracta sint, sique demum vulnera cum ossium fractura a tormentis bellicis non inflicta sint, amputatio ob periculum vix metuendum, differenda esse videtur.

Quaestio, quae anno 1756 proposita *casus, ubi* *P. 544.*
amputatio femoris in ipso articulo unicum, vitam
Tom. IX, Pars I. F agro-

aegrotantis seruandi, auxilium videretur, determinari iubet, numque ea suscipienda et quae optima instituendi methodus sit, praemium non obtinuit, sed ad annum 1759 translata fuit.

P. 545. Vltimam tandem quaestionem anno 1757 propositam explicauit et anno sequenti praemium obtinuit Cl. GRILLON. Versatur autem omnis rei cardo in eo, vt *casus, ubi in morbis chirurgicis iniectiones necessariae sint, definiantur, insimulque generales et speciales, his vtendi, regulae tradantur.* In quatuor partes Noster tractationem diuidit, inque prima iniectionum incommoda, in secunda effectus earundem, quos cum aliis remediis communes habent, in tertia vsum earum verum, inque quarta demum regulas, in adhibendis iniectionibus obser-

p. 550. uandas, exhibet. Quod ad incommoda spectat, iniectiones 1) partes, quibus applicatae sunt ob-
ruunt et aggrauant, 2) partes distendunt iisque se insinuant et sinus efficiunt, 3) per fluida aduentitia gluten illud naturale, quod a Natura, ceu materies elementaris partium solidarum desti-
natum est, subtrahunt, 4) vasorum extremitates, denuo crescentes, destruunt, corrugant easdem et indurant, inprimis si saepe repetitae sint, 5) fauent introductioni aeris in partes, quibus applicantur, 6) iniectiones, cum fluidae sint, incommoda etiam remediorum huius generis habent, alterantur, subito dissipantur et superficiebus tantum, quae actione earum indigent, adhaerent, 7) tandem rudis, vt quorundam mos est, partium externarum pressio, vt iterum exeant, multis incommodis stipata est, cum vt contusio considerari queat.

p. 555. Si casus obuenant, vbi operationes, cultello peragenda, fasciae expellentes, incisio in loco opposito, turundae atque iniectiones simul indicen-

p. 560. tur, hae illis semper postponendae sunt. Sed nec
utilitate

utilitate quoque carent iniectiones, cum interdum locis quibusdam auxilium adferant, quod alia praestare nunquam valent; imo illarum ope partes anodyna, emollientia, adstringentia, balsamica, mundificantia, detergentia, caustica etc. accipiunt remedia. Sed quaeritur, ubi eae adhibendae veniant? p. 561.

In vulneribus externis quibuscunque, si recentia sint, iniectiones usurpari nequeunt, si vero multum tempus praeterlapsum sit, nec ad cicatricem vulnera producta in sinus et fistulas abire inceperint, iniectiones, aliis incassum adhibitis, valent inque omni casu necessariae habentur, ubi absque harum ope alia subsidia nihil alias praestare possunt.

Si humores sanguinei vel purulenti intra corpus p. 563. offundantur, factaque incisione exitus illis concilietur, multi quidem, ad detergendas partes destructas easdemque regenerandas atque rursus uniendo, iniectiones suadent: sed, cum solius naturae ope id perfici queat, iniectiones proinde non necessariae sunt, imo potius intermitteri debent. Interdum tamen in cauitate cranii si effundantur humores, iniectiones locum ibi inueniunt, ubi vero non, nisi aliis frustra tentatis et quidem summa cum cautione adhibendae sunt.

Pari quoque ratione iniectiones in vulneribus p. 567. thoracis inutiles censentur. Licet enim SCVLTE-TVS, ad compescendas haemorrhagias pulmonis, adstringentes iniectiones suaserit, eae tamen, cum opprimant pulmones et tussim excitent, neque tamen laesum vas ad constrictionem disponere valeant, inutiles prorsus, imo noxiae aestimantur. Sed nec ad diluendum quoque sanguinem, in cauitate pectoris collectum et coagulatum, quid praestant, cum liquores iniecti partes iam vexatas et oppressas eo magis opprimant maleque afficiant et praeterea sanguis ipsius naturae ope optime resolui queat. Interdum tamen eodem, sed non, nisi aliis

frustra vsurpatis, in abscessibus pectoris internis adhibendae sunt atque quidem si in textu celluloso pleurae haereant, non aequè, si eidem in pectoris cauitatem penetrent.

p. 574. Nihil iuant iniectiones, si in abdominis cauitate pus effundatur, aut in hepate abscessus haereat, imo potius in vtroque casu noxiae omnino euadunt.

p. 577. Ast in morbis quibusdam viarum lacrymalium sinuumque inprimis maxillarium, ad vlcera ibidem detergenda, porro in vesicae dilatatione aut constrictione, ad compescendos spasmos et vlcera eiusdem

p. 579. detergenda, inprimis autem post lithotomiam, ad excludendos calculos minores, qui non nisi cum periculo extrahi alias possunt, tum in vrthrae, vteri eiusque vaginae morbis, tandem in superficialibus recti intestini vlceribus iniectiones haud raro optimo cum successu suscipiuntur.

p. 583. His expositis octo demum subnectuntur regulae, quae in vsu iniectionum obseruandae veniunt.

VIII.

ANTONII DE HAEN, Consilarii Aulici ac Medicinae Practicae in alma Vniuersitate Vindobonensi Professoris Primarii, Ratio Medendi in Nosocomio Practico, quod in gratiam et emolumentum medicinae studioforum condidit MARIA THERESIA, Augustissima Romanorum Imperatrix, Hungariae, Bohemiae, etc. Regina. Editio altera. Vindobonae. Typis Ioannis Thomae Trattner, Caes. Reg. Apost. Maiest. aulae typographi et bibliopolae. MDCCLIX. 8 mai. pl. 8. Pars altera; editio altera. MDCCLX. 8 mai. pl. 12.

Ante hos tres quidem et quod excurrit, annos nempe sub exitum anni 1756, prima iam indicati libri pars prodiit, quam tres aliae eiusdem formae eiusdemque argumenti secutae sunt et quarum plures sine dubio expectare possumus omnique etiam iure cupimus atque optamus. Interim casu tantum et praeter omnem voluntatem accidit, ut iusto serius lectoribus nostris indicemus hoc opus, omni tamen attentione omnique commendatione dignissimum. Quam enim olim, quum de b. MEADII *monitis et praeceptis medicis* exponeremus, observationes medico - practicas colligendi methodum laudauimus, eam quoque ab Ill. DE HAEN receptam esse intelligimus. Quae enim in variis morbis, tum quoad remedia pharmaceutica aut chirurgica, tum quoad aegrorum dietam atque regimen, prae aliis inuenerit proficua, vel quoque noxia, sedulo, acute atque fideliter annotauit, iudiciis suis de morborum varia indole varioque decursu interspersis. Largissimam his conficiendis observationibus materiem ipsi suppeditat muneris, quo fungitur, ratio, cuius quippe vi aegrorum in vastissimo nosocomio practico vndiquaque apportatorum curam ita debet gerere vereque habet, ut, comitante ipsum medicinae studiosorum numerosa caterua, coram aegrorum lectulis hos artis tirones et naturam morborum et optimam iis medendi methodum, publice doceat. En laude et imitatione dignissimum institutum, quod non doctos solum atque peritos medicos perficit; sed totius artis nostrae incrementum, quam maxime iuuat illamque omnino amplificare valet! Ab ipso autem Cl. Auctore nostro eo solidiora eoque utiliora tradi poterunt, quo maiorem iam olim famam consecutus fuit, quum ex schola Magni BOERHAAVII egressus, Hagae Comitum per viginti iam annos medicinam faceret. In veterum quoque non solum

medicorum, sed recentiorum quoque, scriptis verfatissimum eum esse, omnis eius comprobata doctrina. Ex ipsius nunc operis prioribus partibus quaedam delibabimus, de reliquis proxime ad lectores nostros relaturi.

Prima pars nouem absoluitur capitibus, quorum *primum de diaeta aegrorum* exponit. Ea *Nostro* solet esse prorsus Hippocratica, ex farinaceis conquisita; iure carniū tantum assuetis concessio, additisque
p. 6. tamen acescentibus correcto. Valde copiosum in primis et assiduum potum ex aqua hordei vel auenae cum melle tartarique, si aestus postulauerit, cremoris vel nitri paulo largiore copia, vehementer, nique fallimur, recte commendat, quo, acribus ventriculum onerantibus, dilutis solutisque, nausea vomitusque saepius ab initio morbi praesentes tollantur; sitis extinguatur; acre potissimum illud, humoribus inhaerens nervosque vellicans, diluatur; omnes corporis secretiones adiuuentur; vltior humorum corruptio praecaueatur; appetitus, primarum viarum sordibus correctis, citius redeat; et quo tandem molestus iste vomitus vel alui fluxus, morborum decursui saepius superueniens, praeuertatur. Si qua etiam accedat diarrhoea, ea, nisi quoque vere critica sit, tamen, vel crudo adhuc existente morbo, vt plurimum bona esse solet. Quum aegris in nosocomio, cui *Noster* praest, tam copiosus praebetur potus, vt duas tresue mensuras, quarum quaelibet quatuor libras medicas capit, epotent per diem: fieri inde putat, vt petechiae ac miliaria in illo fere ignorentur.

p. 10. *Secundum caput de medicamentis in morbis acutis* agit. Emeticorum in his damnat *Noster* vsum motusque potius, qui tum temporis solent violenti esse, moderari iubet; quin et nauseas vomitusque, ex aliorum, medicorum sententia tale remedium indi-

indicantes, copioso tantum decocti diluentis vsui
 saepius altero iam morbi die cessisse asseuerat. Ex p. 15.
 vegetabilibus autem acida commendat, saponacea
 et aperientia, talium radicum decocta, additis melle,
 oxymeli, fructuumque acido-dulcium succis inspif-
 fatis vel inde paratis syrupis, et pro necessitate re-
 rum circumstantium salibus neutris. Laudabili
 hinc feruore in magniloquas ac vaniloquas formulas
 dispensatorii Viennensis, cui plura alia quam similli-
 ma esse dolemus, inuehitur, multumque postea
 disputat contra remediorum terreorum vsum, quippe
 quae, vel non mutant acidum ab eoue immutentur,
 vel, si qua eorum quoque mutata in tertium quoque
 neutrius generis abeant corpus, tamen noceant in
 acutis morbis, aperientem quidem vim quandam his
 vltimis inesse concedit *Noster*, sed hanc, quae demum
 fit, non conuenire acutorum principio; quum
 cruda tum mouenda non sint; neque tempori cri-
 seos; quum materiem ad vrinae vias nimium vrgeant.
 Nitro se quidem vti ait, sed blandiore modo agere
 hoc violentiore autem istud, perhibet. Eo tandem p. 20.
 vtitur argumento, quod ne vnum quidem granum
 omnium istorum terreorum praescripserit vmquam,
 vix pauci tamen ab acutis morbis integro biennio
 perierint. Purgantia propter causas paulo supra
 iam allegatas aequae parum praescribit, ac vomitoria:
 enematum vero, si alius modo clausa, modo pro-
 pter acrimoniam laxa nimis sit, frequentiore vsu
 eo grauioribus argumentis suadet. Interim tamen
 non raro dari sine dubio concedet Ill. Auctor eius
 generis febres, quae tantum a saburra cruditatum,
 vel alius alienae materiae primis viis inhaerente
 originem suam ducant ideoque remediis leniter
 aluum ducentibus potissimum curari debeant, inte-
 stinales eam ob causam a non nullis auctoribus
 appellatae.

p. 26. In *tertio* deinde capite *de aëre, decubitu, sessione, aliisque circa aegros moderandis*, differit. Ab initio contra pessimum istum morem, quo conclauia nimis calida redduntur, pugnat caloremque moderatum et ad 60 vel 65 gradum thermometri Fahrenheitiani tantum concedit, aerem quoque omni modo corrigere et renouare annititur. Quam vehementer nocius, si diu protrahatur, sit defectus motus et in primis decubitus, constat. Aegros itaque, vel acutis quoque morbis detentos, etsi debilissimi sint, in lecto tamen quotidie erigere, ut per pauca certe horae momenta sedeant, si vero vires id permittant, per 1, 2, 3 horas e lectis. Noster iubet

p. 32. eximere. Praeter alia hinc oriunda commoda hoc quoque eo refert, quod ne semel quidem per biennium viderit in nosocomio petechias, exceptis illis aegris, qui eo iam morbo capti, in illud introducti fuerint, et vnica tantum vice miliaria alii morbo, pulmonum quippe acuto, superuenientia, eaque ex errore tantum commissio orta. Purpuram vero idiopathicam ter modo vidit. Ab initio aliorum clamore perterritus, tales similibusque morbis putridis decumbentes aegros iacere fuit, deinde vero eos cum felici successu electis eduxit.

p. 38. *Quartum* porro caput *de diebus criticis et crisi*bus variis Cl. Auctoris sententiam continet. Locorum quidem de crisi variorum tempore in HIPPOCRATIS operibus reperiundorum summam quidem esse discrepantiam concedit, ab HIPPOCRATE autem ipso illam prouenire negat, sed, quum Graeci numeros exponant literis, ex incuria eorum, qui manu descripserint veterum scriptorum opera, similes errores, quam facillime irrepere potuisse monet. Quod si quis vero clinicas eius observationes in *Coacis* et *Prorrheticis* consuluerit, recte iudicasse illum senem, quemlibet deprehensurum esse putat, praesertim, quod Aph. 2 - 24 omnium maxime

maxime cum ipsius obseruatis conueniat, quae *Noster* etiam sua per plures quam viginti annos confirmata semper fuisse tradit experientia.

Idem quoque in capite *quinto de urinis* asserit, p. 53. praesagia tamen inde petenda saepius esse incerta et obscura. fatetur. Data hac occasione, meminit experimentorum, quae cum urinis sanorum aequae ac aegrorum hominum ceperit, et acidis et alcalicis additis, vt exploraret, num Cl. PRINGLE doctrina de alcalinorum contra putredinem vi responderet experientiae? Omni autem examine euietum esse perhibet, acida longe diutius ab urinis arcuisse putredinem, quam alcalia, excepto tantum spiritu cornu cerui; urinasque longe citius contraxisse putredinem, si alcalica fuerint admixta, quam si tantum sibi relictæ fuerint.

In capite *sexto* varia recenset experimenta, quae p. 57. cum *sanguine humano* fecerit, limitibus tamen nostris, quae repetantur hic loci, nimis et ampla et numerosa. Ea potissimum concernunt sanguinem rubrum et *Ruyfchianam* sic dictam *pseudo-membranam* artis ope, tum conquassando, tum aqua et calida et frigida saepius affundenda, inde parandam; eius porro serum, crustam inflammatoriam atque colorem, varias denique mutationes a variis affusis liquoribus ortas. De eius sero quid *Noster* obser- p. 70. uarit, notamus experimenta cum eo et cum albumine oui capta, vehementer inter se diuersa ostendisse phaenomena. Illud enim aquae feruidæ admistum, ab hac in nullum abiit coagulum, sed lacteum saltem ipsi conciliauit colorem; ita quoque permanfit lacteus hic liquor, licet frige factus, ad ebullitionem iterum redactus fuisset. Ex omnibus autem illis experimentis apparet, quam necesse sit, vt plura in posterum de sanguine capianrur tentamina, quum ea, quae de eius natura iam habere credimus comperta, valde adhuc dubia et obscura sint.

P. 84. *Septimum caput quaedam exhibet anatomica.*

Quod ab aliis iam obseruatum fuit, illud a *Nostro* etiam annotatum deprehendimus, se nimirum in paraphrenitide et pleuritide corporum defunctorum pulmones ad membranam, quae costas, diaphragma et pericordium ambit, flaua, crassa, atque tenaci materie, ipsi sanguini phlogistico simillima, affictos reperiisse. In cadauere feminæ, quae diu iam laborauerat phthisi et sputa flaua, subuiridia, crassa, aquae falsae fundum illico petentia, maxima in copia sputauerat, pulmones tamen non consumti, nec collabentes, sed veluti fungosi, neque puris guttula vel vomicae vestigium in iis, inueniebantur. Simili modo in cadauere viri hydrope et phthisi extincti, ne minimum quidem puris aut vomicae in ipsis pulmonibus, sed aliquid tantum puris in trachaea

p. 96. reperiundi, cernere licuit. Lumborum, crurum atque coxarum inflammationes saepius a medicis negligi et arthritidem potius vel lumbaginem rheumaticam subesse, falso ab iis credi *Noster* ex cadaueribus intellexit, vertebrae lumborum et ossa femoris ab acri pure corrupta et exesa interdum deprehendens. Puella quadriennis in lapidem cadens, perpetua deinde cephalaea laborabat; post septem vero annos a vermibus enecabatur. En cephalæae causa! Sinum falciformem et quae in illum ex encephalo reuehunt sanguinem, vasa occupabat polypus. Intestinum vero ilium duas offerebat sui susceptiones, quarum vna semidigitum longa, ita se habebat, ut superior eius pars susciperetur ab inferiore et tumidior et inaequaliter dura esset, a quinque lumbricis teretibus cincta et contorta. Plures alias annotationes in cadaueribus factas hic loci reperies.

In capite octauo de vi electrica exponit *Noster* pluribusque enarratis casibus insignem eius virtutem in paralyfi, chorea, S. Viti, artuum tremore aliisque

aliisque morbis comprobat. In transitu quaerit, p. 101.
cur paralyfis vel chorea S. Viti, nisi omnes artus
affecerint, finistram frequentius, quam dextram
corporis partem occupent? Idem quoque a nobis
obseruatum esse meminimus, nos tamen aequè
ignorare causam, fatemur.

Vltimum denique siue nonum *de variis* inscribi- p. 111.
tur caput. Nonnulla nimirum commemorat Cl.
Auctor, quae vltèrius examinata magisque per ex-
perientiam comprobata ab ipso expectare possumus;
v. c. de viribus aquae calcis contra calculum, mer-
curii sublimati contra luem veneream eiusque diris-
sima symptomata e. s. p. Fumi tabaci in ileo et
hernia incarcerata laudes praedicat ideoque instru-
mentum, communis ad clyfma siphonis formam
exhibens valde commendat. Dissertationem de
colica pictonum ante hos duodecim iam annos edi-
tam, insigniter nunc auctam promittit et mutatam.
Id saltem in praesenti praefatur, olei pinguiumque
vsum aduersus hunc morbum poenitendum esse
numquam, quin et in multi panis esu cum oleis et
pinguibus optimam inuenire putat prophylaxin
illos artifices, qui metallis praeparandis victum
quaeritent.

Nunc ad *alteram* huius operis *partem* propere-
mus. Tredecim illa continet capita, quorum *pri-*
imum methodi Hippocraticae, Sydenhamianae ac Boer- p. 1.
haavianae praestantiam extollit. Breuib. tantum
innuit, illam primo iam tomo morbis acutis me-
dendi methodum, ad HIPPOCRATIS, SYDEN-
HAMI atque BOERHAAVII, monita et praecepta
praescriptam, per constantem laetamque in dies in
nosocomio confirmari experientiam. De emeticis
supra iam disputatum fuit; hic vero loci repetit, ea
tantum aequè ac purgantia istis in casibus modo re-
perire locum, vbi putrida bilis, suis signis con-
spicua,

spicua, vt prima et vnica morbi caussa, febrim excitet, cuius tamen reliqui tumultus, datis paulo post euacuantia paregoricis, compescendi sint. Plures tamen dari existimat febres acutas et putridas, in quibus vomitus aluique deiectiones ab irritatis tantum proueniant nervis, quare in iis, si valida febris cum magno pulsu adsit, venaesectione, tumque oleo lini cum tantillo opii, enematibus oleosis, largo decoctorum emollientium, vti et cataplasmatum talium fotuumque imo ventri applicatorum vfu, nihil sit praestantius, quum omnibus istis remediis tumultus ab irritatis nervis oriundi optime tolli soleant.

- p. 7. *Secundum* caput Cl. Auctoris *de generatione puris* cogitata exhibet. Praeparationem puris praegressam sequi debere inflammationem, ex medicorum scholis constat. Interim accidit non numquam, vt pus excreent aegri aut alia via ex corpore eiiciant, in hoc tamen nullo, quo reconditum fuisset, reperiundo receptaculo. Similem iam supra ex primae partis capite septimo enarrauimus historiam; aliasue eiusdem fere indolis hoc in capite legere licet: ex variolarum quoque historia constat, istas interdum excipere abscessus absque praegressis inflammationis signis, solo tantum tumore molli conspicuos. Hinc
- p. 14. quaeritur, vndenam illud pus? Ab ipso sanguine, ex mente Cl. Auctoris, immediate secernitur: prout aliam similemque in ipso deprehendamus dispositionem ad generandam istam materiam phlogisticam eamque per varias vias excernendam, sine aliquo sacco intermedio, in quo moram contrahere posset.
- p. 19. Multiplices autem gignendae huius in sanguine materiei causas, in primis tamen earum septem, *Noster* enumerat: frigus nimirum calenti corpori admissum: rarefactionem sanguinis in homine plethorico, per nimium corporis motum, aut vehementem iram, aut pergraecationem, effectam: acrimo-

acrimoniam veneream, arthriticam, rheumaticam in aliquo loco iam quidem depositam, variolosam porro, morbillosam, scarlatinam, e. f. p. vtramque, nunc intra sanguinem susceptam; victum lautum in otiosis, quin et nimis tenuem in aliis, qui infimae fortis sint, hominibus: grauiditatis statum: tandemque diathesin quandam naturalem visam. Alia vero nunc oritur quaestio, quam arcanap. 21. lege recensitae istae causae materiem hanc ipsam valeant producere? Nonne plurimis in casibus, solida arctari, densari fluida sicque de reliquis crûoris elementis materies haec exprimi videtur? Aliquid tamen adhuc incognitum et obscurum saepius infimul admitti debere, negandum haud erit. Illud variolarum genus, quod interdum obseruatur absque febre praegressa, vti et grauidarum statum earumque in primis, quae antea numquam expertae fuerint fluxum menstruum, comprobare illud videntur.

Hancce porro suam Cl. Auctor illustrat sententiam p. 26. per obseruata in vulnere ibique praeparando pure obuia; licet hanc doctrinam ipsi contrariam esse primo intuitu quis forte putet: expendas autem, vulnere inflicto, sanguine nunc exsilire cessante, lympham tantum tenuem, minime phlogisticam, transfudare; tribus vero quatuorue diebus elapsis, accedente febre, labia vulneris mutari, nuncque, imminuta febre, pus exire, quo ablato, alba propullulare corpuscula, seu eminentia potius vasculorum extrema, quibus vnitis, cicatricem fieri. Applies haec ad morbum inflammatorium internum, quo sanguis diathesin contraxit phlogisticam, v. c. peripneumoniam. In huius principio et augmento tenuia, aquosa, glutine leui striisque sanguineis mixta prodeunt sputa: tertio autem quartoue die striae istae cessant sputaque exeunt cocta, puri similia, flaua, deinde subalbida et morbum ita iudicant. Aliud
insuper

insuper datur phaenomenon in utroque illo casu, nostrum argumentum illustrans. Quodsi enim vulnus, quo tempore pus in illo generari inceperit, frequenter nimis deligaueris, pus bonum, quod laesae partis adiuuet consolidationem, haud amplius inuenies; aliqua igitur concedenda est quies, quo lymphæ ex arteriolarum osculis emanans, emolliat extrema vasa indeque resistantiam eo natam in vulnere auferat, illamque ipsam materiem phlogisticam fundat, quippe quæ deinde, cum illa lymphæ permixta, bonum pus exhibet. In peripneumonia saepius violenta tussis concutit nimis pulmones coctionemque materiei inflammatoriae impedit. En vero! aut natura, aut arte, conciliato blando somno, sputa et colore et consistentia mutantur coctaque exscreantur.

p. 35. Est eadem quoque sanguinis dispositio, de qua huc usque differuimus, illa, qua non in acutis solum, sed chronicis quoque morbis, sub vitae terminum visceribus circumnata deprehenditur crusta tenax, flaua. Ex eadem porro ad diathesin inflammatoriam sanguinis dispositione intelligitur. cur in abscessibus tanta puris copia interdum effundatur,

p. 36. ut aegri tandem ex defectu virium pereant. Aliis quoque in natura rebus inhaerere vim, sanguini hancce conciliandi diathesin, exemplo belladonnae, vel atropae LINNAEO dictae, comprobare *Noster* annititur, quippe cuius contra cancrum adhibitæ usu tam insignis copia puris prolecta fuerit, ut inde duae feminae pene extinguerentur. In transitu de hac herba repetamus, quod ichoris loco pus quidem bonum visum effecerit, ipsum tamen cancrum haud percurauerit. Ex ea denique, quam adumbravit Cl. Auctor, theoria intelligi arbitratur, cur parua vulnera, sine febre inflammatoria et absque impositis maturantibus, bonum et copiosum pus interdum praebeant? Cur febres topicae dicendae,

dicendae, nonnumquam obuenant? Cur in angina pectorisque inflammatione uti et in vulneribus, altera iam die interdum pus appareat?

In capite *tertio de variolis*, suam iis medendi p. 39. methodum proponit Cl. Auctor. Super inoculatione variolarum, cui non fauet, ante aliquod tempus quaestiones edidit, proxime a nobis indicandas; iam vero de naturalium habenda cura suas tradit observationes. In genere methodum contra illas commendat antiphlogisticam, exulantibus emeticis; balneorum porro emollientium usum, bis de die per semihoram ad genua usque extra lectum adhibendorum, pedibusque tum probe abstersis applicata epispastica; insuper altera iam a bene prodeuntibus variolis quauis duodecima hora, vel si pustularum genus fuerit malignum, quoque crebrius, paregoricum; enemata dein emollientia quotidie ad finem usque morbi immissa. Oculos aqua cum lacte, vel lacte cum decocto seminis fumach, totamque faciem cum aqua lacte permista fouere iubet. Venaesectionem, ab initio non tantum, si febris eam postulauerit, sed urgente hac, quouis variolarum stadio, peripneumonia, pleuritide accedentibus, permittit, quin et sub finem morbi, omnibus ficcatis pustulis, ut sanguis ab illa materie liberetur, quae sepius oculos afficiat furunculosque excitet. Variolas pure turgidas iamque ficas ad diem decimum, 11. 12. tenero forfice praescindere, sique opus fuerit, variolis denuo purulenta materie turgentibus, saepius hoc modo aperiri, spongiisque cum aqua tepida et lacte abstergi et foueri, et sub finem morbi tandem purgantia antiphlogistica frequenter dari iubet. Pustularum vero reiteratam percissionem ideo potissimum suadet, quod non conseruandae solum venustati quam maxime eam inferuire, sed puri, quo minus in panniculo adiposo coacer-

coaceruetur nouasque ludat tragoedias, exitum dare, constanti longoque usu habeat compertum.

p. 53. In capite *quarto de herniis* tres huius morbi historias recenset, quae tamen repetantur a nobis, nimis amplas. Id saltem inde patere narramus, herniotomiam, quam utilis saepiusque necessaria sit, magna tamen cum circumspectione adhibendam esse, quum in hisce morbis externis aequae ac internis summa mirabilisque saepius obueniat rerum circumstantium diuersitas.

p. 60. *Nonnulla de tympanite et ileo morbo* profert Cl. Auctor in capite *quinto*. Variis iisque, uti constat, quam maxime inter se diuersis et veterum et recentiorum de hoc morbo iudiciis ab initio allatis, memoratu dignum adducit casum, ex quo deinde, quam

p. 65. ipse foueat, sententiam colligit. In cadauere enim hominis a triennio tympanitici, intra tres annos ileo ter affecti vltima vice eo extincti, firma ac si ab arte circumducto filo effecta esset, intestini coli coarctatio ad septem circiter pollicum distantiam a principio recti deprehendebatur, ad quam tota excrementorum moles coaceruata erat, colo sub constrictione viso gracili rectoque non expanso. Reliqua coli pars ad coecum usque, uti et ipsa tenuia intestina omnia cum ventriculo, quam maxime erant distenta, adeo ut ipsius thoracis conformatio inde vehementer mutata esset, compressis inde pulmonibus et corde paruo reddito. Itaque ex inflammatione, quam in descripta coli regione ante tres annos passus fuerat aeger, constrictione ista remanserat; aluo autem tum temporis diu et pertinaciter clausa, intestina ita expansa fuerant, ut tympanitem efficerent eamque, licet primo morbo soluto viso, elasticitate tamen omissa, seruarent, aliqua tantum excrementi via per angustatum canalem permessa. Permanens autem ilei causa proegumena morbum de nouo facile gignere potuerat,

potuerat, qui tandem aucta tympanite et gangraena finitus fuerat, Tympanitem igitur, vti plurimis aliis in casibus, sic et in nostro, in canali intestinorum ab aere nimis expanso consistere, patet; duplicem tamen, eamque solutu difficillimam, superesse quaestionem, fatetur *Noster*, nimirum vnam: an valuula Tulpiana seu Bauhiniana ita mutari possit, vt excrementis iter fiat ex crassis in tenuia intestina? alteram: qui fieri queat, vt obice illo, cuius resistentia tanta sit, vt vel in denatis, nec aquam, neque flatum transmittat; insuperabili viso, enemata tamen transiisse obseruata fuerint? Postquam, quae contra BIANCHI, MANGETI, HAGVENOTII et HALESII, virorum hoc phaenomenon explicaturorum opiniones disputari possunt, protulit, HAGVENOTI sententiam interdum habere posse locum concedit, quod nimirum colon atque coecum adeo amplificari queat, vt apertura ampliorem nanciscatur circumferentiam, quam vt valuula, alias eam quam arctissime claudens, nunc eam vltra explere posset. In nostro quippe casu ne tertiam quidem aperturae partem valuula tegere posse visa fuit; adeo aucta fuerat coli atque coeci diameter. Interim tamen non omnes faeces, quas forte aegri euomuerint, ex intestinis crassis prouenire debuisse, ex pluribus cadauerum sectionibus demonstrat, quibus constitit, stercus aluinum, quoad consistentiam, colorem atque foetorem, verum ad distantiam trium pedum et octo pollicum ab ipsa valuula in ileo intestino iam reperiri posse. Alteram nunc porro quaestionem, quomodo nimirum enemata, ano immissa, ore reddantur, ita soluit, vt, si talia accendant symptomata, per incipientem gangraenosam intestini diathesin, constrictionem laxari totumque intestinorum canalem ab aere rarefacto extendi adeo debere existimet, vt valuula nunc illi claudendae aperturae non sufficiat. Interim, quum via

- nunc patula fiat et omnia tamen non deorsum, sed sursum expellantur, manifestum esse contra HÆGVENOTVM asserit, non solum diaphragmatis musculorumque abdominalium, sed intestinorum potius peristalticum motum vere inuersum, in gangraena demum incipiente superstitem, omnia
- p. 79. eiicere per superiora. Omnem denique vomitum stercoreum mortem inferre negat, experientia non solum confirmatus, sed illis quoque rationibus adductus, quod stercus interdum, vti iam dictum fuit, ex intestinis tenuibus proueniat et quod incipiens, quoque gangraena a vi vitae superstite sisti et superari queat.
- p. 81. *De nonnullis infortuniis nostris sextum caput inscribitur.* Varias in eo Cl. Auctor enarrat morborum historias, quorum exitus infauustus fuit, luculento testimonio, quantae fidei et quam insignis ille sit candoris; id, quod a quolibet viro bono expectamus. Alii tamen recensentur quoque casus inexpectati quidem, attamen felices, euentus, ad quem corticis potissimum peruuiiani rectus vsus plurimum contulit. Longiores tamen hic loci esse,
- p. 90. limites nostri vetant. Illud tantum, vix frequenter nimirum obueniens, monemus, non variolarum solum febrim, sed pleuriticam quoque, ex intermittentium genere esse earumque typum obseruare
- p. 95. posse, nonnunquam obseruasse *Nostrum*. Nec ipsi a vero alienum esse videtur, inter cutaneos morbos acutos quandam dari affinitatem, vt origine et natura vix multum, sed vario saepius, quo cutem afficiant, modo inter se differunt.
- p. 101. *De polypo agens in capite septimo,* duplex eius esse genus ait, alterum, quod in homine iam dudum adfuisse ex ipsius signis pateat, alterum, quod sub ipso demum articulo mortis generari videatur: Materiem ipsi procul dubio suppeditare spissum istud, sanguini inhaerens principium, de quo supra
- iam

iam dictum fuit in capite secundo: Modum vero, quo gignatur, inde posse intelligi, quod sanguis e vena missus sponte iam in cruorem abeat, vel, si conquassetur, fictitiam membranam, *Ruyfchianam* dictam, polypo similem, repraesentat: a subito itaque terrore vel aliis causis, v. c. lipothymia, aliquam humorum circuitui quietem conciliante, vel in corde tremulo ipsos conquassante, ipsum sanguinem in hac quietis specie vel conquassatione solidescere, praesertim si naturalis aliqua diathesis ad ipsius spissitudinem vel densitatem phlogisticam iam adsit. Datur insuper aliud polypi genus. Homo p. 106. pleuriticus non sputa, sed materiem albam, densam, oblongam, ramosam, arteriae figuram referentem, eiicit. In ipsius deinde, sexto morbi die mortui, pulmone sinistro inveniuntur asperae arteriae ramuli tali materie pleni. Similis materies cum sanguine in arteriis pulmonalibus haerere, vti et transsudando crustam flauam supra pulmones efformasse visa est.

In octavo capite de singulari modo respirationis et p. 108. motus cordis agens *Noster*, memoratu omnino dignissimam enarrat historiam hominis 43 annorum, cuius, praeter alia miranda in ipsius cadauere obuia, viscera in thoracis cauitate contenta omnia tam arcte inter se nexa et concreta fuerant, vt explicari non posset, quo modo non is solum absque difficultate spiritum ducere, sed vitam quoque satis longam agere potuerit *.

G 2

In

* Illud tantum a nobis addi velimus, similem vereque stupendum casum ante hos tres annos vidisse nosmet ipsos, in quo non thoracis tantum, sed abdominis quoque viscera adeo inter se adunata et quasi concreta apparebant, vt vnum modo corpus ista referrent cuncta. Attamen ille homo gibbosus erat, per plures annos hypochondriacus atque asthmaticus, apoplexia tandem sublatus.

p. 123. In capite nono *quaedam de pulmone innatante aut subfidente in aqua* proponuntur. Obstructiones nimirum, mucum copiosum atque scirrhos in pulmonibus interdum reperiundos, horum portiones, quin et integros lobos, grauiores reddere posse, etiam sua *Noster* confirmat experientia, ita vt vicinac partes leuiiores de caetero simul in aqua subfidere igiturque, notum illud experimentum, chirurgus nisi fuerit cautus atque attentus, fallax reddere queant. Aliud porro subiungit monitum, quod infans nimirum nascens in ipso partu aerem inspirare, ante tamen, quam edatur vere in lucem, mori ideoque iudicia ea de re lata fallere iudicem possint. Pace tamen Cl. Auctoris moneamus, tales partus vt plurimum esse difficillimos absque manu auxiliatrice vix expectandos: feminas autem infanticidii accusatas, clandestinum ideoque saepissime felicem partum edere, hincque a vero alienum esse, iam dictum casum tum temporis locum obtinuisse.

p. 126. Dissertationem, *de supputando calore corporis humani* caput decimum exhibet. Primo celeberrimos viros, dum sani vel aegroti hominis calorem determinare voluerint, cum commisisse monet *Noster* errores, quod tempus quamdiu thermometra applicuerint corporibus, non satis obseruarint. Ex sua igitur eaque constanti asserit experientia, si per octauam horae partem sub axilla sani hominis tenuerit thermometer, hoc caloris gradum 95, 96, si per quadrantem horae, gradum 97-99, si per dimidiam horam, gradum 100, 101, si per integram horam, 101, 102 gradum denotasse; caloris gradu ultra non aucto, si per longius quoque tempus thermometer fuerit applicatum: similem porro calculum obseruari semper in aegrotis: in febrili nimirum admodum modico calore, eadem iam dicta temporis ratione obseruata, ad gradum 100, 102, 103, 104, aliis vicibus in febre continua
post

post mediam horam ad gradum 103 vel quoque 106, post integram horam 105 vel quoque 109, ascendere thermometer. Hanc disceptationem finitam alia sequitur. Veritati nempe consentaneum P. 133. haud esse, quod homo viuere nequeat in atmosphaera, cuius calorem superet ille humanus. Praeter obseruationes enim sub aequatore factas, suas quoque contrariari dicit illi opinioni, quum calorem externum humano interdum maiorem fuisse, optimorum thermometer ope vere annotauerit. Illam porro physicorum sententiam, quod calor P. 136. oriatur tantum ab attritu, non vniuersalem esse, neque constanti comprobari experientia, *Noster* perhibet hominisque exemplo probat, qui febre hemitritaea laborans tam insigne frigus perceperit, vt illi ferendo vix ac ne vix quidem par esset, in quo tamen thermometer 104 graduum calorem denotauerit, qui talis etiam in ardente subsecuto calore permanferit absque villo augmento. Pulsus etiam frigoris aequae ac caloris tempore idem fuit, qualis in eius generis aegrotis alias obseruari solet. Aeger porro, cuius iam supra in secundo capite mentio facta fuit, frigus per integras 24 horas ante mortem passus fuerat summum, marmoreum dicendum, nullo arteriarum motu detegendo: nihilo tamen minus thermometer, per pauca tantum minuta axillis admotum, 97 graduum calorem ostenderat. Isti quoque theoriae, quod ab obstructis arteriis capillaribus, cordis vi resistentibus, febris, attritus atque calor, oriantur, recte *Noster* opponit febrem a laesa parte neruosa minore satis validam ortam, et e contrario aegros, insigni viscerum obstructione laborantes, et a naturali calore iusto saepius remotiores. Quanam autem in re vera eius causa quaeri et inueniri queat, se ignorare candide fateri mauult, quam, effecta hypothese, in errorem delabi.

- p. 148. In capite *undecimo de vario tumorum genere* non ad inflammatorios, sed lente crescentes respicit et aliquot aegrorum iis afflictorum enarrat historias. Vnuci modo ex illis generis nobis adhuc incogniti ipsis fere Auctoris verbis iam meminisse fas erit.
- p. 155. Haud ita pridem enim tribus in hominibus vidit *Noster* tumorem ad aurem incipientem, sub processu zygomatico prodeuntem, ad alterum tertiumve dentem molarem peruenientem, ad mediam imo et ad infimam maxillae inferioris partem descendentem, in ore examinatum lignae duritiei ubique aequalis, membrana vestitum, colore rubrum, a maxillis liberum, excepta superiore sui parte, et palmae manus magnitudine. In quadam femina totam occupavit parotidis sedem; in alio aegro zygomaticus processus extrorsum trudi visus est. Nullis, neque valentissimis huc usque remediis cessit; sique forte aliqua in parte mollior visus, incisus fuerit, sanguinem merum, lympham, dedit.
- p. 159. In capite *duodecimo de mira variorum medicamentorum efficacia*, vuam vrsinam ab initio siue vuam vrsi TOURNEFORTII, vel arbutum LINNAEI caulibus procumbentibus, contra renum et vesicae morbos *Noster* commendat, siue calculus praesens deprehendatur, siue sui saltem suspicionem excitet, ita ut vel tormenta morbi mitiget, vel omnia symptomata auferat hoc remedium. Satis amplam huius herbae praemittit descriptionem a Cl. MISLERI ipsi suppeditatam, qua potissimum a vite idea, cui apparet simillima, ita distinguitur, ut vuae vrsi florem stamina decem, vitis ideae tantum octo, illius baccas quinque semina, huius saepe viginti, habere annotet. Plantae eius in puluerem redactae drachmam dimidiam quouis mane aegro porrigit eiusque usum per plures menses continuat, donec symptomata, nisi prorsus ablata, certe mitigata fuerint. Allatae simul aegrorum historiae felicem euentum

euentum comprohant. Saponem quoque venetum cum aqua calcis, ad exemplum Cl. WHYTT, in calculosis adhibuit *Noster* cum fructu. Laudat tandem egregium mercurii sublimati cum frumenti spiritu dati vsum contra luem veneream aliosque multos morbos chronicos eosque valde rebelles.

Decimum tertium denique caput de *machina* p. 178. *electrica* finit hanc operis partem, in quo Ill. Auctor, quae de electricitatis viribus contra paralyticos in primis morbos continuato vfu habuit comperta, pro more suo candide atque fideliter communicat, ex quibus apparet, non omnes quidem aegros, tales quippe, in quibus laesae partes adeo concretae fuerint, vt humorum circuitus per eas restitui non potuerit, adiuuiffe hoc auxilium, permultos tamen alios aegros vel perfectam inde recepiffe curationem, vel insignem certe malorum, quibus afflicti fuerant, mitigationem; ipsumque hoc remedium tale esse, quod in multis morbis plura praestet, quam alia huc vsque auxilia praestiterint.

IX.

Vermehrtes und verbessertes Blackwellisches Kräuterbuch, das ist, ELISABETH BLACKWELL Sammlung der Gewächse, die zum Arzney - Gebrauch in den Apotheken aufbehalten werden, deren Beschreibung und Kräften aus dem Englischen übersetzt angezeigt, die Abbildung grossen Theils nach der Natur verbessert, mit Beyfügung der Theile, der Blume und Frucht, wie auch des äusserlichen Ansehens eigenen Kennzeichen vermehret und alle Arten mit bewährten Nahmen der Kräuter - Lehrer
G 4
erläu-

erläutert werden. Drittes Hundert. Mit einer Vorrede Tit. Pl. Herrn D. CHRISTOPH IACOB TREWS. Verlegt, gemahlt und in Kupfer gestochen von Nicolaus Friedrich Eisenberger. Nürnberg, 1757. fol. Text. pl. 23. praef. pl. 1. Viertes Hundert mit einer Vorrede Tit. Pl. Herrn D. CHRISTOPH IACOB TREWS. Nürnberg, 1760. fol. Text. Alph. 1. praef. pl. 1.

h. e.

Herbarium Blackwellianum emendatum et auctum, id est, ELISABETHAE BLACKWELL collectio stirpium, quae in pharmacopoliis ad medicum usum asservantur, quarum descriptio et vires ex anglico idiomate in latinum conuersae sistuntur, figurae maximam partem ad naturale exemplar emendantur, floris fructusque partium repraesentatione augentur, habitus externi notae propriae adduntur et omnes species probatis botanicorum nominibus illustrantur. Centuria III et IVta. Cum praefatione D. CHRISTOPH. IACOBI TREW. Excudit, figuras pinxit atque in aes incidit Nicol. Frid. Eisenbergerus.

Multae et frequentes de hoc opere motae aequae sunt ac mouentur querelae, non quod iconum, naturae utique respondentium, indolem et explicationis additae singularem attinet integritatem sed quod moram editionis concernit. Quum enim anno huius seculi quinquagesimo prima prodi-

prodiret centuria *, secunda autem quarto demum anno post **, et nunc septimo eiusdem seculi anno tertia subsequeretur, quarta autem hoc sexagesimo prelum relinqueret, fieri vtique non poterat, quin vani iniqui rerum iudices male ferrent retardatam per longum temporis spatium editionem. Neminem autem esse confidimus, aegre hanc moram laturum, nisi qui nolit, quaenam in eiusmodi opere conficiendo atque perficiendo requiratur cura atque studium, intelligere. Haec autem in centuriae secundae recensione momenta supra iam adduximus, vberius, in quibus acquiescere possint, idonea veritatem aestimantes ratione, illa exposuit tertiae centuriae addita in praefatione Ill. TREWIVS, cuius eadem adhuc sunt in continuatum opus ac in inceptum merita. Eius enim sollicitudine nouae plantarum icones vel floris fructusque meliores delineationes adiectae fuerunt, quod ex tertia centuria inter alia, Abietis, Tussilaginis, Petasitidis, Sediminimi, Genistae, Aristolochiae, Staphisagriae exempla doceant, noua plane accessit figura Dracontii seu Ari sic dicti polyphylli, subtiliorumque partium, in flore latentium. Permultae hic ex plantis epiphyllispermis proponuntur, aliquae ex umbellatis, plures Ribesi species; inter Menthae etiam species illa, quam piperatam vocant, delineatam et auctam iconibus inuenimus.

In quarta porro centuria, quum simillima sint omnia, nec eiusmodi deficiunt exempla, ex quibus comprobare possemus iis, qui hanc editionem possident, ob retardatam in lucem emissionem, multum accreuisse vtilitatis, in primis, si certissimum est, in perfectiori reddito studio botanico talibus opus esse distinctionis notis, quae vnā ab omnibus reliquis cognitis discernant plantam. Hic itaque

G 5

denuo,

* vid. Comment. nostr. Vol. II. P. I. p. 73.

** Ibid. Vol. VI. P. I. p. 146.

denuo, vix non omnibus, quibus potiri poterat Ill. TREWIVS, plantis adicere curavit florum fructuumque partes, vt ex permultis in Anonide, Alcea, Stramonio, Salice, Castanea, Coffea, Gossypio, aliisque videre est. Praeter filicinas, musci varii occurrunt, et exoticorum aromatum icones, nec non corallia, rubrum et album; singulari etiam delineatione agni scythici fabula exponitur. Haec ad icones pertinent, possemus aequae multa ex descriptionibus plantarum exempla repetere, quo euincamus, botanicis atque rei herbariae amicis hoc opus gratum atque vtile redditum fuisse, subsistamus autem nunc in corallii descriptione, cuius non solum ex MARSILLIO Tab. 341. b. delineationes repetitas videmus, sed etiam in textu omnem eius historiam et diuersas auctorum sententias explanatas. Alii nempe ad regnum vegetabile eadem pertinere credunt, alii autem ob singulares ibidem repertos vermes vel polypos animalculorum habitacula adsumunt; de agno scythico recte notatur, antiquorum descriptiones fabulam esse, delineatio autem, hic exhibita, ad exemplar aliquod facta est, societati regiae Londinensi transmissum. Vno verbo, distinctiones notarum, in plantis vbique, vtiliter si fieri potuit, cum aliorum obseruatis comparatae sistuntur.

Recedere tamen hic nolumus, quin tandem moneamus, delineationes quintae seu vltimae centuriae Blackwellianae omnes iam paratas et euulgatas esse, aliqua tantum de textu deficere propediem addenda. Neque a suo recessit Ill. TREWIVS promisso, sed eodem adhuc stare decreuit, quod in primae centuriae praefatione dederat, addendae scilicet appendicis, seu supplementi, in quo non solum omnes, in officinis pharmaceuticis vsitatae plantae occurrant, quarum mentionem non fecerat BLACKWELLIA, vt ea propter completum aliquod planta-

plantarum officinalium opus existat, sed eae addantur etiam, quarum species aliae in usum receptae fuerunt, ac iam notatae. Has lunulae nota D distinguet, et omnes ad naturae exemplar proponentur, quae vero ex aliorum iconibus, depromentur, asteriscus * designabit. Porro adducentur aliquae, quae singulari inseruiunt et oeconomico quoque usui. Tandem autem plantarum venenatarum nonnullarum imagines fidentur, quippe quarum cognitione medicus egere non potest, et ob multiplices alias rationes bene distinguendae veniunt. Sunt enim ex his, noxia qualitate et virtute imbutis plantis aliquae, quae cauta applicatio interno etiam usui idoneas reddidit, fausto cum successu, ut certis oppositae morbis iisdem feliciter medeantur et in salubrem abeant medicinam. Aliae, interne sumtae, semper noxae, sine incommodo et bonis subsequentibus effectibus, extus adhibentur. Aliae tandem, etsi medica quadam virtute sese nondum commendent, venenatam tamen suam potestatem vel totae, vel in quibusdam partibus produnt, si intempestive adsumtae, vel alimentis intermixtae fuerint, a quibus, quam primum aliquam earum cognitionem acceperimus, abstinere et tutius nos cauere poterimus. Ex quibus certe rationibus luculenter apparet, eiusmodi plantarum cognitionem et maxime necessariam et appendicem hancce eam ob rationem commendandam esse. Huius quoque supplementi aliquae icones depictae iamiam atque cum ultimo huius herbarii edito fasciculo euulgatae sunt, quarum integrum catalogum hic exhibere non dubitamus, quum in addita quadam notitia illum adducere libuerit Cl. Editori.

Sunt vero ex officinalibus plantis, a Blackwellia nondum editis, hae potissimum huc relatae.

1. *Abro-*

1. *Abrotanum mas.* 2. *Absinthium ponticum.* 3. * *Acmella zeylanica.* 4. *Acmella germanica seu Verbesina.* 5. *Atriplex sylvestris officin. chenopodii species.* 6. *Atriplex hortensis alba.* 7. *Anethum.* 8. *Arnica.* 9. *Aristolochia f. Fumaria radice caua.* 10. *Aristolochia f. Fumaria radice non caua.* 11. *Been rubrum f. Limonium maritimum maius.* 12. *Bellis hortensis fl. rubro pleno.* 13. *Branca ursina f. Sphondylium.* 14. *Bryonia alba baccis nigris.* 15. *Caiaputi siliquae.* 16. *Carlina.* 17. *Carui f. Carum.* 18. * *Cascarella.* 19. *Chamaemelum romanum.* 20. *Chamaepitys.* 21. * *China chinae.* 22. *Cicer satium flore et fructu albo et rubro.* 23. * *Contrayerua.* 24. *Cucurbita f. Pepo vulgaris flore luteo.* 25. *Cucurbita flore albo.* 26. *Cuscuta.* 27. *Cyperus rotundus.* 28. *Daucus sylvestris.* 29. *D Doronicum austriacum.* 30. *Gentiana flore luteo.* 31. *Gramen caninum.* 32. *Helleborus albus flore viridi.* 33. *Helleborus niger ferulaceus adonidis species.* 34. *Helleborus niger flore roseo vulgaris.* 35. *Helleborus styriacus.* 36. *Helleborus orientalis.* 37. *Hellebrous styriacus flore viridi maior.* 38. *Helleborus styriacus flore viridi minor.* 39. *Herba Costae, hieracii species.* 40. *Hyoscyamus niger.* 41. * *Ipecacuanha.* 42. *Iuiubae.* 43. *D Laureola baccis rubris.* 44. *Lichen petraeus.* 45. *Lupulus mas.* 46. *Lupulus femina.* 47. *Lycopodium f. muscus terrestris.* 48. * *Mechoacanna alba.* 49. *Melissa turcica.* 50. *Meum.* 51. *Nigella arvensis et hortensis.* 52. *Ninzin f. Ginseng chinense.* 53. * *Ninzin iaponicum.* 54. *Numularia.* 55. *Oelsnitium f. Thysselinum.* 56. *Origanum creticum.* 57. * *Pareira braua.* 58. *Peucedanum.* 59. *Pimpinella hircina minor.* 60. *D Populus alba.* 61. *Psyllium perenne.* 62. *Pyrola rotundifolia.* 63. * *Rhabarbarum chinense.* 64. *Rhodia radix.* 65. *D Rhus f. Sumach.* 66. *D Satyrium vulgare.* 67. *Scilla.* 68. * *Senega radix.* 69. *Senna.* 70. *Sideritis offic.* 71. *Sol-*

71. *Soldanella alpina*. 72. \mathcal{D} *Stoechas citrina*. 73. \mathcal{D} *Taraxacum*. 74. *Tribulus aquaticus*. 75. * *Vanilla* 76. \mathcal{D} *Verbascum album* f. mas. 77. *Victorialis longa*, *allii species*.

Sequentur deinde ex plantis, non vulgaris vsus:
78. *Ananasa*. 79. *Balsamina*. 80. *Mays* f. *frumentum turcicum*. 81. *Melanzana*. 82. *Momordica*. 83. *Phellandrium*. 84. *Salicaria* f. *Lyfimachia rubra*. 85. *Scutellaria* f. *Tertianaria*. 86. *Solanum tuberosum*.

Agmen tandem claudent ex noxiis et venenatis vegetabilibus: 87. *Aconitum luteum* seu *lycoctenum*. 88. *Aconitum magnum* seu *Napellus*. 89. *Aconitum salutiferum* seu *Anthora*. 90. *Beidelsar* seu *Apocynum Syriacum*. 91. *Belladonna*. 92. *Cicuta minor*. 93. *Cicuta aquatica*. 94. *Colchicum*. 95. *Lauro-cerasus*. 96. *Nerium flore rubro et albo*. 97. *Oenanthe chaerophylli folio*. 98. *Phytolacca Americana*. 99. *Ranunculus Flammula dictus*. 100. *Taxus*.

X.

Hamburgisches Magazin oder gesammlete
Schriften aus der Naturforschung und den
angenehmen Wissenschaften überhaupt.
Hamburg und Leipzig, bey Georg. Christ.
Grund und Adam Heinr. Holle, 1757. 8.
Achtzehnter Band. 1 Alph. 19 $\frac{1}{2}$ Bog. 3 Ku-
pfertafeln. Neunzehnter Band. 1 Alph.
19 Bog. zwanzigster Band. 1 Alph. 20
Bog. 3 Kupfertafeln. Ein und Zwanzig-
ster Band. 1 Alph. 19 Bog. Zwey und
zwanzigster Band. 1 Alph. 19 $\frac{1}{2}$ Bog.
1 Kupfertafel.

Promptuarium Hamburgense siue collectio scriptorum ad physicam humanioresque litteras spectantium. Vol. XVIII. XIX. XX. XXI. et XXII.

In recensendis istis voluminibus occupati eorum tantum scriptorum, quae primum edita sunt, recensione exhibebimus; reliqua enim in aliis scriptis passim reperiunda et a nobis iam recensita, silentio praeterire non dubitamus.

p. 164. Vol. XVIII. Part. II. n. 4. *Experimenta, opo ignis et speculi Tschirnhausiani cum nonnullis lapidibus pretiosis instituta* communicat Cl. SCHVLZE. Experimenta, quorum mentio hic facta est, ad adamantem tantum, rubinum et smaragdum pertinent. Adamas vasi idoneo et bene clauso inclusus perque viginti quatuor horas forti igne tractatus ne minimum quidem sui vestigium reliquit sed penitus evanuit. Idem radiis solaribus, in vnum punctum collectis, expositus, multo minus, quam reliqui lapides pretiosi, resistens post paucum tempus colorem album induit, tandem in innumera frustula vndiquaque dissiluit. 2) Rubinus, vasi inclusus et per viginti quatuor horas in forti igne detentus nullam plane mutationem subiit ignique solari concentrato diu resistens ponderis quidem iacturam, sed minus notabilem, passus est, interdum autem, sed non nisi per aliquod tempus in foco detentus, colorem amisit aliumque, albicantem turbidum maculisque nigris stipatum, induit versiculisque, in superficie prius obortis tandem inaequalis et asper euasit. 3) Tandem Smaragdus, radiis istis collectis expositus, post paucum tempus album colorem induit, pauloque post fusus et ab igne remotus multo mollior ac antea euasit. *Part.*

Part. III. n. 2. De morbo quodam notatu digno, p. 253.
quo rusticus sedecim annorum afflictus fuit, mentionem
fecit Anonymus quidam. Scabie nimirum retropressa
 omnes articulationes in dicto iuvene insignem mu-
 tationem subierunt, ita, vt motu vel minimo suscep-
 to, articulationes motae crepitarent infimulque in-
 signiter dolerent. Vitium hoc in glandulis HAVERSII
 obstructis Noster quaerens decocta diluentia et
 essentias resoluentes propinauit, quibus per aliquot
 tempus vsurpatis tandem vnguentum mercuriale
 affricandum curauit, quo per tres septimanas con-
 tinuato absque vlla fere saluatione aegrotus in inte-
 grum restitutus est.

Vol. XIX. Part. III. n. 5. Breuem narrationem p. 298.
de diuersitate marmorum imprimis eorum, quae in Saxo-
nia reperire licet, exhibet Cl. SCHVLZE. Marmor
 ad calcariorum lapidum genus pertinens ab his non
 solum ratione duritiei et splendoris, in politura ac-
 quirendi, sed et intuitu colorum diuersorum et
 variegatorum se distinguit. Ipsa autem marmora
 ratione coloris vel in marmora simplici colore prae-
 dita, vt alba, cinerea, nigra etc. vel in variegata
 diuidi possunt. Haec vel colore principi praedita
 sunt, vel absque tali reperiuntur. Priora vel sim-
 pliciter tantum mixta occurrunt et sunt maculata,
 vt marmor album cum maculis nigris, nec non
 striata seu venis distincta, vt marmor album cum
 venis rubicundis, vel tandem diuersimode mixta
 deprehenduntur atque maculis et striis simul donata
 sunt, vt marmor colore carneo cum venis albis
 maculisque flauis stipatum. Posterioris generis mar-
 mora, nullo scilicet colore principi praedita vel
 vno tantum mixtionis genere donantur et sunt ma-
 culata, vt marmor maculis albis, nigris et flavis;
 dein striata seu venis distincta, vt marmor striis
 albis et coerulescentibus, tandem marmora vndu-
 lata

lata, vt marmor coerulescente, viridi et albo colore vndulatum, vel diuerso mixtionis genere occurrunt et sunt maculata et striata simul, vt marmor maculis flauis et albis venisque nigris; dein vndulata et maculata, vt marmor albo et obscure flauo colore vndulatum cum maculis nigris; porro vndulata et striata, vt Marmor albo et cinereo colore vndulatum, cum venis rubris et pallide flauescantibus; tandem vndulata maculata et striata simul, vt marmor coerulescente et albicante colore vndulatum cum maculis venisque intense rubris distinctum. Marmorum tandem figuratorum vnicum tantum in Saxonia Noster reperit, hocque colore viridi praeditum nigrisque arboris figuris percurrentibus distinctum in ditioe quidem Waldheimensi conspicitur, sed raro occurrit.

P. 438. *Vol. XIX. Part. IV. n. 7. Osseam substantiam in oculo humano repertam* describit Cl. IOH. GOTTFR. ZINN. Haec substantia in posteriori oculi parte ad ingressum nerui optici inter tunicam choroideam et scleroticam originem duxit seque ad pupillam vsque extendit annulumque inaequalem repraesentauit. In anteriori oculi parte, inque cornea quidem, duplex apparuit cicatrix, ita, vt pupilla fere destructa et mutata cum cornea, vndiquaque perforata cumque adiacente parte scleroticae arcte connecteretur. Ex quo itaque, teneras etiam et nobiles partes, qualis oculus esse solet, ab eiusmodi indurationibus non immunes esse, liquet.

P. 3. *Vol. XX. Part. I. n. 1. Dubia super petrificatione renis in corpore humano* communicat Cl. TITIVS. In peculiari nimirum schediasmate Cl. MAUL, Medicus Eisenbergensis, renis cuiusdam mentionem facit, quem in corpore quodam dissecto reperit et pro petrefacto rene habuit. Verum re ista
accura.

accuratius pensitata et aquae pondere cum lapidum, nec non etiam ossium pondere specifico comparato, Noster proinde, renem istum non in lapidem, sed in substantiam osseo-lapideam mutatum esse, coniicit. Licet enim negandum non sit, veram materiem lapideam in corpore hinc inde detegi posse, integram tamen partem in lapidem mutari verisimile vix vnquam videtur. Deponitur quidem in partibus, inprimis renibus, materies lapidea, sed haec ipsa canales tandem obstruit et imperuios reddit, partes vero aut fibras musculosas minime eo disponit, vt veram inducant lapideam indolem. Cum enim alia sit natura lapidum atque alia partium carnosarum, fieri sane nequit, vt hae ipsae in materiem plane contrariam, vt lapidis est, sed in talem, quae non adeo abludit, commutari possint. Cum autem in vasa renum saepe deponatur materies lapidea, accidit deinde, vt, si alia insimul causa, renis substantiam carnosam immutans, obueniat, istud proinde viscus in substantiam osseo-lapideam, nunquam autem in lapidem solidum conuertatur. Carnosas vero fibras in osseam substantiam transmutari posse, ipsa natura ossis demonstrat, quippe quod in principio substantia mollis, dein gelatina, tum cartilago, tandem os fit et aequae, ac musculus, ex fibris et vasis constat, inde, causa quadam contingente, musculi seu carnae fibrae mutatio in os non adeo difficilis esse solet. His itaque argumentis Noster persuasus, lapides quidem in partibus reperiri, concedit, integras autem partes in lapides mutari posse, negat.

Vol. XX. Part. IV. n. 3. De generatione ver- P. 424.
mium in corpore humano differit Cl. MÜLLER. Licet
 lis de generatione vermium in corpore humano in-
 ter auctores composita adhuc non sit, plurimi ta-
 men in eo conueniunt, vt vermes omnes, siue
Tom. IX. Pars I. H gene-

generentur in corpore siue ab extra in istud introducantur, insectis ouiparis, nec vnquam viuiparis annumerandi sint. Verum huic opinioni, vt plurimum receptae, obseruationem anno 1750 opposuit Cl. ZAMPONI, qua demonstrare annisus est, vermes et inprimis sic dictos lumbricos in corpore humano ceu insecta viuipara considerata esse. Accidit enim, vt, cum infanti cuidam ad expellendos vermes remedia propinasset, inter expulsos vermes vnus deprehenderetur, qui inter insignes motus crassum et excrementitium humorem cumque eo simul sensim sensimque viginti octo vermiculos viuos, albos admodumque teneros deiiceret, vermibus, qui in cerasis deprehenduntur, per omnia similes. Inde iste, obseruatione hac fretus, lumbricos corporis humani non ad classem ouiparorum, sed viuiparorum, accensendos esse, arbitratus est. At vero audiamus Nostrium, argumenta huic viro opponentem, quae a veritate non adeo aliena esse videntur. Obseruationem quidem Noster non negat viuosque vermes a lumbrico isto exclusos fuisse concedit, an vero isti vermiculi soboles lumbrici vere fuerint, dubia omnino res est. Cum enim humor iste copiosus, a lumbrico deiectus, excrementitius fuerit, huncque inter insignes cruciatus et quidem maxima in copia deiecerit, vermiculi vero matri similes visi non fuerint, Noster ea propter minima ista insecta vermes ipsius lumbrici fuisse, huncque diarrhoea verminosa laborasse, concludit, idque insuper aliorum obseruationibus confirmat, quibus ostenditur, dari insecta permulta quae aequae, ac alia animalia, innumeris aliis insectis seu vermibus scateant. Nisi itaque haec a Cl. ZAMPONI communicata obseruatio aliis certis et microscopicis quidem confirmetur obseruationibus, res sane vel dubia manet, vel opinioni eorum, qui

qui lumbricos viuiparis annumerant, non adeo aduersari videntur.

Quod ad vigesimum primum et vigesimum secundum Volumen attinet, ea sane ita comparata sunt, vt nihil quidquam decerpere licuerit; siquidem vel nos non tangunt, vel a nobis recensita iam hinc inde prostant.

XI.

Anatomische, chirurgische und medicinische Beobachtungen und Untersuchungen von ZACHARIAS VOGEL, der ausübenden Arzneygelahrtheit und Wundarzney Doctor. Rostock, verlegts Iohann Christian Koppe, 1759. 8 m. Alph. I. Bog. 6. mit 11 Kupfertafeln.

h. e.

Observationes et disquisitiones anatomicae, chirurgicae et medicae Auctore ZACHARIA VOGEL, M. D.

Ante aliquot annos Cl. Auctor historias externorum internorumque morborum ediderat *, cum itaque cognouisset, eas beneuole exceptas fuisse, studium aliis inferuiendi, eum non tantum ad medicinam vtramque diligenter faciendam impulit, sed et occasionem praeuit nouis obseruationibus colligendis et vltius elaborandis, quas nunc, et ex parte iconibus illustratas, publici iuris fecit. Quinquaginta octo obseruationes, quae nunc proponun-

H 2

tur

* *Merckwürdige Kranckengeschichte und nützliche Erfahrungen aus der Genesekunst und Wundarzney von ZACHARIAS VOGELN. Erste Sammlung. Rostock und Wismar, 1756. 8.*

tur, maximam partem artem chirurgicam concernunt; egit enim praecipue de tumoribus et vlceribus cancrosis, de herniis spuriiis et veris, de nonnullis penis morbis, de carie, de fistula lacrymali, de laesionibus capitis et caluae fracturis, paucis tantum obseruationibus, ad anatomen et praxin clinicam pertinentibus, interspersis. Nos omnes verae et rationali medicinae respondentesprehendimus, quarum ex instituti nostri ratione, quo ideam operis exhibeamus, nonnullas nunc breuiter indicabimus.

- p. 1. Ad cancrifos tumores describendos primo fe conuertit, et in prima obseruatione, quae tumorem talem in gibbosa per compressionem arctioris thoracis ortum et feliciter extirpatum describit, de caufis et symptomatibus cancri in genere agit.
- p. 10. Occafione tertiae obseruationis, quae tumorem talem ponderis duarum librarum cum dimidia optime fe paratum describit, methodum operationis breuiter declarat. Reiiicit nimirum furcas aliaque inftrumenta a variis chirurgis adhibita, et finiftra manu apprehendere et adducere iubet tumorem, quo dextra manu, fcalfello recto armata, incifio per integumenta vsque ad mufculum perficiatur, fcalfello fe pofito, huius manus indice omne induratum a fubiectis partibus deglubit, porro manum finiftram in vulnus immittit, et dextra iterum reliqua integumenta cum tumore praefcindit, ligatis tandem vel liquore ftiptico tactis arteriis. Monet fe hac enchirefi glandulas induratas, fub ipfa clauicula haerentes remouiffe. Num femper indice deglubi poffint tumores, dubitamus, cum et ipfe Cl. Auctor produetiones tendinofas inde productas in mufculo fubiecto radicas viderit, et obseruatio quarta protuberantiam tumoris foueam mufculo pectorali impreffiffe et fibras eius crispas reddidiffe, oftendat
- p. 17. Sepa-

Separauit quidem et hunc tumorem integrum, sed in loco impressionis fungus prodiit qui tamen denuo scalpello separatus integram in pectore sanationem permisit; alio vero tumore carcinomatico in pudendis oborto et nullo modo coercendo periit aegra. In quinta etiam obseruatione tumor, vsque ad glandulas axillares procedens et in icone adiecta adumbratus, apte quidem methodo a Cl. Auctore adhibita separatus fuit, post tres autem septimanas et ambitu vulneris iam ad dimidium contracto, protuberantiae variae in musculo pectorali radicatae propullulabant, quas Noster, separata simul musculi parte, et cum ex his vna pisi magnitudine et tendini pectoralis inhaereret, et huius parte simul remota abstulit. In examine huius partis ille cognouit, particulas albas, quasi arenosas inter ipsas musculi fibras disseminatas fuisse. Curatio vulneris ex voto quidem succedere visa est, sed cum Cl. Auctor illam non absolueret potuerit, maxime dubitamus virus cancerosum prorsus ablatum fuisse.

Obseruatio etiam septima, quae de exstirpatione p. 32. cancri exulcerati in labio inferiori agit, recrudescens malum declarat. Scirrhus nimirum cerasi magnitudine, a mala canini et molaris primi dentis conformatione ortus, inepta medendi ratione in carcrum apertum mutatus fuerat. Euulsis dentibus, sectione ad angulum oris triangulari facta, tumor quidem remouebatur, et methodo in curatione labii leporini assumpta consolidabatur, sed post aliquot septimanas in glandula parotide et maxillari coniuncta tumor durus insignis magnitudinis oriebatur, quem cum Noster sectione tollere non possit, causam lethalis suffocationis fuisse percipimus.

Ad varias hernias inprimis spurias nunc progreditur in hydrocele seu potius hydrope scroti particulari, hoc scilicet tumente et multis vesiculis albis obfesso emplastrum vesicatorium applicauit, quod

vesicam continuam aqua plenam effecit, ex qua incisa multa aqua effluxit, quo facto epithema ex herba arnicae, sapone veneto et aqua calcis viuae, non neglecta medela interna, applicauit, et intra octiduum scrotum iterum contractum apparuit.

P. 40. Ex vera hydroceles specie, in tunica vaginali vasorum spermaticorum haerente, incisione per integumenta facta, et sacco aquoso, digitis non nihil separato, paulo post inciso, aquas eduxit, saccum ipsum postea caute a chorda vasorum spermaticorum separauit, et applicato linimento ex vino, sapone veneto et myrrha, et epithemate discutiente vniuerso scroto addito optimam sanationem praestitit. Praestantior omnino est haec medend via, quam ea, quae sola punctura cum acu triquetra, vel applicato setaceo perficitur, nisi enim saccus aqua distentus separaretur, sola suppuratione subsequente ille non remoueri potest. In sequentibus etiam et hydroceles et sarcocèles operationibus, simili enchiresi praestandis, monet digestiua pingui, suppurationem alias adiuuantia, non applicari debere.

P. 55. Spermatocelen in epididymide natam, ex suppressa gonorrhoea saepe oriundam, applicatis cataplasmatibus emollientibus et discutientibus, nec non usu internorum remediorum discussit restituta per haec medicamenta gonorrhoea; cum vero in aegro, regulas diaetae negligente, malum recrudesceret, mercurialibus medicamentis et interne et externe cum frictione adhibitis, non neglecto etiam roborantium usu, sanationem perfecit.

P. 79. Interiectis nonnullis obseruationibus, ad sarcocelem pertinentibus, aliam addit, spermatoceles speciem, totum testiculum occupantem. Haec, ab obstructo vase deferente orta, non nisi testiculi extirpatione sanari poterat. Examen testiculi separati suscipiens sequentia potissimum annotauit. Vasa spermatica descendencia sana et nodis destituta inue-

inueniebantur, vas deferens vero durum et plane obstruatum; epididymis triplo maior et indurata omnibus in vasis caseosa materia repleta; albuginea membrana alba, sed ob extensionem tenerrima erat, substantia interna testiculi medullosa cerebri substantiae non nihil similis, celluloso contextu ita soluto, vt spermatica et lymphatica vasa medullosam substantiam intercurrerent, et illa in glomerulos alias conuoluta, ita ferme dissoluta apparebant, vti maceratione in aqua praeparari solent.

In sequenti decima sexta obseruatione sarcocel-lem extirpatam describit, eiusque anatomen et iconem addit. Carnosa tunica in crassitiem semipollicis excreuerat, inter hanc et testiculum variae collectiones aquosae et vlcerosae, testiculum erodentes, inueniebantur, epididymis magnitudine aucta et marmorea, funiculus vasorum spermaticorum ad confinia testiculi ferme euanuerat, crassus tamen et nodosus in parte superiore, vbi non nisi difficulter separari poterat, et postquam denuo fungum, acri ichore scatentem, generauerat, altera vice prope anulum separari debuerat, vas deferens non detegi potuit, testiculus ipse dissectus substantiam ex albo, rubro et luteo variegatam referebat, membranae inter vasa excurrentes crassae et albae, sanguifera et lymphatica vasa rubicunda, glomeruli autem vasorum spermaticorum flauo apparebant.

Descriptionibus his partium morbose mutatarum subiungit succinctam tractationem de fabrica testiculi, eamque cum obseruationibus recentiorum anatomicorum comparat, et iconem testiculi cum vasis sperma praeparantibus maceratione euolutis, nec non epididymidis mercurio repletae, addit.

Obseruatio decima octaua penis amputationem describit. Pertinax vrinae retentio, calculo adscripta, variis tentata fuerat remediis internis, re accuratius disquisita, phymosis aderat per fungosas glandis

excreſcentias maxime moleſta reddita, cum inflammatione inſigni penis. Praeputio incifo et fungo remoto, vrina apte procedebat, fungi tamen, neglecta glandis munditie, recrudeſcebant, et amputationem membri neceſſariam reddebant, quae leni attractione et ſimultanea ſeſtione, ligatis poſtea arteriis, perficiebatur, vrethra cannula muniebatur, ſuccedebant tamen tenſio partium et rigor penis, donec cum vrina magna ſpermatis vis effluxiſſet, qua aeger maxime debilitabatur, partes tamen poſtea ſanationem admittebant, et aeger viribus reſtitutis conuuluit.

p. 112. Scrotum valde extenſum et durum a calculo, ad collum veſicae haerente et vrinae effluxum impediente, obſervatione vigefima deſcribitur. Vrinae retentio ex hac cauſa nata, per quatuor iam ſeptimanas dura-uerat, liquor itaque hic excrementitiuſ, ſtaſi corruptus, in ſcroti integumenta eiſque cellulofam membranam penetrauerat, eiſque ambitum ita auxerat, vt nec teſticuli diſquiri, nec penis conſpici poſſent, ſuperficies ſcroti, epidermide ſecedente, non tantum colorem obſcure rubicundum oſtendebat, ſed foramina exigua vbique diſſeminata foetidum, vrinae corruptae ſimilem, humorem plorabant. Inciſio in vtrumque ſcroti latus facta effluxum huius humoris quidem accelerabat, ſed lente tantum, ita vt et internis medicamentis et externis fomentis aeger conſeruandus eſſet, donec poſt aliquot ſeptimanas penis appareret, et ſpecillum, in vrethram immiſſum, cauſam huius morbi, calculum nimirum detegeret et pro parte remoueret. Detumeſcebat interim ſcrotum reliquaque calculi portio ad collum vrethrae haerens eximebatur, teſticuli interea illaeſi remanſerant, et poſt ſex ſeptimanas ſeparatio corrupti et conſolidatio vulneris ita perficiebatur, vt vera vrinae via reſtitueretur, et aeger ſanus redderetur.

In

In sequenti obseruatione calculum, incisione p. 122.
facta, ex collo vesicae extractum declarat Noster et
ad varias species herniarum describendas progredi-
tur. Postquam in vigesima secunda obseruatione
varia herniae cruralis minoris incarceratae sympto-
mata, ingressu impedito, tensione abdominis et aliis
multis v. c. urinae sanguinolentae incommodis, pro-
posuit, in sequenti hernias reponendi rationem de- p. 141.
clarat, et linimentis emollientibus prius applicatis,
massam ex farina seminis lini, ex qua oleum expres-
sum est, nostri *Leinkuchen* dicunt, in lacte coctam,
optimi cataplasmatibus loco super haberi iubet, quo
elapsa in veram sedem reducantur, additis tamen
post peractam repositionem, quo relaxationi par-
tium mederi possit, epithematibus roborantibus.
Repositionem etiam herniarum post fomenta externa
applicata et clysmata crebrius iniecta dato leni vo-
mitorio ex ipecacuanha adiuuit, hoc tamen in re-
centi herniae statu, et tunc quoque summa cum
attentione perfici debere illico patet. Cl. Auctor
enim in operatione vomitorii praesens fuit, omnia
caute direxit, et repositione praestita cardiacis me-
dicamentis vomitum compescere tentauit.

In vigesima quarta obseruatione magna entero- p. 147.
epiplocele describitur. Descendens nimirum omen-
tum sanum et pingue, peritoneum in saccum
herniosum distendens, ipsum quoque in forma sacci
distentum erat et intestini partem, ex abdomine
egressam, recipiebat, intestinum facile reduci po-
terat, omentum vero accreuerat, et licet hernia
suspensorio suscipi potuisset, operationem tamen
vrgebat aeger. Ex operatione peracta haec potis-
simum monenda sunt: prope annulum praecipue
leuabat saccum herniosum, antea, quantum fieri
poterat, a scroto separatum, quo vinculum ex lineis
filiis textum ibi transiicere et ita saccum simul cum
omento constringere posset. Resecta omenti
H 5 portio

portio sana erat nec sanguinem plorabat, et libras duas cum semisse excedebat. Ligaturam post triginta sex horas et post triduum arcte semperque arctius adstringebat Cl. Auctor, quam methodum consuetae omenti ligaturae praeferre videtur. Num simili ratione praestari possit ligatura, si vasa omenti non nihil varicosa sunt, dubitamus.

p. 155. Observatio vigesima quinta calculum ex fellea vesicula extractum declarat. Icterus flauus primo, postea niger cum febre acuta coniunctus, post varios febris quartanae insultus accesserat, sed febre cessante cachexia biliosa remanebat; praeterea ad apicem quartae costae spuriae hypochondrii dextri tumor apparebat, qui vesiculam felleam vehementer extensam et cum peritoneaeo coalitam referebat, sine omni tamen inflammatione et abscessu. Re accuratius disquisita et pensitata Noster integumenta primum, et, fibris musculosis non nihil remotis, peritoneum et vesiculam felleam simul incidebat, et post effluxum bilis corruptae, specillo immisso calculum detegebat, orificium ductus biliarii obstruentem, hunc itaque forcipe tenui apprehendebat et educebat, quo facto, et bilis via libera redita, aegro sanitas pristina restituebatur, et con-

p. 162. solidatio vulneris ex voto sequebatur. In alio aegro ducenti calculi biliarii ex vesicula fellea per cholo-
dochum in intestina emoti et tandem per anum expulsi fuerunt; symptomata aegri et medendi ratio copiose describuntur.

p. 191. In infantibus trium vel quatuor annorum neglectum aluinae excretionis sudores nocturnos inducere, et debilitato sic corpore decubitus irregularem in lectulis nimis mollibus variam incuruationem spinæ et gibberositatem inducere posse Noster observatione vigesima octaua confirmat, et methodo medendi ex his indicatis collecta, mutatisque diætae erroribus curationem praestari posse affirmat.

Inter

Inter alia auxilia, epithema ex pane, cum aromaticis plantis parato et cocto, spinæ dorsi applicare suadet, cuius quippe vapore moderata vis neruina præstatur.

Maxillam inferiorem retrorsum luxari haud p. 217. posse multi perhibent, in obseruatione tamen trigesima prima Noster docet, eandem aliquoties vere euenisse, causam fere semper esse methodum haud probandam relaxationi vuulæ medendi, qua fasciculus pilorum in vertice vehementer attrahitur, aegro interea dentes fortiter comprimente et ter deglutionem validam exercente quo muscoli vuulam dirigentes adstringantur, per hunc enim motum muscoli maxillæ inferioris quoque conuelluntur, et hæc non nihil retrorsum cedit, id quod ex prominentia dentium superiorum vere cognoscitur. Puella igitur, in qua, ex simili causa, maxilla vel retrorsum luxata vel non nihil dimota erat, musculos omnes duros et spastice contractos offerebat, ita vt nec specillum inter dentes dimitti posset, Noster itaque eidem per plures horas linimenta et epithemata emollientia affricari iussit, quo spasmus leniretur, paulo post aegram in paruo sedili vel in terra ita collocauit, vt dorsum eius ad crura, caput inter genua, firmiter sustineretur, brachiis per famulum retentis, ipse vero pollices suos super condylos vtrinque, volam manus sub angulos maxillæ firmiter applicauit, et primo blande, postea fortiter deprimendo, tandem etiam succussibus aliquot feliciter tentatis maxillam iterum in veram sedem reduxit et quiete seruata et fomentis roborantibus applicatis maxillam sine fascia in situ suo retinuit. Egregiam hanc medendi rationem aliis imitandam et perficiendam commendat, et illos non fineratione taxat, qui speculo oris applicato dentes fortiter compressos diducere tentant, cum tristissimos abinde effectus oriri cognouerit.

Postquam

- Postquam Cl. Auctor de dentium morbis et de remediis interne et externe applicandis nec non de instrumento, ad euellendos dentes apto, disseruit,
- p. 238. varias de carie superioris et inferioris maxillae ex minus felici dentium euulsione et inepta inflammationis curatione oriunda, obseruationes proponit, ex quibus satis apparet, quam negligenter saepe haec chirurgiae pars tractetur.
- p. 263. Naeuos maternos cum cute crassiore et pilosa reddita, caustico remedio, ex sapone veneto et calce viua parato, separari et suppuratione subsequenti tolli posse, olim iam ostendit Cl. Auctor, nunc hanc medendi rationem nouo exemplo confirmat, et simul monet, in naeuis sic dictis ignitis, in quibus sanguis copiosius in vasa cutanea congeritur, eandem locum non habere.
- p. 269. Obseruationes quaedam de cura fistularum sic dictarum lacrymalium in sequentibus proponuntur et praemissa breui partium, per quas lacrymae transeunt, descriptione causisque morbi in genere indicatis, de tribus potissimum morbi generibus seu potius gradibus agitur, primum scilicet si solummodo saccus, in nares hians, obstructus est, secundum si puncta lacrymalia, quae lacrymas ex interstitiis palpebrarum resorbent, vel cum vel sine inflammatione obstructa sunt, tertium si in effluxu suo impeditus humor lacrymalis acrior factus vicinas molliores partes, immo ipsa ossa, arrodit et destruit.
- p. 277. Primi gradus curationem sequentem habet. Obstructo ductu nasali et sacco lacrymali inde tumido facto applicabatur cataplasma ex puluere radicis consolidae maioris cum aqua calcis viuae paratum; primum itaque per puncta lacrymalia materia caseosa, paulo post tenuior albumini ouorum non nihil coagulato similis excernebatur, emollita igitur materia et viis non nihil patentibus aqua saccharata cum siphone

siphone Anelliano in puncta lacrymalia immittebatur, quae quidem, licet per eadem puncta regrederetur materiam tamen viscidam tenuiorem et faccum lacrymalem ipsum abstergendo molliorem reddebat, quo facto, vapore decocti emollientis et discutientis in nares immisso orificium ductus nasalis ita disponebatur, vt lacrymas primo viscidiores, tandem tenuiores, dimitteret. Externis interea medicamentis oculi inflammatio coercebatur, et interna quoque medicamenta resoluentia adhibebantur, tandem viis satis patentibus compressione et medicamentis robur sacci lacrymalis restituebatur.

Huic obseruationi aliam subiungit, quae omnium p. 281.
viarum lacrymalium obstructionem fistebat, et narium et oculorum exulcerationes coniunctas habebat. Opposuit vero his incommodis varia remedia et lento gressu ad sanationem quandam peruenit, obstructio tamen ipsa consuetis medicamentis non emollienda erat, tentato tandem stillicidio aquae frigidae ex infundibulo alte suspenso sensim sensimque tumor ita agitatus fuit, vt materia impacta partim per lacrymalia puncta partim per nares eliminari potuerit; monet tamen Noster impetum guttarum aquae cadentium, a medico moderari debere, prout aeger, qui inde afficitur, eundem vel ab alto vel paulo demissiore loco, vel crebrius, vel parcius ferre potest.

Completæ tandem fistulae curatio additur. p. 287.
Obstructus nimirum sacculus lacrymalis tumorem effecerat, qui emplastro applicato motus irritationem partium vicinarum cum erysipellate faciei contraxerat; postquam itaque Noster erosiones et inflammationes inde natas apta medendi methode discusserat, specillum in vulnus apertum immittebat, quo integumenta eleuare et horum aperturam non tantum ampliare, sed et faccum subiectum incidere

incidere posset. In hunc itaque immisit paruulum catheterem, quo mediante descendendo orificium in nares aperire et fila linea, setacei loco adhibenda, per has deducere iisque blanda abstergentia medicamenta applicari posset, setaceum, quod in principio difficile, paulo post melius trahebatur, orificium satis amplum esse declarabat. Depuratione sic facta puncta lacrymalia et specilla et siphunculum Anellianum admittebant, remoto nunc setaceo, iniectio, in puncta lacrymalia facta, per viam liberam penetrabat et vulnus externum ad consolidationem disponebatur. Apparatum instrumentorum hac in re adhibitorum, ad Cl. FOREST methodum accedentem, describit Noster et in tabula apposita vna cum viis lacrymalibus delineatum silit. Reicere itaque videtur perforationem ossis vnguis a variis chirurgis varia methodo tentatam, quae tamen in carie ossium et sacco prorsus calloso vel exulcerato, ad nouam lacrymarum viam inueniendam omnino necessaria est.

p. 296. Sequuntur nunc aliquot obseruationes de haemorrhagia vteri et podagra, in quibus praecipue methodus medendi vniuersalis Reitzensteiniana per balnea vaporis, ex herbis aromaticis parata, acriter perstringitur, et simul de electricitatis effectu in podagra minus felici differitur.

p. 237. Obseruatione quadragesima sexta annotationes quaedam de cataracta proponuntur. Assumit Noster Cl. HEISTERI distinctionem cataractae in veram et spuriam, quarum haec capsulae, illae ipsius lentis vitium sistunt, dum haec vel obstructa et indurata vel resoluta est. Resolutio lentis cum dignosci haud possit prius, quam capsula eius fuerit aperta, ipsum operationis euentum non nisi peritissimum praedicere posse asserit Noster. Porro etiam varias cataractam deponendi methodos et acus, quibus haec perficitur operatio, examinat et temeritatem
ocularii

ocularii medici circumforanei HILMERI quibusdam exemplis enarratis perstringit. Methodum acu immissa cataractam deponendi, vt certiozem, ei praeferat, qua lens cornea incisa extrahitur, cum haec forte non nisi bulbo prominente, cornea maxime conuexa et pupilla ampla existente administrari possit. Tandem duas exponit historias cataractae, quam ipse, acu, apice latiusculo et non nihil obtuso instructa, felici cum successu depressit.

Interpersis quibusdam obseruationibus de febre neruosa hystericis affectionibus comitata; de genitalium tumore oedematoso ex abusu purgantium drasticorum medicamentorum orto; de pollice sinistro cum tendine flexoris euulso; de carie humeri ex rheumatismo male curato orta; de insigni vulnere faciei in obseruatione quinquagesima quinta p.383. et sequentibus ad varias laesiones capitis et caluae examinandas se conuertit Cl. Auctor. Variarum interdum percussiones cerebrum commouent, dummodo autem calua non fracta, nec humor extrauulsus sit, congestiones sanguinis et humorum felici saepe cum successu discutiuntur, omnem tamen in his disquirendis curam adhibere tenetur chirurgus, quo instrumenti laedentis figuram et impetum, naturam et symptomata aegri, nec non laesionem ipsam caute perpendat. Rusticus, cui impetus vehemens vectis, quo arborem e loco mouere intendebat, os frontis percussierat, vltra sexaginta horas attonitus iacebat, venaesectione eaque repetita administrata et tumore sanguinem coagulatum continente super os frontis vsque ad pericranium inciso, non tantum ad se rediit aeger, sed vulnus quoque sine exfoliatione cranii feliciter curatum fuit.

Vulnera cranii, dummodo meninges et cerebrum non laedantur, ex voto curari posse sequens obseruatio probat. Virgini dormienti sexaginta annorum ancilla quatuor vulnera ossi frontis acie securis p.387.

securis inflixerat, et paulo post basi huius instrumenti ossi bregmatis sinistro contusionem induxerat. Vulnus medium per cranium vsque ad meninges penetrans quatuor pollicum erat, et motus cerebri per illud clare perspici poterant, reliqua tria vulnera non nisi ad diploen penetrauerant, ossis bregmatis laesio nulla erat, sed sanguis tantum sub pericranio extrauasatus inueniebatur. Attonita diu substitit aegra, nec post venaesectiões, nec post administratam vulneris deligationem, nec per alia medicamenta et clysmata excitabatur, sed in tertium vsque diem stertorosa iacuit, sensim tamen paulatimque excitata fuit, et vulnera felicem, quam ars dare poterat, curationem admiserunt. Colligit porro Noster varias notatu dignissimas caluae fracturas cum destructione magnae partis meningum et cerebri, variasque animaduersiones, hanc doctrinam illustrantes, addit. His ex aliorum obseruationibus p. 408. repetitis, ipse in obseruatione quinquagesima sexta de carie caluae feliciter sanata agit.

Virgo nimirum quadraginta annorum dirissimis capitis doloribus in osse frontis potissimum excruciat a variis internis externisque remediis interdum quidem leuamen, nunquam vero sanationem, acquirere potuit; interea eo in loco tumor oriebatur oui gallinacei magnitudine durus et dolens, nunquam tamen inflammatus; hic cum nullis medicamentis discuti posset, incisione integumentorum praestita tophum ostendit, quem Noster modiolò ad diploen vsque multoties excidit, quo facto foetida et ichorosa materia effluxit, applicatis alcohole vini et essentia euphorbii, separatio ossis et particulae etiam laminae internae caluae successit, et paulo post depuratio et sanatio vulneris ex voto praestita fuit.

Obfer-

Obſervatione quinquageſima ſeptima de hydro p. 412.
cephalo infantum agit, gradus huius morbi definit
Auctor, in cauſas inquit, et ſpinae bifidae et tumoris
aquofi abinde in lumbis nati diſquiſitionem addit,
tandem hydrocephalum ſubcutaneum epithematibus
ſpirituofis et aromaticis diſcuſſum deſcribit.

Ultima obſervatio de fabrica naſi exponit et cory- p. 418.
zam duplici exemplo adducto declarat nonnullaque
de polypi narium curatione ſubneſtit.

XII.

*Vorläufige Beobachtungen der Schwämme
um Regensburg angeſtellet und mit vier
Kupfertafeln ausgemahlter Abbildungen
erläutert von IAC. CHRISTIAN SCHAEF-
FER. Sr. Kön. Maj. zu Dännemark,
Norwegen Rathe; und der Weltweisheit
Professore honorario auf dem Gymnaſio
academico zu Altona; Evangelischen Pre-
diger zu Regensburg; der Kayſerlichen
Academie der Naturforſcher; Kayſerlich
Königlichen Academie zu Roveredo; Kö-
niglichen Preußiſchen Academie zu Berlin
und Churfürſtlichen Bayeriſchen Academie
zu München; der Königl. Geſellſchaft der
Wiſſenſchaften zu Duisburg und Königl.
deutſchen Geſellſchaft zu Göttingen; wie
auch der freyen Künſte zu Leipzig Mit-
gliede. Regensburg, gedruckt mit Weiſſi-
ſchen Schriften und in der Montagiſchen
Buchhandlung in Commiſſion zu haben.
1759. in 4to. 8½ Bog.*

h. e.

Praelusio de fungis in agro Ratisbonensi obser-
uatis a IAC. CHRISTIANO SCHAEFFERO.

Miramur profecto Cl. Auctoris industriam in ex-
plicanda et illustranda illa historiae naturalis
parte, quae fungos complectitur; atque id eo
magis, quod, ut ipse ingenue fatetur, interuallo
vnius circiter anni tam egregiam de hac tam intri-
cata et multis difficultatibus inuoluta re sibi compa-
rauerit scientiam, ut non sine laude de fungis disse-
rere et vel plane noua, vel, quae iam ab aliis doctis-
simis viris tradita sunt, nouis experimentis confir-
mare potuerit. Sed age libellum ipsum adgredia-
mur; est vero haec de fungis generalis disputatio
in quinque partes distributa, quarum prima de
fungorum ortu eorumque propagandi multiplican-
dique ratione exponit; altera pars est de fungorum
structura et qualitatibus tam cognitis et definitis,
quam incognitis et non satis haecenus perspectis.
In tertia parte genera, formae et mutationes fun-
gorum exhibentur; pars quarta, quatenus sit utili-
tas fungorum et pernicies, tradit; vltima denique
pars continet consilia quaedam et adminicula corri-
genda et augenda fungorum historiae.

p. 3. Ad ortum et crescendi modum quod attinet,
instituit Cl. Auctor duodeviginti experimenta, ex
quibus legitima consecutione haec consectaria de-
duxit: Cum vascula illa et receptacula, quibus pol-
len inest, tantum in nonnullis fungorum generibus,
e. g. in fungis lamellatis et perforatis, atque
in his quidem paucissimis sint conspicuae; largien-
dum est, vel pollinem illum fore sine omni effectu
vel potius eius utilitatem non talem esse futuram,
qualem sibi persuadent periti quidam homines. Nam
si v. c. fungum puluerulentum paulo attentius con-
templari

templari velis, inuenies, maturitatis momentum in femine, quod masculinum appellant, valde esse dubium. Videtur itaque, quam alii defendunt, p. 18. ratio propagandorum fungorum ab ea lege, quam reliquae plantae fere omnes propagando sequi solent, maxime discrepare. Nec mira esse poterit vlli talis varietas, et id tanto magis, quo magis certum est, quod modus propagandi plantas per semen, non sit vnicus. Quae cum ita sint, faten- p. 25. dum quidem est, id, quod haëtenus in fungis semen habebatur, ad eas partes pertinere, quas procreatio requirat; sed tantum abest, vt vascula illa eiusmodi semen contineant, quod ortum suum a florendi et fructificandi modo duceret; vt potius fungi sine omni dubitatione alii legi, quamquam incognitae, qua propagentur, sint subiecti. Etsi fungi primo adspectu ad vnum omnes inter se conuenire videntur, tamen si intento oculo eos adspicias, immensam eorum variationem et discrepantiam facile deteges. Est vero fungorum discrimen vel externum, vel internum.

Extrinfecus fungos ab aliis internoscere possumus, si eorum formam, figuram, situm, superficiem, limbum et ambitum, peculiare partes, similitudinem cum aliis rebus, colores etc. contemplemur. Quare fungi ratione formae et magnitudinis magni, mediocres, parui, longi, breues etc. ratione situs et positionis recti, verticales, ad planitiem expansi, dependentes etc. ratione superficiei vel vnam superficiem habent, vel duplam, sunt porro laeues, hirsuti, lamellati, porosi, dentati etc. ratione limbi et ambitus, integri, crenati, lobati, acuti, conuoluti etc. ratione partium, quas integrales dicunt, radice donati vel non, annulo ornati vel non, pileati, pileo destituti etc. ratione similitudinis, quae fungis est cum aliis rebus, sunt indefinitae formae, cancellati, campaniformes, sphae-
I 2 roides

roides etc. ratione coloris sunt vel vnius coloris vel varii, candidi, nigri, venis picti, maculati etc. Possunt quoque fungi, si in eorum naturam et indolem inquirimus, diuersimode discerni; quorum alii carnosi, lignosi, tunicis praediti, alii cartilagineosi, mucosi, molles, duri, leues, graues etc. Differunt porro fungi, si naribus et lingua eos sentimus, differunt loco, tempore, et crescendi modo.

p. 29. Quibus separatim consideratis omnibus, inueniemus externam fungorum formam raro esse constantem, sed plerumque variabilem. In superficie internoscenda veniunt primum, quae dicuntur essentialia, numerus scilicet superficierum, constructio superficiei inferioris, atque exterioris superficiei forma; reliqua ad accidentalalia pertinent.

Partes fungorum ita comparatae sunt, ut earum quaedam semper adsint, quaedam desint. Sunt vero partes, quae in fungis discernuntur hae: radices, stipes, volua et pileus. Quidam radice destituuntur, eiusque loco gerunt aliam quandam materiem, quasi glutinosam et corruptam. Aliis quidem sunt radices, sed sine constantia et lege. Quare difficile dictu, quinam fungi prae reliquis semper radicem habeant. Stipes, altera fungorum pars, saepe apparet, interdum nullus est. Differunt quoque stipites, si externam eorum formam et figuram contempleris. Idem fere dicendum est de volua et pileo. Limbus et ambitus fungorum est variabilis, inconstans color, lubrica saepe similitudo, quam cum aliis rebus habere debeant. Interna fabrica et structura, odor et sapor in speciebus constanter comprehenduntur, in generibus non eadem. Sunt fungi, qui statim tempore et certis locis e terra prorumpant, sunt etiam alii, qui omni tempore et vbiuis locorum reperiantur. In distri-

p. 39. buendis et denominandis fungis Cl. Auctor Linnaeanam fungos diuidendi rationem sequitur, hoc tamen discrimine,

discrimine, vt in disponendis generibus diuidendi fundamentum e superficie, tanquam praecipua parte, qua fungi vel maxime inter se conuenire et differe videntur, sumserit. Hinc nata est haec fungorum distributio.

Fungorum vascula feminalia, quae videntur propagationis causa adesse, inueniuntur

I. in superficie inferiore, quae est

- 1, lamellata, vt in *Agaricis*
- 2, perforata et porosa, vt in *Boletis*
- 3, dentata, in *Hydnis*

II. in superficie externa, quae est

- 1, laeuis, vt in *Clauariis*
- 2, cancellata et rugosa, in quae
 - a, areolae perforatae conspicuae, vt in *Clathris*
 - b, nullae perforatae, in *Phallis*

III. in superficie interna, cui

- 1, insident, vt in *Eluelis*
- 2, in ea iacent, quo casu superficies
 - a, cyathiformis, vt in *Pezizis*
 - b, sphaeroides, in *Lycoperdone*
 - c, capillaris et tenuis, in *Mucore*.

Qua posita fungorum diuisione vniuersa genera possunt hoc modo definiri. *Agarici* sunt illud fungorum genus, quorum superficies inferior constat lamellis, quibus vascula feminalia adhaerent. *Boleti* sunt fungi, quorum superficies inferior poris et foraminibus est ornata, cui vascula feminalia insident. *Hydnum* est fungus superficie infima dentata, in qua vascula feminalia reperiuntur. *Clauaria* est fungus, vnica superficie eaque laeui constans, per quam vniuersam vascula feminalia sunt dispersa. *Clathrus* est fungus superficie exteriori reticulata, perforata, cui fructificationes adhaerent. *Phallus* est fungus superficie exteriori reticulata non perforata, quae vascula feminalia continet. *Eluela* est

fungus, variae et multiplicis figurae, cuius superficiem interiorem vascula feminalia occupant. *Peziza* est fungus cyathiformis, cuius vascula feminalia velut in placentis inclusa inueniuntur. *Lycoperdon* est fungus figura rotunda, cuius interior superficies semina innumera complectitur, quae saepe tanquam pollinem tenuissimum dispergit. *Mucor* est fungus ex partibus villosis et capillaribus compositus, cuius semina vel intus vel extrinsecus reperiuntur.

Sic generatim fungi a Cl. Auctore diuiduntur et definiuntur; quo pacto autem genus quodque de-
 p. 41. nuo distribuendum sit, sic docet; *Agaricorum* discrimina pendent, a materie: hinc quidam molles, carnosi alii, alii paulo duriores, lignosi; a pedunculo et stipite, sunt enim quidam pedunculo intus vel cauo, vel solido, vel textili donato, alii pedunculo destituuntur; a radice, quae vel adest, vel deest; a proprietate interna; a modo crescendi; denique a loco, quo nascuntur. *Boletorum* subtiliores diuisiones maximam partem cum agaricorum distributionibus, quas modo indicauimus, conueniunt, si succum et crescendi rationem excipias. *Hydnorum* discrepantiae eadem sunt, quae in boletis constitui possunt, sunt tamen eis quaedam propriae, si crassitiem, membranas, materiem, pileum, denticulorum loca in subsidium vocemus. *Clauariae*, vel simplices sunt, vel ramosae, differunt et colore, sed haec differentia a colore sumpta, similiter a loco et tempore nobis tanti non esse videtur. De *Clathrorum* diuisione nihil commemorat Cl. Auctor, quia nunquam, quod ipse fatetur, eorum particeps fieri potuit. *Phalli* vel ex volua aliqua surgunt vel non, a pileo reliquae diuisiones maioris momenti. *Eluelarum* diuisiones propter variam et inconstantem figuram difficiles sunt, quod si vero ad pedunculum pileumque attendas, eas accuratius

ratius discernere poteris. In *Pezizis* forma, superficies et color noua diuidendi fundamenta praebent. *Mucres* vel statim ab initio corticem exarescentem habent vel nullo cortice ornati sunt, a pedunculo, radice, et superficie reliquae diuisiones pendent.

Cum non sine vtilitate et iucunditate sit fungorum historia et declaratio, est enim fungorum vtilitas, quanquam mortalibus non adeo cognita; non inutilem Cl. Auctor nauauit operam, quod in p. 51. sine sui libelli, quo modo possit haec historiae naturalis pars magnum incrementum capere, consilia quaedam adiecerit, quae nunc breuiter indicabimus: Sine iconibus, fungorum descriptiones et distributiones, etiam si accuratissime elaboratae sint, intellectu semper difficiles manent. Maxime conducit, si fungorum imagines viuis coloribus pingantur. In laude sunt picturae generum et specierum, sed non sufficiunt. Singuli fungi ita delineandi et pingendi sunt, vt non modo, quae semper adsint discrimina, sed quoque varietates omnes et situs varii exprimantur. Cum superficies praecipua sit fungorum pars, qua possint ab aliis internosci, ideoque diligenter delineentur pinganturque necesse est. Fungorum variantes partes v. c. radix, annulus, color et reliqua, negligendae non sunt, nam his postpositis facile fiet, vt, quae eiusdem sint speciei, pro diuersis habeantur. Est quoque differentia in fungis aliqua, si aetatem eorum consideres, quae saepe tanta est, vt inter iuniores et aetate maiores vix vlla superfit similitudo; atque propterea fungi in vtraque aetate pingantur, commendandae etiam sunt eiusmodi delineationes et picturae, vbi fungi, inprimis illi, qui pedunculo innituntur, cognoscendae structurae causa, diuersimode dissecti repraesententur. Delineentur fungi, qui cum gleba cui inhaerent, effossi separatim quasi educati et exculti sunt; adiungantur tamen et
I 4 illorum

illorum imagines, qui sub ioue crescunt. Globuli illi, qui semen esse putantur, et naturali et aucta microscopii ope magnitudine pingantur. Quaelibet pictura sedulo et dilucide declaretur et describatur. Examinentur fungi chimica ratione eorumque natura et indoles interna euoluatur. Si quaedam fungorum vtilitas et noxa cognita detectaque sit, probe annotetur. Denique quae iam expressae et pictae sunt fungorum imagines publici iuris fiant, descriptiones alio tempore opportuniori, nam temporis ratio habenda est. Nos qui cum voluptate legimus has praeceptiones omnes, optaremus quidem, ut et haec obseruaretur, ut descriptiones fungorum vniuersae et explicationes latine traderentur, sic enim doctus quisque eiusmodi libro commode uti posset, nec ullus esset, qui de obscuritate nominum vel alio incommodo, quod plerumque ex alio idiomate, latino excepto, proficiscatur, librum accuset.

XIII.

Plantarum americanarum fasciculus septimus continens plantas, quas olim CAROLVS PLUMIERIVS Botanicorum princeps detexit eruitque atque in insulis Antillis ipse depinxit. Has primum in lucem edidit concinnis descriptionibus et obseruationibus aeneisque tabulis illustravit IOANNES BURMANNVS M. D. Professor Botanices Amstelaeladensis. Sumtibus Auctoris Amstelaeladami 1758. in fol. pl. 7. Tab. aen. XXV. a tab. 151 - 175. Eiusdem Fasciculus Octauus 1758. in fol. pl. 7. Tab. aen. XXVI. a tab. 176 - 201.

De septimo et octavo plantarum americanarum fasciculo nunc exponere pergimus proxime finem operis indicaturi.

In septimo nimirum fasciculo exhibetur Hieracium, quod ad sic dictam Pulmonariam Gallorum propius accedit et eius forte varietas est; Iacobaea falicis folio ad Verbesinam relata; duae Hypericoidis species, quae ad Ascyrum pertinent; Iabotapita, quae Ochna est. Iacobaea helenii folio ad Solidaginem relata; duae Ianraiae siue Raiae vel Raianiae species; Iasminum folani folio ad Loniceram, et aliud lauri folio ad Ixoram relatum, tertium quod folani folio minore est, in Iasminis relinquitur, quartum tandem quod quoque lauri folio dicitur ad Citharexylon amandatur; Icago siue Chrysobalanus; Ketmie species quatuor ad Hibiscum repositae; Larix americana ad Pinum relata; Lauendula siue Sherardia nodiflora ad Verbenam pertinens; Melissae species quatuor, quarum prima ad Nepetam, secunda ad Ballotam, tertia ad Mentham, quarta ad Mesophaerum referuntur; Ligustrum aculeatum quod Volkameria est; Lobelia portulacae folio; Linaria palustris, quae Vtricularia est; Lonicera siue potius Lorantus; Malpighiae species quinque; Maluae species tres, quarum prima et tertia ad Sidam, secunda vero ad Hibiscum reducuntur; Mammei seu potius Mammea; Moncanillae siue Hippomane species duae; Manihot duae species, quarum prima ad Acalypham, altera ad Croton amandatur; Marcgrauia; Matthiola; Mentzelia; Onagrae species tres, quarum priores ad Oenotheram tertia ad Iussiaeam reducuntur.

Ex observationibus a Cl. Editore additis sequen-
tes repeti merentur. *Iabotapitae* siue *Ochnae* duae P. 147.
species sunt, quarum prima *Bockerae*, altera *Mal-*
kaerae Cingalensibus dicitur, hanc illi adiunxit
LINNAEVS, quoniam vero huius folia latiora, magis
ovata et subtiliter serrata, flores non spicati sed
I 5 congesti,

- congesti, et fructus simplices oliuaeformes sine ex-
crescentiis deprehenduntur, genere diuersas plantas
- p. 149. esse Noster iudicat. *Raia foliis quinis, oblongis, tri-
neruiis* singularis prorsus planta est, folia quina enim
non ex communi pedunculo digitata; sed separata
ad singulum caulis geniculum petiolis propriis in-
structa emittit, florum racemus etiam non ex alis
- p. 151. foliorum, sed ex medio caule protruditur. *ICAGINIS*
fructus nunc flauus, nunc niger, nunc purpureus
est, *Chrysobalani* tamen nomen placuit LINNAEO,
qui etiam *Myrobalanum SLOANEI* arborem foliis
- p. 156. pinnatis, tota facie diuersam, huic iunxit. *Ligu-
strum aculeatum fructu testiculato* PLUMERII, *Ligu-
stroides* Hort. Cliff. a SLOANE ad *Paliurum* ab
AMANNO ad *Duglossiam* et a BROWNE ad *Clero-
dendrum* refertur, bacca tamen subrotunda bifida,
binis nucleis referta pericarpio infidente a Clero-
dendro differt.
- p. 159. *Lonicera flore coccineo, baccis ni-
gris* PLUMIERII a reliquis huius plantae specie-
bus corolla in sex partes diuisa, staminibus sex et
bacca monopirena differt, optime itaque a VAIL-
LANTIO nouum genus *Loranthi* constitutum fuit.
Malpighia mali punicae facie, quae foliis ouatis est ex
delineatione Cl. Editoris additur, alia *vrens* folia
setis rigidis recuruis adspersa habet, et in ea racemi
axillares sunt, tertia, quae *foliis aquifolii amplioribus*
instructa est, ad *Mancanillam* potius referri meretur,
quarta *foliis dentato spinosis* ad vrentem quodammo-
do accedit, vix tamen ex obseruationibus haecenus
collectis *Malpighiae* species satis definiri possunt.
- p. 164. Ad *Mancanillae* siue *Hippomanes* species *foliis suboua-
tis dentato spinosis* et *foliis ouato oblongis serratis basi
glandulosis* tertiam addit Cl. Editor, quae cum altera
conuenit, sed basin glandulosam non habet, fructum
autem pyriformem, quam non distinxit BROWNIVS
- p. 166. qui et *Huram* ad *Hippomanes* genus retulit. *Mat-
thiolae* fructificatio tam singularis est, vt cum nulla
alia

alia conueniat, licet enim, cum germen infra fructum gerat, et corollam infundibuliformem limbo integro obtineat, ad Mirabilem proxime accedat, tamen cum stamina deficient, diphyta forte videtur, genus itaque in loco natali accuratius definiendum est. Planta haec ad parasiticas pertinere videtur. Monendum praeterea est *Liliosphodeli* seu *Amaryllidis* duas species *Magnoliam* et *Marantam* plantas, ab aliis Auctoribus melius depictas, Cl. Auctorem omisisse.

Ad octauum fasciculum nunc progredimur, in quo viginti quinque *Helleborines* species primum proponuntur, sub hoc nomine enim PLUMIERIUS varias plantas ob radicum et foliorum habitum conuenientes comprehendit, ita vt prima Conuallaria, secunda et tertia Ruscus, quarta ad decimam, et decima octaua ad vigesimam tertiam Epidendrum, vndecima et duodecima nec non vigesima quarta et quinta Limodorum, decima tertia Serapias, decima quarta, quinta et septima Ophrys, decima sexta Orchis appellari mereantur. His interponitur Vanilla, quae quoque Epidendri species est. In hoc quoque fasciculo Cacti genus multis speciebus illustratur et vndecim Melocacti et quatuor Opuntiae species delineantur et describuntur, vltimo tandem loco Medicaginis species additur.

Addamus nunc quasdam Cl. Editoris obseruationes. Species prima *Helleborines*, quam *Conuallariam caule articulato, unifolice, bifloro* appellat corollam quinquifidam habet, et non nisi habitu ad hoc genus accedit, forte tamen eo iure, quo Vnifolium, ad Conuallariam pertinet. Sic quoque sequentes duae species ad *Ruscum* referuntur, quoniam habitu et floribus in basi foliorum oriundis ad hoc genus accedunt, licet flos minus accurate depictus sit. Ad *Epidendri* et plantarum congenerum species definiendas, multae quidem hic congeruntur descriptiones

nes et icones, dolendum tamen est, floris, in hoc genere insigniter variantis, delineationes non semper accuratas exhibitas esse, cum itaque *Orchidum*, plantarum congenerum in nostris terris crescentium, definitiones maximis adhuc difficultatibus obnoxiae sint, in his exoticis maior adhuc deprehenditur. Inter alias *Epidendri* species ea etiam, quae
P. 183. foliis ovato oblongis nervosis, sessilibus caulinis et cirrhis spiralibus instructa est, ut vera *Vanilla* officinalis a Cl. GEOFFROY descripta egregie delineata sistitur. *Caëti* etiam variae species egregie delineatae et descriptae inveniuntur, in his quidem maior in floribus est convenientia, cum tamen angulosae figurae aliqua variatio occurrat definitiones specierum quodammodo difficiliore sunt. Inter alias
P. 191. *Caëti* species etiam *repens subquingularis* describitur, quae et in nostris hybernaculis flores amoenissimos profert, licet planta hic delineata frequentioribus fasciculis spinosis obsita sit. Flos huius, qui tarde euoluitur, conum format obtusum, subtilissimis spinis refertum, dum se euoluit calicem magnum, quadruplici squamarum strato constantem expandit, hora autem septima vespertina aperitur ipse, duodecima tandem hora et candidissimo flore et suavisimo odore placet; ipsa autem planta licet flos solem fugere videatur, vernali tempore in hybernaculis ad fenestras collocanda est, quo magis enim solis radiis illustratur, eo luxuriosior et magis florifera deprehenditur. Notandum quoque est, dulcissimos harum plantarum fructus, qui aurantium malorum magnitudinem saepe attingunt, ob refrigerium, quod in feruentibus illis regionibus requiritur, maxime in deliciis haberi, ita ut hae plantae foliis destitutae et spinis horridae, primo aspectu quidem fugiendae, ob praestantissimos tamen fructus aestimentur. Repentes species si nulla inveniunt

ueniunt sustentacula, per terram proserpunt, si vero arbores attingunt, fibrillis radicalibus in earum cortices, sese dimittunt, et vt parasiticae plantae nutriuntur.

XIV.

Diff. inaugur. de laesa ossium nutritione Praeside

D. CHRISTIANO GOTTLIEB LUDWIG.

Therap. P. P. O. Fac. Med. Decano etc.

Resp. *Carolo Ernesto Oschatz.* Lipsiae

1759. 4. pl. 4.

Occasionem scribendi praebuit cadauer foeminae, p. 4.
in quo ossa emollita inuenta fuerunt. Disquiri-
tur ideo praecipue ea mutatio praeternaturalis, qua
ossa iam satis dura reddita in media aetate per de-
prauatam humorum indolem ad singularem prorsus
fragilitatem seu mollitiem quandam deducuntur.
Quo igitur haec apte declarari queant, phaeno-
mena nutritionis ossium cum incremento in iunio-
ribus et sine incremento in adultis allegat, et
aliquam analogiam nutritionis partium mollium et
ossium assumit Cl. Auctor. In vtrisque nimirum p. 8.
sunt quaedam fibrae persistentes et tenaces, quae
basin partium nutriendarum constituunt, in his
vera quidem nutritio locum non habere videtur, sed
sola humectatio, cum tamen haec non nisi cum
secessione et accessione particularum fieri queat,
vera etiam nutritio locum habet. Hoc quidem, si
destructionem et recessum particularum attendimus,
ex sensu lassitudinis, in ipsis ossibus percepto, ob-
scure patet, sed magis adhuc in senum ossibus
cognoscitur, non lymphatico - oleosas tantum parti-
culas, sed terreas quoque recedere, cum ossa senum
non

non densiora, sed sicciora, porosa et fragilia inueniantur; in appositione autem vere ossificus fucus, qui nimirum terrestres particulas vt essentiales continet, adducitur, quod quidem si in sana ossium nutritione ostendi non posset, in genesi calli abunde declaratur.

p. 12. Praemissis his de nutritione ossium phaenomenis ad nutritionem laesam considerandam progreditur Noster, et illum praecipue morbum declarat, quo secedentes particulae osseae non refarciuntur, sed ipsa dura materia prorsus euanescit; colligit itaque varias Auctorum obseruationes, easque in classes distribuit, immobilitatem nimiam articulorum in ligamentis relaxatis minus recte ad ossa referri, ostendit et fragilitatis ossium senilium nonnulla exempla profert, maxime vero a venerea labe, scorbuto et aliis cacochymiae speciebus hanc ossium fragilitatem et mollitiem inductam fuisse monet.

p. 20. Hos itaque ossium morbos a defectu et deprauatione veri succi nutrientis, et speciatim a peruerfa elaboratione et corruptione humoris ad intimam ossium compagem deferendi dependere docet. Quaestionem vero num hac ratione ossa arrodantur? an non nutriantur? ita definit: licet in attenuatis et non nihil emollitis ossibus externa superficies asperior fiat, internae tamen ossium, cylindraceorum praecipue, laminae magis secedunt et auferuntur, minime autem, vt in vlceribus ossium internis et carie inde oriunda, vere eroduntur, sed detersione aliqua vniuersali, cum defectu appositionis nouae, quae laesam nutritionem vere declarat.

Cum autem multi auctores ad acidam acrimoniam ossa arrodentem prouocauerint, operae pretium esse duxit, medullam ex ossibus morbois emollitis, et ossa ipsa examini chemico subiicere, cum itaque medulla animalium solis herbis nutritorum acidi vestigia ostendat, in foemina, cuius nimirum
ossa

ossa disquisita fuerunt, victu parco vegetabili nutrita et vita sedentaria vix non semper detenta, tanta forte acidi, non mutati copia adesse potuisset, qua ossa erosa et emollita fuerint. Experimenta tamen contrarium docuerunt, et licet ea repetere nequeamus, conclusa tamen inde collecta breuiter annotare placet. Medulla, morbosa reddita, ea acidi copia p, 27. non scatet, quae cum vi arrodente acidorum menstruorum immo mitissimo acido aceti comparari possit, neque acidum in ossibus olei medullaris copia adhuc imbutis vt menstrua fortius soluentia agunt, hinc omnino patet mixtionem humorum deprauatam, causam huius morbi esse, licet difficile definiatur, num terreae particulae deficient, an, licet praesentes sint, non rite apponantur. Ii vero, qui morbum grauissimum ossium summe emollitorum foeminae *Supiot* describunt, ad abusum salis communis prouocant, quem quidem ex muriatica acrimonia nocere posse Noster concedit, licet inde non euincatur, acidum salis communis ita extricari, vt erosionis ossium causa sit.

Ad cachexiam praecipue grauiorem veneream p. 29. vel scorbuticam respicere tenemur, si in causas laesae ossium nutritionis inquirimus, quamuis enim haec in mollioribus partibus haerens, non semper ad meditullium ossium procedat, tunc tamen vehementius iam faeuit, si dolor aliquis vniuersalis in ossibus obseruatur, qui et tunc furdus magis est, et cum eo non comparandus, qui ex vlcere interno oritur. Summum morbi gradum tandem declarant fracturae ex leui causa euenientes, vel ipsa incuruatio per vim musculorum facta. In curatione itaque suscipienda leue initium morbi attendendum est, in quo vires vitae optima nutritione roborantibusque medicamentis sustineri et acrimoniae cognitae demulceri, inuerti et eliminari possunt. An rubia tinctorum

tingtorum, cuius color cum ossibus communicatur, medelam afferre possit omnino tentandum erit. In externa tandem curatione balneis roborantibus vis conueniens denegari haud poterit.

XV.

PHILIPPI CONRADI FABRICII. Sren. Duc. Brunswic. et Luneb. a Consiliis aulicis, Med. Doct. et Prof. Publ. Ord. Helmstädiensis etc. Programma Academicum, quo syllogen observationum anatomicarum, ab anno 1754 ad annum 1759 in theatro academico Helmstädiensi factarum, communicat, et nouas suas lectiones hybernas indicit. Helmstädi typis Ioh. Drinbornii, 4. 1759 pl. 3½.

Vt anatome corporis sani physiologiae lucem accendit, quam in vniuersam medicinam diffundit, sic practica quoque anatome siue cadauerum morbo defunctorum disquisitio pathologiam et inde quoque medendi rationem egregie iuuat. Observationes praesentes ad hanc potissimum pertinent, Noster enim omnes, quas in cadaueribus inuenit, mutationes morbosas vel insolitas accurate consignauit, quarum nos speciminis loco nonnullas breuiter indicamus.

p. 5. In foemina macilenta octoagenaria longitudo canalis intestinorum, longitudine totius cadaueris vix triplo cum dimidio maior erat, tubus ipse intestinalis solito angustior inueniebatur, alio vero in loco Noster infantis trimestris exemplum affert, in quo canalis alimentorum nouies vel decies longior ipso infante deprehensus fuit, ex his itaque patet intestinorum longitudinem nunquam certam esse, nec sexies maiorem homine, ex quo depromuntur.

In

In vetula nunc allegata alia viscera sana, alia labe quadam affecta erant, ideoque in genere monet, effectus senii non in omnibus visceribus aequali ratione et gradu se sistere. Sic etiam alio in casu hydropicam commemorat, in qua hepar scirrhosum et insolitae magnitudinis erat, ad umbilicum vsque extensum, reliquis tamen visceribus sanis existentibus.

In alia vetula cancer mammae sinistrae cum p. 8. ulcere sinuoso versus claviculam et alas extenso et glandulae subaxillares scirrhosae deprehendebantur, brachium ideo sinistrum insigniter tumidum non veram pinguedinem, sed crassum, vbera vaccina cocta referentem, contextum cellulosum, ichorosa sanie scatentem exhibuit. Thymus steatoma referebat, pulmones cum pleura coaluerant crusta lardo simili intercedente, polypi adiposi in venis maioribus, glandulis praeterea variis scirrhosis. Mirandum tamen est, in tanta humorum lymphaticorum corruptione lentem crystallinam non, ut in senibus, flavescentem, sed puram, pellucidam, ut in infantibus, deprehensam fuisse.

In hydropico abdomen tumidum splendens et P. 11. album inuenit, et pinguedini subcutaneae, in lympham acrem ex parte resolutae et per cutim transfudanti, hunc cutis pallorem adscribit Noster, nimiae cutis tensioni forte tribuendum. Vtraque thoracis cauitas lymphā extrauasa repleta erat, pericardii tamen liquore parcissimo, quod quidem et aliis exemplis confirmatur. Lien in hydropicis ut plurimum in magnitudinem insolitam increfcit, in atrophicis autem et macilentis ut plurimum exiguus est. Ventriculi laterales cerebri in hoc cadauere nullum serum continebant, licet glandula pinealis arenulis referta esset, in basi cerebri et circa medullam oblongatam tamen insignis feri copia reperiēbatur. Scrotum hydropicum ita distentum
Tom. IX. Pars I. K erat

erat, vt vtraque membrana dartos, alias firmiter in septo coalita, facile diduci posset. Praeputium tandem tumidum glandem quasi referebat, veram glandem retrorsum prementem.

p. 12. Susceptio intestinorum, a vermibus orta, exponitur, quae raro adeo confirmata est, vt non facile iterum cedat et resoluatur.

p. 15. In foemina, quae lue venerea laborauerat, et bis saluationem mercurialem sustulerat, pinguedo subcutanea ferme in gelatinam resoluta erat. In alia foemina triginta annorum lobus dexter, pulmonum pleurae adhaerens, atro ruber et hepatis instar densissimus reperiiebatur et hic, et integer, et in partes dissectus, in aqua subsidebat manifesto indicio, hoc experimentum in infantum vita definienda non valere, nisi in pulmonibus sanis visis. In hoc ipso cadauere bicipiti brachii musculo tertia portio carnosae a medio ossis humeri accedens iungebatur.

p. 17. Iuuenis rusticus viginti annorum robustus, a ramo arboris crassiori abscisso percussus, in integumentis nullum, nisi super supercilium sinistrum exiguum vulnus habebat, ossa tamen nasi, frontis, bregmatis, et temporum in plurimas partes fracta erant, cum insignibus menyngum et cerebri laesionibus. Aorta in thorace et abdomine solito angustior, et truncus arteriae pulmonalis amplior quam aortae inueniebatur.

p. 20. In viro sexaginta annorum in vesica prope insertionem vreterum duae herniae ceu appendices conspiciebantur, quae a ruptura tunicae internae nerueae, sine extrauasato tamen sanguine ortae fuerant. In hoc ipso viro tres costae fractae, sed callo facile solubili iunctae erant, calli ideo genesin in costis nunquam quiescentibus vix firmam reddi posse Noster arbitratur, vidimus tamen et in his ossibus interdum callos satis firmos.

Vetula quaedam, procidentia vteri laborans, p. 24. disquisita ostendit, quasdam foeminas natura ad hunc morbum disponi, illas scilicet, quibus pelvis solito amplior et arcus ossium pubis maior deprehenditur; in his tamen hoc vitium cum sensim increseat, tolerabilius esse videtur, quam in aliis, ubi ex partu difficili vel alia violenta causa oritur, ubi nimirum spasmus hysterici vehementiores sunt.

Dextrum thoracis cauum sinistro amplius assumitur, p. 27. observationem tamen Noster adducit, qua ostenditur, sine spinæ dorsi distortionem præternaturali, sinistram thoracis cauum dextro amplius deprehensum fuisse.

XVI.

Discours historique et critique sur le Traité des Maladies des Os de feu M. PETIT. par M. LOUIS Professeur et Censeur Royal Chirurgien - Major - Adjoint de l'Hopital de la Charité de Paris, Associé de l'Académie des Sciences, des Belles - Lettres et des Arts de Rouen etc. in 8. pag. 119. Fig. aen. 2.

h. e.

Sermo historico - criticus super tractatu de morbis ossium Cl. PETIT. Auctore Cl. LOUIS.

IOHANNES LUDOVICUS PETIT Clarissimus inter Gallos chirurgus, cuius vitam et merita nos alia data occasione ex elogio Cl. LOUIS indicaui-
mus *, inprimis quidem ossium morbos diligentius pertractavit, nunc cum anno 1758 tractatus Eius de

K. 2

ossibus

* vid. Comment. nostr. Vol. I. P. I. p. 155.

ossibus Parisiis denuo in lucem ederetur et ipse quidem ab editione, 1741 euulgata, vix differat, libri satis cogniti recensitionem exhibere supernuacaneum fuisset, non possumus tamen sermonem praeliminarem negligere, quem Cl. LOUIS primo tomo nouae huius editionis adiunxit, cum fata huius libri eiusque praestantia egregie in eo declarantur.

p. 10. LAURENTIUS VERDUC, Pater, iam anno superioris seculi octuagesimo nono cum fascias applicandi rationem traderet, de fractis et luxatis primariis morbis ossium egregie disserterat, nihilominus Cl. PETIT anno huius seculi quinto, libellum de curandis morbis ossium, lectionibus suis chirurgicis accommodatum edebat, et cum post ea tempora omnem chirurgiam continuato studio coleret, et varia specimina in commentariis academiae scientiarum Parisinae traderet, etiam hunc suum de ossibus tractatum ita perficiebat, vt editio noua, quae anno vigesimo tertio in duobus voluminibus euulgabatur, iam longe praestantior prodiret. Inuidiam nonnulorum Virorum, imprimis Cl. ANDRY non effugere poterat eruditum hoc opus, ille enim cum institutum laudare cogeretur, quaedam tamen carpere non intermiserat. Imprimis vero assertum de rupto utroque Achyllis tendine, in celebri quodam saltatore *Cochoix* dicto, a multis negabatur; quam quidem controuersiam Cl. LOUIS succincte enarrat et, dum medendi methodum declarat, in commodum chirurgicae artis conuertit.

p. 20. In ruptura tendinis disiunctae partes ad se inuicem ducendae et tamdiu in tranquillo situ retinendae sunt, donec coalescant. Hunc in finem Cl. PETIT fasciam primo eligebat, quae a planta pedis incipiendo vsque ad genu circularibus conuolutionibus
ascende-

ascendebat, et splenium angustum posterius a regione poplitea ad calcaneum vsque applicatum utroque extremo ita figebat, quo extensionem pedis maximam sustineret, et gemellum musculum eo vsque deprimeret, quo disrupti tendinis partes se inuicem attingerent. Haec erat vera medendi ratio, quae fascia applicata perfici poterat. Haec vero non nisi a chirurgo peritissimo applicanda erat, et interea partes nimium comprimebat, et applicationem topicorum remediorum ad partem laesam non admittebat, ideoque in eo casu, ubi tendo vulnere aperto discissus est, locum non habebat. Cum igitur aptiori apparatu opus esset, illum Cl. PETIT inueniebat et Noster eundem et descriptione concinna et icone addita illustrat. Cingulum paratur ex corio denso, alio molliori intus obducto, quod ea parte, qua ad regionem popliteam apponitur, integrum est, postea vero in quatuor partes diuiditur, quarum duae supra genu, duae infra genu combinantur et firmiter adstringuntur, quo punctum fixum obtineatur. Pes extremus solea excipitur, cuius posteriori parti supra calcaneum aliud corium adfuitur, quod supra suram ascendit, et circa cylindrum posteriori cinguli supra descripti parti in regione poplitea affixum ita voluitur, ut et adstringi et quodammodo relaxari possit, quo hoc ipso corio et pes extremus maxime extendatur et surae musculi deprimantur. Adduntur alia de causis et symptomatibus rupti tendinis Achyllis et similis ferme apparatus, quem Cl. MONRO inuenit *, describitur.

Alia controuersia, quae super hoc tractatu P. 38. mota fuit, instrumentum, ad luxati humeri repositionem

K 3

tionem

* vid. Essays and Observations physical and literary read before a Society in Edinburgh. Vol. I. p. 450. Tab. VIII. et Comment. nostr. Vol. V. Part. I. p. 77.

tionem aptum, quod ex ambe et polyspasto compositum, a Cl. PETIT ingeniose inuentum fuerat concernit. Concedit Noster explicationem mechanicam huius instrumenti, quam inuentor apposuerat, censuram quandam promeruisse, et porro monet compressionem partium mollium, quae ab omni instrumento, repositioni humeri luxati dicata, euenit, nec in hac machina euitari posse; ostendit tamen, cum accusationes magis declinare, quam reuellere suscipit, quam caute omnia haec incommoda a Cl. PETIT indicata fuerint, additis insuper consiliis, de cute retrahenda, et situ musculorum obseruando.

p. 47. Excurrit hac data occasione in laudes HIPPOCRATIS aliorumque veterum scriptorum, ratione inuentio-
nis eruditae machinarum chirurgicarum, et porro docet, quomodo chirurgus his morbis opem laturus partium fabricam et imprimis musculorum varium sub varia actione et extensione situm, antagonismum et cooperationem, dignoscere debeat, quando has luxationes scite dirigere suscipit; tandem addit, has operationes tutius et melius manuum ope perfici, cum machinae haud raro maiora partium adiacentium incommoda inducunt, quam quae a laxatione pendent.

p. 69. Additis variis, quae hanc controuersiam concernunt, annotationibus ad maxillae inferioris luxationem progreditur, in qua pertractanda, cum partium fabricam non sollicitè satis explicauerit Cl. PETIT, in censuram dissentientium incidit: cum tamen ad chirurgiam tantum respexerit, Noster ad aequum hac in re a Cl. MONRO propositum iudicium prouocat. Hic enim ipse in sua hac de re
exhibita

* Medical Essays and Obseruations revised and published by a Society in Edinburgh. Vol. I. Obs. XI. p. 124 seqq.

exhibita tractatione et partes descripsit et enchirifes, in repositione luxatae maxillae praestandas addidit. Agit vero Cl. LOUIS hac data occasione de luxatione maxillae inferioris retrorsum facta, quam Cl. VOGEL asseruit, et quam nos paulo ante descripsimus *; quam vero fieri posse negat, et ad alios chirurgos veteres et modernos prouocat, qui quoque eandem cum Cl. MONRO negant, et prorsus impossibilem pronuntiant. Nec Cl. IOHANNIS DE VIGO assertum ** de hac luxatione versus posteriora valere contendit.

Arcula Cl. PETIT ad fracturam cruris comp. p. 77. plicatam melius tractandam inuenta, ab aduersariis ipsis maxime laudata, et in variis libris delineata hic tangitur, et perfectior descriptio et delineatio traditur.

His missis ad nouas reprehensiones Cl. ANDRII p. 79. circa luxationem humeri examinandas se conuertit Noster, hae in thesi in cathedra medica Parisiensi 1732 defensa, *an in humeri luxatione ambe potius quam scala, ianua, polyspastusque iterato renouata?* propositae fuerunt, sed nouas vix continent accusationes, praeter eas, quas paulo ante exposuimus. Hac occasione varia de controuersis aliis, a Cl. ANDRY motis, simul recensentur, quo pateat, eum aliorum quoque virorum celeberrimorum acrem fuisse censorem. Tandem assensum, quem Cl. PETIT inter exteros ab HEISTERO, BOERHAAVIO, VAN SWIETEN et PLATNERO promeruit, ad demonstrandam excellentem eius doctrinam commemorat.

K 4

Noster

* In hac ipsa Parte pag. 123.

** Opp. Chirurg. Lib. VI. cap. 2.

p. 98. Noster vero non negligere poterat tractatum de morbis ossium, qui post obitum Cl. PETIT Parisiis editus fuit *. Cl. DU VERNEY, Academiae Scientiarum Parisinae Socius, anno trigesimo huius seculi mortuus, eundem exaratum in schedis manuscriptis reliquerat, et fratris filius Academiae Regiae Chirurgicae Socius, et in Horto Regio Anatomiae et Chirurgiae Demonstrator eum publici iuris facere decreuerat, sed cum et hic anno quadagesimo octauo diem obiret supremum, alius editor tandem eundem nobis tradidit. Hic quidem amplior est, Cl. LOUIS tamen in aestimando libro ad doctrinam potius respiciens iudicat, praestantiam operis Cl. PETIT post editionem tractatus Cl. DU VERNEY nondiminui. In hoc tractatu possibilitas fracturae longitudinalis ossium cylindraceorum adstruitur, quam Cl. PETIT ideo negauerat, quoniam impetus fissuram longitudinalem inducens cogitari non posset, nisi is simul fracturam transuersam efficeret. Hanc ob causam Noster tria exempla, quae Cl. DU VERNEY ad euincendam fissuram longitudinalem adduxerat, sub examen reuocat, et assertum ex iis minime comprobari ostendit, simulque monet, Cl. HEISTERVM has ipsas fracturas, non vt decet, declarasse et ad exempla a Cl. HAYNE et FELICE a WÜRTZEN allata minime prouocare potuisse.

* Traité des maladies des Os par M. DU VERNEY. a Paris. 1751. 12 mai. Tom. I et II. vid. Comment. nostr. Vol. I. Part. IV. p. 640.



XVII.

*Der Arzt, eine medicinische Wochenschrift.
Erster und anderer Theil. Hamburg bey
G. C. Grunds Wittwe, 1759. 8. 2 alph.
pl. 7.*

i. e.

Medicus, ephemeris medica. Pars I et II.

Mirum forsan quibusdam videbitur, nos huius
scriptionis mentionem iniicere, cum hucus-
que eum seruauerimus semper morem, vt eius-
modi tantum eruditorum scripta indicaremus, quae
dogmatice elaborata, vel verum systema cuiusdam
medicae aut physicae doctrinae tradant, vel alia
quacunque ratione ipsam medicinam perficiant.
Nec tamen sua prorsus destitui vtilitate eos existi-
mamus libellos, qui vel iocose proferunt talia,
quae displicerent plurimis, si serio tractata fuerint,
vel et grata ac iucunda dictionis forma verborumque
facundia ea proponunt, quae, quamuis omnibus
scitu sint necessaria, ob rei momentive grauitatem
vix a paucis legi solent. Hocce artificio iam plures
illuferunt ciuibus suis, vti ADDISSONIVS et FON-
TANELLE, qui in suis diariis morum susceperunt
culturam, et iocose perstringendo ciuium suorum
vitia feliciori omnino successu in iis emendandis
allaborarunt, quam alii morum doctores, qui huius
scientiae praecepta solide ac docte tradiderant.
Nec desiderantur in iurisprudencia, nec in ipsa
sanctiori doctrina auctores, qui eodem artificio vsi
fuere et facunde proponendo effecerunt, vt arri-
derent lectoribus ea, quae serio dicta ipsis nauseam
ac fastidium crearent. His tam praeclaris exem-
plis Cl. Auctor incitatus, constituit pro ciuium
K 5 suorum

fuorum incolumitate ea ex arte medica disputare, quae ad eorum sanitatem spectare possent. Hunc igitur sibi praefixit scopum, vt, cum prodesse velit, simul et delectare queat. Perstringit hanc ob causam mores nostros peruersos, tam eos, quibus medicus et arti et sibi nocet, quam eos, quibus aeger in vituperium medici vtitur. Tradit diaetae vniuersales aequae ac speciales quasdam regulas, vituperat, quos committunt in tuenda corporis salute, errores vitiaque, quae in educatione infantum animaduertit. Remouet opprobria, quae rationalibus medicis obiciunt censores a medicastrorum et agyrtarum exemplis petita: et interdum quoque breuibus corporis animalis mechanismum et oeconomiam explicat, vel corporum quorundam naturalium historiam adfert. Cum enim recte putaret Noster, quemuis posse facillimo negotio maxima et vitae et sanitatis discrimina euitare, si quodammodo sui corporis cognitione instructus sit, id agere annisus est, vt varia pro hoc scopo alleget. Inuenimus hic multa vtilia argumenta, quae maximam partem diaetae regulas exponunt. Periodicum scribendi genus ideo elegit, quoniam hac ratione ipsi semper licebit, eiusmodi ad tractandum eligere momenta, quae vsui esse possunt, et quae temporis ratio ac genius seculi postulare videntur. Hunc quoque praefixum scopum laudabiliter esse consecutum Cl. Auctorem ingenue fatemur. Ipsa enim scribendi elegantia non solum quosuis delectabit lectores, sed et tantos ipsis praestabunt in libello tractata argumenta vtilitatem vt vitia diaetae corrigere, varia, quae sanitati obesse possent, emendare, et quorundam naturalium corporum cognitionem acquirere possint. Sunt nimirum multa in hoc diario congesta, quae iis, qui artem non profitentur, ex vniuersa medicina scitu vtilia videntur, simul vero et ex theoretica parte

parte addita sunt varia, sine quibus intelligi non possunt regulae practicae, quas tradidit. Vt vero Lectori de ipsius libri praestantia certius constet, opportunum erit, recensere quasdam libri particulas, quae nostram attentionem prae aliis incitarunt.

Part. I. n. 3. *de aquarum medicatarum usu vernali.* Quae vita sedentaria per hyemem corporibus inducere solet damna, ea potissimum hacce consuetudine ob exercitationem corporis diaetamque accuratorem, quae simul obseruatur, corriguntur. Addit eorum fontium, quos pro usu medico in Germania adhibere solemus, descriptionem breuiusculam, et Pyrmontanas, Egranas, Selteranas, Antonianas, Wildungenses, Swalbacenses, Spadanas; ex martiatis Radebergenses, Lauchstädienses, Bebranas, Freyenwaldenses et Weissenburgenses; inter salinas Sedlitzenses et Seydschützenenses commendat, quibus ob aquae puriorem indolem adnectit Schleusingenenses ac Schlangenbadenses. Pauca denique de cura lactis vernali adiicit, quosque ab ea expectare possimus usus, et in quibusnam corporibus adhiberi queat, explicat, et docet qua ratione ferum lactis et acidulum et dulce parandum sit.

No. 6. *de natura corporis humani.* Cum utile omnino ac necessarium iudicet, homines esse instructos de corporis sui machina iisque, quos producere valet, effectibus, pauca de hoc mechanismo disputare operae pretium duxit. Finis actionum quarumvis in nostro corpore est vel nutritio ac conseruatio machinae, vel sensatio, vel motus, vel propagatio. Prima hinc addit physiologica fundamenta de digestionem, praemissa succincta ac breui organorum, huic negotio dicatorum, anatomica descriptione. Ex quibus distincte expositis quiuis sibi notitiam huius operis formare poterit. Ex
digesta

digesta, hoc dicto modo, materia et partium nutritio, et earum particularum quae vel ad sensus, vel ad motum, vel ad generationem requiruntur, praestatur in variis corporis partibus secretio.

No. 9. *de arte morbos ex signis externis tantum, praecipue urina, diiudicandi.* Acriter inuehitur in medicastros, qui lucro commoti omnem morbi decursum ex vrosopia determinare audent, et in eos quoque aegros, qui tale quid a medico poscunt, aut expectant. Monstrat posse quidem medicum interdum et signa prognostica et diagnostica ex lotio aliisque externis signis, pulsu v. c. sudore, linguae habitu cet. petere, nec tamen ea omnia sufficere, recte monet, ad morbi veram ideam formandam, et tunc demum indicium ex iis desumi posse, si ex aliis signis ex corporis actionibus impeditis iam de causa morbi rite instructus fuerit medicus. Hanc quoque ob rationem addit catalogum quaestionum earum, ad quas attendere cuius aeger debeat, si absenti medico suae aegritudinis ideam efficere cupit.

No. 23. *Historia corticis Peruviani.* Praestantissimi huius corticis effectus, cum periculosissimis duobus morbi generibus, putredini nempe ac gangraenae is medeatur, summi omnino momenti videtur.

Ex Cl. CONDAMINE descriptione optimus cortex in monte *Cajanuma* prope *Loxam* colligitur. Adulteratur *Chacarillae* et *Alizier* cortice, quos exercitatus tamen oculus probe distinguit. In Peruanis regionibus non *Quinquina* sed *Cortega de Loxa* vel *Cascarilla* dici solet, miratur hinc Noster, quid sit, quod in nostris aliisque prouinciis hoc nomine insigniatur. Contra febres intermittentes in usum vocare primo consueuerunt medici, cum tamen ex peruerso eius usu multa oriri viderent incommoda,
reiicere

reiicere eum, imo pro veneno habere inceperunt ii, qui de effectibus tantum, non vero de eorum causis solliciti erant. Disquirat ideo Noster, quae sint mali euentus huius causae, et tandem recenset alios morbos, quibus tuto satis ac cito cortex hic saluberrimus medeatur eumque pro vero contra gangraenam specifico meritis laudibus extollit.

Part. II. no. 41. *de opio* differit. Succus hic ex papaueris capitibus elicitus, a veteribus *meconium* dictus, varias sui differentias offert. Album opium, *Mesri* quod appellatur, optimum est, et ex *Cairo* apportatur; nigrum et duriusculum ex *Aden*, et flauum, quod molliusculum, ex *Cambaia* et *Decan* venit. Dosis a consuetudine determinatur. Adfert noster Turcae cuiusdam exemplum, qui quotidie 3 drachmas et ultra deuorabat. Effectus nociuos longo catalogo recenset, quanquam et fatetur, mira posse eius vsu effici a rationali medico, qui rite et iusto tempore illud adhibere noscat. Licet vero opium in intestinorum canali fortius agat, mitissimos tamen tantummodo producit effectus sanguini animalis cuiusdam infusum. Vulneribus autem inspersum melancoliam et miras conuulsiones excitat. Omnes vero effectus et nociuos et salutares sola experientia nos docet. Hinc prodesse monet Auctor opium si rite adhibetur in neplritide, in parturientium doloribus et mitigandis et prouocandis, in infantum dispositione rhachitica; nocere vero in hecticis, quamuis hi post eius vsum mire delectentur, in vulnerum suppuratione cet.

No. 46. *de torpedine* eiusque miris effectibus in concutiendis corporis partibus agitur in literis adiectis, veroque simile ipsi videtur et experientia monstratum, eosdem posse expectari ab hac concussione in paralyticis membris vsus, quos dicitur praestare vis electrica in corporibus mota.

Noua physico - medica.

Nomina Doctorum Regentium Facultatis Medicæ Parisiensis *.

IACOBVS BENIGNVS WINSLOW, Antiquior Scholæ Magister, Cenfor Regius, Regiæ Scientiarum Academiæ, Regiæque Societ. Berolinensis Socius, Teutonicæ Linguae Regius Interpres, in Horto Regio Anatomes et Chirurgiæ Professor Antiquus.

M. CA-

* Reddimus hic catalogum Doctorum Facultatis Medicæ Parisiensis, non mutatum, qualem Parisiis præcedenti anno 1759 ab amico, fide digno, accepimus et licet ex his nonnulli ex eo tempore e vita discesserint, vt Cl. WINSLOW, illum tamen integrum tradere consultius duximus, quam nostra emendatione errores committere. Nec ingratum lectoribus nostris fore, nobis persuadere videmur, si paucula illa, quæ de hoc ordine academico edocti fuimus, cum iis communicauerimus.

Praeest huic societati medicorum academicae Decanus, (*Doyen en Charge*) cuius vero munus, cum non perpetuum sit, ex ordinis huius legibus post anni decursum in alium transit; plerumque tamen duo consumuntur anni, priusquam noua instituitur electio, quæ primo die Saturni post festum, in memoriam omnium sanctorum celebratum, fieri solet. Auctoritas vero huius muneris non solum intra hanc societatem recluditur, sed quoque latius patet, locum etenim Decanus etiam occupat in iudicio Rectoris Academiæ. Munere functi vocantur *Decani antiqui*. Eodem die, quo hic Decanus eligitur, Professores quoque constituuntur, quibus per hunc annum artem medicam docendi demandatur officium. Horum sunt sex, physiologiae scilicet, pathologiae, pharmaciae et botanices. Cum vero chirurgia non solum artis medicæ studiosis, sed etiam

iis,

M. CAMILLVS FALCONET, Salubris Consilii
Regii Socius, e Regia Inscriptionum et Numis-
matum Academia.

M. FRANCISCVS POUSSE, Eques.

M. PETRVS ANTONIVS LEPY.

M. CLAVDIVS ANTONIVS RENARD.

M. MICHAEL LVDOVICVS VERNAGE, Eques
et Regius Cenfor.

M. LVDOVICVS CLAVDIVS BOURDELIN, Anti-
quus Facultatis Decanus, Regiae Scientiarum
Academiae Socius, Regiaeque Societatis Beroli-
nensis, et in Horto Regio Chymiae Professor.

M. EMA-

iis, qui vnice chirurgiae sunt dediti, tradatur, hi
vero linguae latinae vtplurimum rudes esse soleant,
duo constituuntur Professores, quorum alter chirur-
giam lingua latina, alter gallica in commodum chirur-
gorum doceat. Inter plurima, quae hic ordo acade-
micus exequitur officia, hoc admodum salubre vide-
tur et potissimum in salutem pauperum cedit, quod
qualibet hebdomade, die quippe Saturni, Decanus, qui
tunc temporis ordini praest, et sex Doctores, se-
cundum ordinem inscriptionis electi, in auditorio
scholae superioris conueniant eo consilio, vt paupe-
ribus contra morbos, quibuscum vel ipsi, vel alii
conflictantur, salutaria gratis exhibeant consilia.
Praeterea hoc quoque consuetudinis est, vt De anus
modo dictus et duodecim membra huius societatis
conuentum habeant, in quo morbi epidemici, si qui
forte praesenti vel praeterito mense saeuirent, et
inprimis maligni referuntur, expensaue illorum
indole et collectis consiliis methodi stabiliuntur,
quibus hi morbi sint oppugnandi. Huic conuentui
dies Saturni is, qui primus est singulorum mensium,
constitutus est.

Ab eo, qui ad hunc ordinem academicum adspi-
rare vult, plura postulantur, quae praestare debet,
vt constet, illum tanto esse non indignum honore.
Ante omnia requiritur, vt sit vel artium liberalium
Magister et demonstret, se quadriennium in arte
medica

M. EMANVEL MAVRITIVS DU VERNEY.

M. GVILIELMVS DE MAGNY.

M. DAVID. VASSE.

M. NICOLAVS LE ROY DE SAINT AIGNAN,
Eques.

M. LVDOVICVS HIERONYMVS COSNIER.

M. IOAN-

medica addiscenda in hac Parisina Academia consum-
fisse, vel sit Doctor exterae alicuius Academiae. De-
inde se primo submittat examini, quod integram
hebdomadem perdurat, in qua in eius scientiam, in
physiologia, hygiene et pathologia acquisitam, in-
quiritur, viresque eius tentantur in explicandis aphoris-
mis HIPPOCRATIS. Hoc facto, nondum ipsi licet
vlterius progredi, sed duos annos expectare iubetur,
intra quos quatuor theses medicae, quae cum quae-
stionum forma proponantur, *Quaestiones* vocantur,
palam in cathedra ipsi sunt defendendae. Tres desu-
muntur ex physiologia, pathologia et chirurgia et bar-
baro nomine dicuntur *Quaestiones Quodlibetariis
Disputationibus discutiendae*; vna vero, ex hygiene
depromta, *Quaestio Cardinalitiis Disputationibus dis-
cutienda* nuncupatur. Quatuor praeterea sunt sube-
unda examina, quorum quodlibet iterum integram
durat hebdomadem. In primo examinatores expi-
cari solent, quantum profecerit candidatus in historia ma-
teriae medicae. Secundum anatomiae et tertium
chirurgiae est destinatum. In vtroque vero non so-
lum historica scientia, sed et dexteritas quaedam
postulatur ex vtriusque doctrinae legibus et apte
cadauera dissecandi et operationes chirurgicas insti-
tuendi. Quo itaque hanc ostendere possit candidatus,
cadauer ipsi proponitur, quod non solum manu sua
artificiose dissecare, sed etiam in illo operationes
chirurgicas perficere debet. Quartum tandem exa-
men instituitur in medicinam clinicam. Quibus
omnibus praestitis denique a membro quodam facul-
tatis Doctor creatur, pileo, honoris istius documento,
capiti imposito formulaque Benedictionis ex ritu
ecclesiastico a Cancellario Nostrae Virginis super eo
recitata.

M. GVILIELMVS IOSEPHVS DE L'EPINE, Antiquus Facultatis Decanus, Rei Herbariae pro temp. Professor.

M. IOANNES BAPTISTA DU BOIS, Professor Regius emeritus.

M. FRANCISCVS MERY.

M. IOANNES ASTRUC, Salubris Consilii Regii Socius, Regis Poloniae AVGVSTI II. et Electoris Saxoniae, dum viueret, Medicus Primarius, Professor Regius.

M. BERNARDVS DE IUSSIEU, Regiae Scientiarum Academiae, Regiaeque Societatis Londinensis Socius et in Horto Regio Botanices Prodemonstrator.

M. IOANNES BAPTISTA BOYER, Facultatis Decanus, Eques Ordinis Regii S. Michaelis, Regis Consiliarius Medicus in supremo Senatu ac in Generali Praefectura Parisiensi, Militarium Regni Nosocomiorum Inspector, Regius Librorum Cenfor et Societatis Regiae Londinensis Socius.

M. PAVLVS IACOBVS MALOUIN, Reginae Medicus Ordinarius, Regiae Scientiarum Academiae, Regiaeque Societatis Londinensis Socius, Regius Librorum Chymicorum Cenfor.

M. ANTONIVS NICOLAVS GUENAVLT.

M. LVDOVICVS PETRVS LE HOC.

M. RAYMVNDVS DELA RIVIERE.

M. ANTONIVS CASAMAIOR, Cenfor Regius.

M. LVDOVICVS MARIA POUSSE, Eques, Cenfor Regius.

M. HYACINTHVSTHEODORVS BARON, Pharmaciae pro tempore Professor, antiquus Facultatis Decanus, nec non Castrorum Regis ac Exercituum in Germania et Italia Proto-Medicus.

M. IOANNES BAPTISTA LVDOVICVS CHOMEL, Facultatis Exdecanus et Academiae Cenfor, Medicus Regis Ordinarius.

- M. ACHILLES FRANCISCUS FONTAINE.
M. IOSEPHVS DE IUSSIEU, Regiae Scientiarum
Academiae Socius.
M. IOANNES DE DIEST.
M. FRANCISCUS FELICITAS COCHU.
M. CLAVDIUS CAROLVS DEIEAN.
M. IACOBVS ALBERTVS HAZON.
M. GASPARDVS COCHON DU PUY, Eques, Re-
gis Confiliarius et in arce maritima Rupifortensi
Anatomes ac Chirurgiae Professor Regius.
M. TVSSANVS GILBERTVS BOULLAND, Con-
filiarius et Medicus Regis Ordinarius in eius Ca-
stelletto.
M. CAROLVS PAYEN.
M. BARTHOLOMAEVS MURRY.
M. ANTONIVS FERREIN, Professor Regius, Re-
giae Scientiarum Academiae Socius, in Horto Re-
gio Anatomes et Chirurgiae Professor.
M. MICHAEL IOSEPHVS MAIAULT.
M. MICHAEL PHILIPPVS BOUVART, Regiae
Scientiarum Academiae Socius.
M. IOANNES IACOBVS BELLETESTE.
M. LAVRENTIVS FERRET, Ecclesiae Camera-
censis Canonicus.
M. GUIDO ANDREAS GARNIER, non Regens.
M. GEDEON DE RABOURS.
M. CAROLVS DIONIS.
M. IOSEPHVS EXUPERIVS BERTIN, Supremi
Valachiae et Moldaviae Principis Medicus olim
Ordinarius et Regiae Scientiarum Academiae
Socius.
M. LVDOVICVS GVILLELMVS LE MONNIER,
Confiliarius Medicus Regis Ordinarius, Regique
Nosocomii S. Germani in Laya, Regiarum Pari-
sienfis, Londinensis ac Berolinensis Academiarum
Socius, in Horto Regio Botanices Professor ac
Demonstrator.

M. LVDO-

- M. LVDOVICVS ALEXANDER VIEILLARD.
M. LEANDER PEAGET, Chirurgiae pro tempore
Professsor, Consiliarius et Medicus Regis Ordina-
rius in eius Castelleto.
M. BENIAMIN LVDOVICVS LVCAS DE LAUREMBERT.
M. ANDREAS CANTWEL, Regiae Societatis Lon-
dinenfis Socius.
M. THEODORVS BARON, Pharmaciae pro tem-
pore Professsor, Regiae Scientiarum Academiae
Socius et Cenfor Regius.
M. PETRVS BERCHER, Celsissimae Principis Par-
mae et Placentiae Ducissae Archiater.
M. IVLIANVS BUSSON.
M. IOSEPHVS MARIA FRANCISCVS DE LA SÔ-
NE, Cenfor Regius et Regiae Scientiarum Aca-
demiae Socius.
M. PETRVS IOSEPHVS MACQUER, Regiae Scien-
tiarum Academiae Socius et Cenfor Regius.
M. PETRVS LALOUETTE.
M. CAROLVS FRANCISCVS BOUTIGNY DES
PREAUX.
M. IACOBVS FRANCISCVS LE CHAT DE LA
SOURDIERE.
M. FRANCISCVS DAVID HERISSANT, Regiae
Scientiarum Academiae Parisiensis, Regiaeque
Societatis Londinenfis Socius.
M. NATALIS MARIA DE GEVIGLAND.
M. IOANNES STEPHANVS GUETTARD, Re-
giarum Academiarum Parisiensis ac Florentinae
Socius, Cenfor Regius et Musaei Historiae Natu-
ralis S. Aurelianensium Ducis Custos.
M. CAROLVS LVDOVICVS LIGER.
M. LVDOVICVS RENATVS DESBOIS.
M. IACOBVS VERDELHAN DESMOLES, S. Prin-
cipis CONDAEI Consiliarius et Medicus.
M. IOANNES LE THIEULLIER.
M. FRANCISCVS BERNARD.

M. PETRVS CHEVALIER.

M. PETRVS ARCELIN.

M. CLAVDIVS BOURDIER DE LA MOULIERE, Eques.

M. ANTONIVS LE CAMUS, Academiae Regiae Rup-
pellenfis et Societatis Litterariae Catalaunenfis.

M. PETRVS POISSONNIER, Profeflor et Cenfor
Regius, nec non Militarium Regis Noſocomio-
rum in Alſatia Medicus et Inſpector Primarius.

M. IOSEPHVS LALLEMANT.

M. LVDOVICVS RENATVS MARTEAU.

M. IOANNES CLAVDIVS MUNIER, Conſiliarius
Medicus Regis Ordinarius et Domus Regiae In-
uvalidorum Ducum ac Militum.

M. FRANCISCVS BIDAULT.

M. LVDOVICVS PATHIOT.

M. FLORENTIVS CAROLVS BELLOT, Profeflor
Regius.

M. PASCASIVS BORIE.

M. STEPHANVS POURFOUR DU PETIT.

M. ANTONIVS PETIT, Chirurgiae gallico idiomate
in gratiam chirurgorum pro tempore Profeflor.

M. LVDOVICVS GABRIEL DUPRE.

M. BARTHOLOMAEVUS TVSSANVS LE CLERC.

M. DIONYSIVS CLAVDIVS DOULCET, Publi-
cae Facultatis Bibliothecae Praefectus.

M. IOANNES FRANCISCVS PARIS.

M. NATALIS ANDREAS IOANNES BAPTISTA
CHESNEAU.

M. DIONYSIVS PAUTIER DE LA BREVILLE.

M. STEPHANVS LVDOVICVS GEOFFROY, Scho-
larum pro tempore Profeflor.

M. BERNARDVS NICOLAVS BERTRAND.

M. ANNA CAROLVS LORRY.

M. CAROLVS FRANCISCVS THERUOLDE DE
VALLUN, Eques.

M. IOANNES IACOBVS MESSENCE.

M. IACOBVS BARBEV DU BOURG, Regiae Scien-
tiarum Academiae Stockholmienfis Socius.

M. PE-

- M. PETRVS AVGVSTVS ADET.
M. HVGO CADET.
M. FRANCISCVS DE PAVLA COMBALUSIER.
M. LVDOVICVS IOANNES BAPTISTA COS-
NIER, Scholarum pro tempore Profeflor.
M. CAROLVS AVGVSTINVS VANDERMONDE.
M. ANNA CLAVDIVS DORIGNY.
M. FRANCISCVS THIERY.
M. IOANNES MAC - MAHON, Antiquus Milita-
rium Regis Nosocomiorum Medicus, Regiae
Scholae Militaris Medicus Ordinarius.
M. AMBROSIVS HOSTY.
M. LVDOVICVS ALEXANDER GERVAISE.
M. MARTINVS NOUGUEZ.
M. IOANNES FRANCISCVS CLEMENS MO-
RAND, Eques, Regiae Societatis Lugduni Socius,
Regii Medicorum Nanceianorum Collegii Socius
Honorarius.
M. CLAVDIVS FRANCISCVS GRANCLAS, Eques,
STANISLAI, Poloniarum Regis, Lotharingiae et
Barri Ducis Confiliarius et Medicus, nec non Ana-
tomes et Artis Obstetriciae in gratiam Matrona-
rum pro tempore Profeflor.
M. IACOBVS LVDOVICVS ALLEAUME, Milita-
rium Nosocomiorum ad Regis Exercitum Me-
dicus.
M. ANTONIVS GARNIER, non Regens.
M. CAROLVS GEILLE DE SAINT LEGER.
M. ALEXANDER DIONYSIVS DIENERT.
M. PETRVS LVDOVICVS MARIA MALOET.
M. LVDOVICVS PETRVS FELIX RENATVS LE
THIEULLIER, Regis Confiliarius et in maiori
Confilio, nec non in magna Regiae Familiae et
Franciae Praefectura Medicus Ordinarius.
M. LVDOVICVS ANNA LAVIROTTE, Cenfor
Regius.
M. CAROLVS GILLOT.

- M. IOANNES BAPTISTA THURANT.
M. EDMUNDVS THOMAS MOREAU.
M. CLAVDIVS IOSEPHVS GENTIL, Militarium
Nosocomiorum ad Regis Exercitum Medicus.
M. IACOBVS FRANCISCVS LATIER.
M. IOANNES BAPTISTA BARJOLLE, non Re-
gens.
M. SIMON ANTONIVS BRINGAUD.
M. IOANNES BAPTISTA BASSEVILLE.
M. IACOBVS GOURLEZ DE LA MOTTE.
M. CLAVD. THOM. GVILIELM. GUILBERT DE
PREVAL.
M. PETRVS ABRAHAMVS PAION DE MON-
CETS, Eques.
M. THEOPHILVS DE BORDEU, Eques, Nosoco-
mii Regii et Militaris Baregiensis Medicus de-
signatus.
M. HENRICVS IACOBVS MACQVART.
M. IOANNES NICOLAVS MILLIN DE LA
COURVEAVLT.
M. IOANNES BAPTISTA HATTE.
M. HENRICVS MICHAEL MISSA, Militarium
Nosocomiorum ad Regis Exercitum Medicus.
M. IOANNES LVDOVICVS MARIA SOLIER.
M. PETRVS IOSEPHVS MORISOT DESLAN-
DES.
M. CLERIADV S VACHIER.
M. GVIDO DAN. DESPATVREAVX.
M. IOANNES BAPTISTA FRANCISCVS DE LA
RIVIERE.
M. LVDOVICVS MARIA GIRARD DE VIL-
LARS.
M. IACOB SAVARY.
M. IOANNES DESCOMET.
M. GVILIELMV S BERTHOLD.
M. MAXIMILIANVS IOSEPHVS LEYS.
M. GVILIELMV S FVMEE.

M. MARIN

M. MARIN IACOB CLARVS ROBERT.

M. FRANCISCVS LVDOVICVS THOMAS D'ONGLEE.

M. NATALIS NICOLAVS MALLET.

M. IOANNES ST. JOIRE.

Imperialis Scientiarum Academia *Petropolitana*, in solemni, nuper die septembris sexto styli veteris 1760 habito, conuentu, de commentariorum dignitate super quaestionibus ad annos 1757, 1758, 1759 et 1760, ab ipsa propositis *, iudicium suum tulit praemiaque decreuit dignioribus visis. Illud *de motibus diurnis planetarum circum axes proprios* reportauit Vir. Cl. IOANNES ALBERTVS EVLER, Academicus Berolinensis; alterum vero *de magnetibus artificialibus* Vir quidam doctus Lutetiae Parisiorum degens, qui in adiecta scheda nomen suum munusque, quo fungitur, ita expressit: *L' Auteur de ce Memoire est ANTHEAULME Syndic des tontines à Paris.* Tertium *de sexu plantarum* praemium adiudicatum fuit. Illustri illi botanico atque medico, GAROLO LINNAEO; quartum vero *de indaganda refractione radiorum lucis in diuersis corporibus*, ad aliud tempus differri debuit, quum vnicam tantum de hoc argumento dissertationem acceperit academia neque noua aliqua experimenta continentem.

Insuper in eodem conuentu duas alias quaestiones eruditorum studio obtulit *eadem Ill. Academia*, quarum prima ad annum 1760 pertinet: *determinare nimirum theoriā perturbationum, quas patiuntur cometae in motu suo ab attractione planetarum, et demonstrare, quantum haec theoria cum obseruationibus cometae anni 1759 conueniat?*

L 4

Alterius

* vid. Comment. nostr. Vol. VII. P. I. p. 184.

Alterius nouae quaestionis praemium in annum 1762 proponitur. Hisce eam verbis ab Ill. Academia expressam legimus: *Inuestigare, quantum imperfectiones tuborum optidorum et microscopiorum, ex diuersa refrangibilitate radiorum ac figura vitrorum sphaerica ortae, per combinationem plurium lentium corrigi, aut imminui, queant, atque theoriam praxi aptare et per experimenta comprobare.* Ante primum diem iunii cuiusque anni tradi debent Academiae super his argumentis conscripti commentarii, quae, vti huc vsque solita fuit, sub conditionibus satis notis optimae cuiusque quaestionis solutioni praemium centum aureorum statuet.

Alia porro *Petropoli* ad nos relata habemus noua literaria, ad nostrum institutum pertinentia ideoque cum lectoribus nostris communicanda:

Inter amoena loca, in quae aestatis tempore secedere solet Imperialis Aula Russica, quam maxime referri debet magnificum illud palatium, a *PETRO MAGNO* exstructum ideoque nomen suum, *Peterhof*, ab illo adeptum. In illo aulam secutus, nuper, die augusti trigesimo, vel si ad nostros fastos numeres, septembris decimo huius anni 1760, subitanea morte ex hac vita discessit Vir, dum viueret, Illustrissimus, *ПАНАЮТА* (Russis *Pawel*, Latinis *Paullus*, dici solitus) *CONDOLDI*, Corcyraeus, Medicinae Doctor, Augustae Russiarum Imperatricis et Autocratoris Consiliarius Intimus, Personae Augustissimae Medicus Primarius et Rei Medicae per totam Russiam Supremus Director, siue Archiater*,
aetatem

* Archiatri, quem alii quoque archiattrorum Comitum appellant, nomine in Russia non is insignitur, qui principi est a sanitatis consiliis, sed qui rei medicae per vniuersum regnum curam habet ideoque sic dictae Cancellariae medicae praest, honoris dignitate admodum insigni

aetatem quinquaginta trium annorum consecutus. Anno huius seculi vicesimo quinto ad suum patrum, ATHANASIVM, qui tum temporis *Archimandritae* sic dicti munere fungebatur, Vologdae deinde Archiepiscopi dignitate exornatus, moriebatur, *Noster* se conferebat Petropolin. Recens tum ibi constitutae scientiarum academiae a patruo commendatus, literarum studio nauabat operam per integrum biennium. Lugdunum Batauorum deinde petebat, vt HERMANNO BOERHAAVIO in scientia medica vteretur praeceptore. Quo studiorum cursu ibi finito, eruditionis augendae gratia anno seculi tricesimo primo iter faciebat per Galliam atque Angliam, tumque in Academiam Lugduno-Batauam reuersus, Doctoris Medici honoribus ab eadem exornabatur. Posthaec anno tricesimo tertio se recipiebat Petropolin pauloque post castrensis medici obtinebat prouinciam. Quum LESTOCK'IVS adhuc ad rerum medicarum gubernacula federet, ab ipso *Noster* in *Cancellariam medicam* per aliquod tempus introductus, in negotiis curandis ipsum adiuuabat *. Post illum hoc munere fungebatur etiam nunc laudatus HERMANNVS KAAV BOERHAAVE; quo autem anno seculi quinquagesimo tertio vita defuncto, cuncta ab hoc gesta munera anno sequenti

L 5 defere-

insigni cohonestatus. Qua de re, si velis, legere poteris relationem a IO. BERN. DE FISCHER traditam in Actis Acad. Nat. Cur. Vol. IX. anni 1752. pag. 340.

* Archiater ea quoque gaudet potestate, vt, si velit, vnum alterumque medicorum sibi eligat laborum in *Cancellaria medica* obuiorum socium, qui vel cum ipso praesente, vel absente etiam, eius tamen iussu, curet negotia: qua tamen re nullam prae aliis medicis consequitur is praerogatiuam. Praeter alia ad hoc munus necessaria merita, Russicam quoque linguam perfecte callere, vel per plures iam annos artem medicam in Russia exercuisse cum oportet, quo medicorum statuta cognita habeat.

deferrebantur in *Nostrum*, ita ut ipsius *Augustae* personae medicus, archiater atque consiliarius intimus crearetur. Ex quo tempore officiis suis sedulo et cum fide atque dexteritate satis faciens, morumque suauitate excellens, multum valebat gratia apud Aug. Imperatricem, auctoritate apud eos, qui ipsum venerabantur sibi praepositum, amore tandem honorisque cultu apud reliquos, quibuscum vel contraxerat amicitiam, vel qui saltem eius merita cognoscendi habuerant opportunitatem.

In h. CONDOIDI locum ab Augustissima Imperatrice, qui ipsi sint a sanitatis tuendae consiliis, electi sunt Viri Illustres, MOUNSEY, Scotus, et SCHILLING, Medicinae Doctores, Consilarii huc usque Aulici, nunc vero actualium, qui dici solent, Consiliariorum Status honoribus ac dignitate exornati. Ille Moscu, ubi apud exercitum constitutus medicus olim iam meruit, honorifice euocatus fuit Petropolin; hic vero medicus ex aliquo tempore fuit cohortis generosorum puerorum, qui artes bellicas terrestres edocentur Petropoli. Cui vero praeter hos delatum fuerit archiatri munus, nobis nondum constat. Tertium autem, quem huc usque habuit, medicorum locum et nunc obtinuit Ill. DAVIDES DE GORTER.

CAROLVS porro FRIDERICVS KRVSE, M. D. legionum praetorianarum haecenus medicus, hoc munere satis insigni admodumque fructuoso iam ex aliquo tempore se abdicauit, in gratiae tamen retentae documentum Consilarii Collegiorum dignitatem adeptus. Ex illo otio, quod Vir hic doctissimus quaerit, eximia expectare poterit orbis literarius. Ante plures enim iam annos HERMANNI KAAV BOERHAVII filiam is duxit in matrimonium, hacque ratione, optimo illo Viro ipsiusque fratre, ABRAHAMO, utroque ante aliquot annos

annos mortuo, cuncta ab auunculo, magno illo HERMANNO BOERHAAVIO relictā, opera manu scripta accepit. Inaestimabilem hunc thesaurum, quem imprimis chemica, practica multa, consultationes potissimum medicas doctumque literarum commercium continere legimus, iam olim se editurum esse promisit b. ABRAHAMVS KAAV BOERHAAVE, eoque mortuo Noster Ill. KRVSE *. Ne vero diutius viri docti expectent hoc opus *Boerhaavianum* posthumum, ab aliis laboribus liberum se esse voluit Cl. KRVSE, vt tempus sibi superesset, quod in colligenda illa scripta eaque in ordinem redigenda impendere posset; quam ob causam optimo Viro praeter otium, quod nactus fuit, vitam sanitatemque ex animo aprecamur.

In locum igitur, legionum praetorianarum medici, quo abiit Ill. KRVSE, surrogatus statim fuit Ill. IOANNES ANDREAS VNGEBAVER, M. D. Consiliarius Aulicus, maximi nosocomii terrestris dicti, atque ex anno 1756 supremus copiarum Russicarum medicus.

Illae tandem summi copiarum medici partes, quas haecenus expleuerat Ill. VNGEBAVER, datae nunc sunt Cl. Viro, IOANNI CHRISTOPHORO KUHLEMANNO, Medicinae Doctore, doctissimis suis *observationibus circa negotium generationis in ouibus* factis claro, Gottingae anno seculi quinquagesimo tertio sub dissertationis forma pro capeffendis Doctoris Medici honoribus editis ac publice defensis.

Regia Chirurgiae Academia *Parisiensis* nouam proposuit nuper quaestionem, cuius solutiones a

Viris

Scient. Imperi

* vid. Nou. Commentar. Acad. al. Petro-
polit. Tom. IV. ad annum MDCCLII et MDCCLIII.
Petropli 1758 pag. 382 et in Summario p. 43.

Viris doctis factas subsecuturo anno 1762 publico post festum paschatos dictum habendo conuentu diiudicabit, optimae consuetum praemium adsignatura: *Modum scilicet, determinare, quo aperiri abscessus et ex artis legibus, pro diuersis, quas occupant, corporis partibus curari debeant?* Commentarii ideo conscribendi ante finem anni 1761 Academiae tradendi sunt, iisdem, quae huc vsque obtinuerunt, conditionibus obseruatis.

De quaestionibus ab Academia *Burdigalensi* ad annos 1761 et 1762, praemio promisso propositis, supra quidem retulimus *: nunc tamen nouam aliquam, praeter illam *de vi electrica, corpori humano utili, an nociua?* ad annum quoque 1762 referendam, ab illa deprehendimus oblatam: *Quaenam vera nimirum sint fundamenta, quibus ars surculos inserendi innitatur? et quaenam inde elici queant adminicula artem illam et felicem et perfectam reddendi?* Ante primum maii diem eiusdem anni Academiae tradi debent commentarii, consuetis legibus saepius a nobis iam commemoratis, et nunc quoque obseruandis.

Regia Scientiarum et Elegantiorum Literarum Academia *Berolinensis* in numerum Extraneorum Membrorum sibi nuper adsciuit socios sequentes Viros Clarissimos: Cassellis, IOANNEM IACOBVM HUBER, Ph. et Med. D. Anat. et Chirurg. Profess. et Ser. Landgrauii Hassiae Consiliarium Aulicum atque Archiatrum; Bononiae FRANCISCVM ZANOTTI, Academiae siue Instituti, quod dicitur, Litterarii Secretarium, EVSTACHIUM ZANOTTI, Astronomiae, atque CALDARI, Anatomiae Professore; Hagae Comitum, celebrem illum historiae naturalis cultorem, LYONET, caussarum patronum; Lutetiae Parisiorum, dexterrimum chymicum

DE

* vid. Comment. nostr. Vol. VII. P. II. p. 363. et Vol. VIII. P. II. p. 352.

DE MACHY; Ponte Arolae tandem in Heluetia.
IOANNEM GEORGIVM ZIMMERMANN, Med.
Doct. inque modo dicta vrbe medicum publica aucto-
ritate constitutum siue sic dictum physicum.

Augustae Taurinorum a Pot. Sardiniae Rege Vir
Cl. nobisque amicissimus, CAROLVS ALLIONE,
Ph. et Med. D. nonnullarum Academiarum Socius,
nuperrime tantum a nobis laudatus *, praegresso
mense maio 1760 nominatus fuit, qui horti publici
curam susciperet et Botanices Professoris munere
fungeretur.

Tertium Professorum Medicinae locum, qui in
Academia Helmstadiensis adhuc vacuus erat, nunc
obtinet Vir Cl. IOANNES TRAVGOTT ADOLPH,
Med. et Chirurg. Doct. Anatomiae nunc et Chirur-
giae Professor Ordinarius, programme ad indican-
das lectiones suas edito *de capsâ Petitiona pluribus
cruris complicate fracti casibus aptanda*, icone satis
eleganti addita, quae formam eius atque vsum
illustrat.

Vindobonae Ill. ANTONIVS DE HAEN, Med.
D. Confiliarius Aulicus ac Medicinae Practicae in
Vniuersitate Vindobonensi Professor Primarius,
cuius merita depraedicandi paulo antea habuimus
occasionem ** ab Augustissimo Imperatore nostro
in numerum Caesareorum Archiatrorum relatus
fuit, hac in primis muneris parte ipsi data, vt Se-
renissimae Coniugis Archiducis IOSEPHI sanitatis
curam habeat.

Berolini

* vid. Comment. nostr. Vol. VIII. P. VI. p. 600.

** vid. in hac ipsa Parte p. 84.

Berolini vivere nuper desit par medicorum,
senio quidem confectorum, at meritis illustrium,
IOANNES nimirum THEODOR ELLER, Med. Γ.
Potent. Borussorum Regis Consiliarius Intimus et
Archiatr primus, Vir multis muneribus prae-
fectus *, qui nuper die decimo quarto septembris
anni 1760 obiit aetatis anno septuagesimo primo.
Alter vero paulo post, die vicesimo quarto nouem-
bris, aetatis anno octogesimo sexto vita defunctus
fuit CHRISTIANVS SIGISMVNDVS ZEIDLER,
Consiliarius et Medicus Aulicus, Supremi Collegii
Medici Berolinensis Membrum Ordinarium.

* vid. Comment. nostr. Vol. III. P. II. p. 346 et 348.



Memoria IOANNIS FRIDERICI SCHREIBER, Medicinae Doctoris, Augustissimae Russorum Imperatricis Consilarii Aulici, Anatomiae et Chirurgiae apud Imperialia nosocomia constituti Professoris, Imperialium Academicarum et Petropolitanae Scientiarum Membri Honorarii et Germanicae Naturae Curiosorum Socii.

Qui in Russici imperii prouinciis salutaris artis incremento quam maxime inferuire studuit, IOANNES FRIDERICVS SCHREIBER, Vir de re medica insigniter meritus, is nostrae etiam vniuersitati decori olim fuit atque vtilitati: qua de causa duplicem existimamus esse rationem, cur memoriam eius posteris commendemus. Natus ille erat anno huius seculi quinto, die mensis maii vicesimo sexto, Regiomonti, quae vrbs Borussiae regni caput, iam ferax huc vsque fuit felicitum ingeniorum mater. Patre utebatur MICHAELE SCHREIBERO, S.S. Theologiae Doctore eiusque in Regiomontana Academia Professore Publico, consilii sacri Senatore, in ecclesia cathedrali dicta sacrorum oratore, et librorum suppellectili *Wallenrodianae* praeposito; matre vero AGNESTA, ex gente *Baueria* orta. Quum parentes ipsius ex illis essent, qui maximas filii colligendas postque mortem relinquendas diuitias illas esse recte iudicabant, quibus ipsorum animus rite formaretur, diuinarum humanarumque rerum cognitione acueretur, veraeque honestatis religionisque sanctitatis amor atque studium excitaretur in iisdem, *Nostro* quoque tam felici esse contingebat, vt a prima iam inde aetate, qua mens demum humana vires suas exferere solet, in sacrorum vero cultu omniumque scientiarum elementis a priuatis, quibus

quibus tradebatur, praeceptoribus solertissime erudiretur. Vitae quidem studiorumque moderatorem, optimum patrem, praematura morte amittebat, duodecim tantum annorum aetatem adeptus: attamen iam tum temporis adeo felices in literis fecerat progressus, ut in publicum introduci posset gymnasium. In illo igitur, per quatuor annos singulari industria in literas, quarum scientiam debebat consequi, incumberebat ideoque iuuenis sedecim modo annorum dignus iudicabatur, qui altioris indaginis doctrinas posset percipere. In numerum itaque patriae academiae civium anno huius seculi vicesimo primo relatus, praeclaram, quam huc usque iam prae se tulerat, indolem magis magisque nunc publice demonstrandi nanciscebatur occasionem. Praeter varias enim linguas, quibus addiscendis multum iam temporis tradere debet scientiarum cupidus, animum ab initio impellebat in philosophiam, in primis tamen mathesin, in cuius quippe culturam insigni ferebatur instinctu. Post hanc vero principem studii sui laborumque finem volebat esse artem medicam. Quidquid igitur ad hanc percipiendam inuenire poterat in Academia Regiomontana, illud quoque sedulo conquirebat sibi faciebat cognitum. Illud autem omne, quum voluntati suae non satis faceret, apud externos augere suaeque cognitionis ambitum amplificare constituebat. Anno igitur seculi vicesimo sexto iter suscipiebat Francofurtum ad Viadrum situm, pauloque post illud dirigebat Lipsiam. Lugdunum deinde Batauorum petens, illud potissimum in votis habebat, ut viri immortalis memoriae, HERMANNI BOERHAAVII, interesset lectionibus. Per biennium sequebatur hunc praeceptorem summa cura atque diligentia vixque totus ab eius ore pendebat. Interim tamen reliquos in illa celebri academia doctores

doctores medicos haud negligebat; quin potius quavis data occasione secedebat Amstelodamum, ut cadauera secanti RYVSCHIO a latere esse et anatomicum magis magisque posset colere. Anno deinde seculi vicesimo octauo ab academia Lugdunensi, cui huc usque interfuerat, Doctor medicus creabatur, postquam inauguralem a se conscriptam dissertationem *de fletu* publice defenderat. Ut nunc, quam in arte salutari consecutus erat, doctrinam in aliorum usum conuerteret ipsamque in primis mendi artem comprobaret usu atque experientia, Saardamum, quod oppidulum in Hollandia septentrionali situm est, se conferebat ibique per aliquod tempus suum aegrotantibus afferebat auxilium. Vtrumque vitae quidem genus, et academicum, et practicum, placebat *Nostro*; illud tamen apud ipsum praeualebat. Id neque mirum. Quid enim viro literarum amantissimo vereque docto, quae laus *No-*
stro sine dubio competeat, gratius, quid ipsi aliorum doctorum usu atque consuetudine acceptius esse poterit umquam? Ante tamen, quam certum sibi aliquod seligeret domicilium; Marburgum adibat, ut CHRISTIANI WOLFFII, philosophi atque mathematici iam tum temporis celeberrimi, quem modo nominasse loco laudis vel post mortem erit, iniret consilium ac de quaestionibus et philosophicis et mathematicis cum eo sermones misceret, super quibus ex aliquo iam tempore literarum cum ipso habuerat commercium. Quem igitur finem consecutus, Lipsiam accedebat nostramque vniuersitatem votis suis quam maxime iudicabat accommodatam. Quum vniuersitas nostra nomen suum prae academiis tueatur ita, ut cuilibet viro docto, vel in externa quadam academia gradum aliquem adepti, doctrinam suam publice profiteri liceat, dummodo legibus nostris satis fecerit: *Noster* etiam

his obsecuturus, *meditationes philosophico - medicas de lacrimis et fletu repetitas magisque euolutas* ex cathedra academica publice defendebat indeque et philosophicas et mathematicas, quarum erat studiosissimus, lectiones habendi potestatem sibi conciliabat. Aperiebat quoque illas scholas aequae ac medicas multo cum applausu, reliquum ab iis tempus priuato museo impendens. Nam in conscribendis non solum *actis nostris eruditorum nouisque literariis* socius laborum erat atque confors, sed alios quoque eruditos suscipiebat labores, inter quos non eius solum versionem latinam IACOBI DOUGLASSII *descriptionis comparatae musculorum corporis humani et quadrupedis* et CLOPTONII HAVERSII *nouarum quarundam obseruationum de ossibus et partibus eo pertinentibus*, sed *elementorum potius medicinae physico - mathematicorum tomum primum*, anno seculi tricesimo primo ab ipso editorum referimus. Lipsia placebat *Nostro* ita, vt absque dubio non facile discessisset, nisi post biennium cum insigni emolumentorum spe in Russiam euocatus fuisset. Eodem quidem anno, seculi nimirum tricesimo primo, vt Halam Magdeburgicam abire ibique Professoris philosophiae et medicinae Extraordinarii munus vellet suscipere, rogabatur, quod vero humanissime recusans, in Russiam secedere constituebat. Sex enim doctores medici a supremo collegio medico Petropolitano euocabantur, vt apud exercitus Russicos stipendia mererentur, medici castrenses dicti, quorum tres ab HERMANNO BOERHAAVIO, tres alii vero a Germanorum BOERHAAVIO altero, FRIDERICO nimirum HOFMANNO, commendarentur. Inter hos, quos commendabat HOFMANNS, *Noster* quoque erat, qui ea de re cum illustri hoc viro, ex auctoritate senatus Petropolitani medici

dici, seu *Cancellariae medicae* dictae, pactione facta, Lipsiam eodem anno relinquens, iter suscipiebat in Moscouiam. Moscuam, quae Russici regni caput est, peruenienti praecipiebatur, ut illum exercitum, qui sub imperio Illustrissimi Comitis DE LACY, posthaec summi copiarum Russicarum praefecti, erat, sequeretur. Quoniam vero Comes DE LACY tunc temporis praeerat Liouoniae prouinciae, Rigam quoque repetere oportebat *Nostrum*; quo in itinere Petropolin transiens, ab Imperiali Scientiarum Academia membrum ipsius eligebatur honorarium dictum, die mensis octobris quinto eiusdem anni 1731 publice ab ea receptus. Per duos annos deinde commorabatur Rigae; bello autem anno seculi tricesimo quarto, proh dolor! in Polonia coorto, castra sequebatur Dantiscum, copiisque postea Russicis in auxilium Imperatoris CAROLI sexti missis, in Germaniam reuertendi nanciscebatur opportunitatem. Quo tempore accidit, ut a Potentissimo Magnae Britanniae Rege Gottingae conderetur academia, ad quam illustriorem reddendam celeberrimi viri vndiquaque aduocabantur. SCHREIBER nostri eruditio atque merita satis iam tum erant cognita; quo fiebat, ut quidam aulae Britannicae minister, cui academiae iam dicta cura simul tradita erat, Professoris Medicinae munus in eadem ipsi offerret. Quanti autem semper is aestimauerat vitam academicam, in praesenti tamen, quum munere, quo fungebatur, se abdicare non posset, illam hac vice missam facere cogeatur. Neque tamen consilii huius ipsum poenitere postea debuit. Quum enim modo nominatum Comitem DE LACY in alio bello contra Turcas gesto comitaretur, supremi copiarum Russicarum medici munus satis insigni honore conspicuum ipsi tradebatur; bello autem finito, publicae sanitatis cura, siue sic dicti

urbis phyci prouincia, in totius Russici regni capite, Moscuæ puta, demandabatur. Ea nunc, quam saepius sibi optauerat, felicitatis parte fruebatur, vt tempus ipsi superesset, quod literarum studio posset tribuere, qua de re nonnulla illo temporis spatio, quo in illa vrbe degebat, edita ab ipso scripta non tantum testantur, sed vniuersae medicinae systema, quod meditabatur, sub *Almagesti* nomine prodire deinde coeptum, comprobatur, quippe cui exarando plures omnino annos impendendos fuisse, librum ipsum inspicienti protinus clarum erit. Quum salutarem vero scientiam artemque non calleret solum, sed eam docendi quoque felici gauderet facultate, hunc in finem anno seculi quadragesimo secundo euocabatur Petropolin, vt anatomiae et chirurgiae apud nosocomia constitueretur Professor et chirurgis tironibus vtramque medicinam traderet, quo periti artis semper adessent, qui inter copias Russicas opem afferre possent aegrotantibus. Muneri nunc huic nouo, quod prae aliis ad ipsius erat genium, eadem industria eademque fide praecebat, ac aliis, quibus antea defunctus fuerat, ideoque sanitatis senatus Petropolitani seu *Cancellariae medicae* applausum non merebatur solum, sed eius sibi potius iam acquisitam confirmabat beneuolentiam, vt maiores satisque largos pecuniae redditus saepius augendo ipsi attribueret, annoque tandem seculi quinquagesimo septimo de ipsius meritis ad summum, qui vniuerso imperio praeest, senatum Petropolitenum referret, quo in praemii documentum Consilarii aulici honoribus ipsum cohonestaret. Quum exercitus in Russia valde numerosi sint medicique igitur castrenses iis non sufficiant, chirurgis aliqua omnino et internis morbis medendi concedenda est potestas. Ne artis autem scientiaeque expertes essent atque ignari, hanc ipsos quoque

Noster

Noster docuit ideoque breuem aliquam institutio-
nem conscripsit publicique iuris ante hos quinque
annos fecit, a nobis suo tempore laudatam *. Pri-
uatum vero studium reliquumque ob officiis tem-
pus exarando, quod susceperat, systemati potissimum
medicinae impendebat, quorum laborum primum fru-
ctum anno seculi quinquagesimo septimo accepimus,
quum *Almagesti* sui primam partem ederet, cuius
rationem atque summam lectores nostri a nobis
habuerunt relata **, Vniuersae medicinae ambi-
tum ad methodum mathematicorum ideoque ea,
quae demum esse posset, diligentia traditurus, lon-
giore omnino vita frui debuisset, si vastum hoc
opus ad finem fuisset perducendum. Secundam
vero eius modo partem prorsus finitam, vt prelo
subiici queat, reliquit; reliquo labori, qui ad operis
perfectionem requiritur, vti et multis aliis ab ipsius
studio expectandis fructibus, praematura morte
ereptus. Per quinque enim iam annos asthma
laborare coeperat, cui insuper proximo ante ipsius
mortem anno superueniebat apoplexia leuior, quam
excipiebat hemiplegia, paulo tamen post sublata.
Obstructiones tamen, quae iam diu in ipsius pul-
monibus atque hepate radices egerant, remanebant,
adeo vt eas per vltimos vitae menses sequeretur
hydrops, cum tussi, febre aliisque hoc in morbo
non insuetis symptomatibus, quae omni quoque
arti omnique medicinae ita resisteabant, vt phthisi
tandem scrophulosa dicenda *Noster* extingueretur
anno 1760 die ianuarii vicesimo octauo, si ad Rus-
sici imperii fastos numeres, vel ad nostros, die
februarii octauo, desiderium sui apud proceres,
amicos, quin et vniuersum orbem literarium, con-
secutus. Posteris quidem haud reliquit, sed tantum

M 3

opti-

* vid. Comment. nostr. Vol. VI. P. III. p. 448.

** ibidem p. 483.

optimam integerrimi et amicissimi mariti obitum iure summo lugentem viduam, ELEONORAM CHARLOTTAM, vel si latinius loqui velis CAROLINAM, ex generosissima gente Silesiaca *Franckenbergia* oriunda, cuius pater, CASPAR MAGNVS DE FRANCKENBERG vigiliarum praefecti dignitate apud exercitum Russicum exornatus fuerat, quacum matrimonium sterile quidem, at iucundum, inierat *Noster* anno seculi quadragesimo die februarii decimo septimo. Illud adhuc commemorari fas erit, tribus iam ante sui obitum annis a Caesarea Naturae Curiosorum Academia *Nostrium* in ipsius sociorum numerum relatum fuisse.

Scripta a b. SCHREIBERO edita, haec sunt:

Litterae ad SAM. CHR. HOLMANNVM, Philosophiae Professoremapud Vitembergenses, scriptae, vbi obiectiones, quas viri clarissimi commentatio in harmoniae praestabilitae systema Leibnitianum exhibet, philosophice soluuntur. Amstelodami, 1727. 4.

Meditationes philosophico-medicae de fletu; pro gradu Doctoris. Lugd. Bat. 1728. 4.

Ratio praelectionum suarum. Lips. 1729. 4. (*de medicina in genere eiusque definitione agit*).

Meditationes philosophico-medicae de lacrumis et fletu repetitae magisque euolutae. Praeside I. F. SCHREIBERO, Resp. *Georg. Dan. Funcke*. Lips. 1729. 4.

Idea distincta quorundam medicinae principiorum. Exst. in *Actis Erudit.* Lips. Mens. Nouemb. 1729. pag. 500 seqq.

Frutex, ad verum genus suum relatus a I. F. S. Exst. in *Actis Erud.* Lips. Mens. April. 1730. pag. 172. seqq. (*describit plantam, quam BOER-*

HAAVIVS

HAARVIVS in indice altero plantarum horti Lugdun. Bat. pro PLUMIERII Tithymaloide frutescente foliis Nerii habuit).

Elementis medicinae physico - mathematicae praemittenda. Liber vnus. Lipsiae, 1730. 8.

Elementorum medicinae physico - mathematicorum. Tomus Imus. Praefatus est CHRISTIANVS WOLFFIVS. Francof. et Lipsiae. (Halaë) 1731. 8.

Corporis ac motus consideratio instituta coram Academia Scientiarum Petropolitana, quum Ill. Nonarum Octobris 1731 in eandem reciperetur Petropoli. 1731. 4.

Additiones necessariae ad considerationem corporis ac motus. Rigae, 1732. 4.

Historia vitae et meritorum FREDERICI RVYSCH. Amstelodami. 1732. 4.

Argumentum hypothese influxus physici recens oppositum, nunc data occasione euolutum. Vratislaviae, 1735. 4.

Inserta quoque est epistola Commercio litterario Norimbergensi. Ann. 1736. p. 81. quae de arbore Litswinitza ferri naturam induente agit.

Observationes anatomico - practicae. Exstant. in Commentariis Academ. Scient. Imperial. Petropolitanae. Tom. VII.

Observationes et cogitata de peste, quae annis 1738 et 1739 in Vkrainia grassata est. Petropoli, (1740). 4.

Eaedem recusae, quibus accessit appendix, continens observationes de eadem lue, quae iisdem annis Odzacoium vastauit. Berolin. 1744. 8.

Eaedem denuo recusae. Editio vltima Petropolitana correctâ et aucta. Petropoli, 1750. 4.

Syllabus seu Index omnium partium corporis humani figuris illustratus, in vsum chirurgiae studiosorum, qui in Nosocomiis Petropolitanis

aluntur, publica auctoritate conscriptus et vulgatus. Petropoli, 1744. 4.

Epistola ad veterem amicum ALBERTVM HALLER de medicamento, a IOANNA STEPHENS contra calculum renum et vesicae diuulgato, et inefficaci et noxio. Gottingae, 1744. 4.

Observationes anatomico - practicae. Exstant in Nouis Comment. Acad. Scient. Imperial. Petropolitanae. Tom. III.

Kurze doch zulängliche Anweisung zur Erkenntniß und Cur der vornehmsten Krankheiten des menschlichen Leibes, doch vornehmlich in Absicht auf erwachsene Mannspersonen, wie solche in den großen Hospitälern zu St. Petersburg alle Jahr seit 1742 bis hieher ist vorgetragen und erkläret worden. Leipzig, 1756. 8.

Almagestum medicum. Introductio et Physiologiae medicae Pars I. Lipsiae et Viennae Austr. 1754. 4.

Huius libri Tomus II. iam absolutus inter Msspta b. SCHREIBERI repertus fuit, ut prelo submitti possit.

Ex anglico in latinam transtulit linguam

IACOBI DOUGLASSII descriptionem comparatam muscutorum corporis humani et quadrupedis, eorum inuentores, ortus, progressus, infertiones, actiones ac differentias exhibentem. Cui adcesserunt historia muscutorum feminae singulare; tabula explicans muscutorum nomina, plurimique necessarii indices Lugd. Batau. 1729. 8. (*Praemisit etiam huic libro praefationem*).

CLOPTON HAVERS observationes de ossibus et partibus eo pertinentibus, ubi et ratio, qua crescunt et nutriuntur, exponitur. Versio noua, cui accedit I. C. HEYNE tract. chirurg. med. de praecipuis ossium morbis. Amstelod. 1731. 8. c f.

XIX.

Supplementum alterum indicis scriptorum
physico - medicorum, quae anno 1757
prodierunt.

Observations periodiques sur la Physique, l'Histoire
Naturelle et les Arts. Janvier - Decembr.
12 Parties. Tom. II et III. à Paris.

Histoire generale des Voyages ou Nouvelle Col-
lection des toutes les relations des Voyages par
Mer et par Terre. Tome XIV. à Paris, 4. c. f.
Eiusd. libri. Tomus 49. 50. 51. 52. Parisiis, 12.
c. f. Voll. 4.

Danmarks og Norges Oeconomiske Magazin, 1 Bind.
Kioebenhavn. 4.

Chymische Experimente einer Gesellschaft in dem Erz-
gebürge. 3 und 4tes Stück. Berlin, 8.

Noticia de la California, y de su conquista tempo-
ral y espiritual hasta el tiempo presente. En
Madrid, 4. Voll. 3.

Il Corso de Pianeti detto Efemiridi; o sia il Diario
de moti celeste planetari, vero specchio Astro-
nomico, nel quale in ogni giorno dell' anno di
mese in mese si fa in quali gradi e minuti de' do-
dici segni celesti si trovano i setti Pianeti: quando
passano da un segno nell' altero, e quando Sa-
turno, Giove, Marte, Venere, Mercurio, si
faccino retrogradi, Stazionari, e ritornino Di-
retti; e sotto vi sono le loco latitudini di 5 in 5
giorni, e le ore Italiane delle Lunazione. Alla
dextra pagina si vedono gli aspeti che fanno
i Pianeti con la Luna tra loco medesimi e di
piu le ore Italiane, in cui sieguono li medesimi
aspetti malefici etc. Siccome anche le ore Astro-
nomiche del Sole con la Luna, e le mutazioni
de tempi. Opera necessaria a Signori excellen-
tissimi Medici e Chirurghi, per ben salassare, e

dare Médecine sotto buoni aspetti di Luna. In Milano, 4.

An easy Short and certain method of treating persons bit by mad animals. London, 8.

IOAN. BAPTIST. ANTON. ANDOUILLE. Thes. anat. et chirurg. de cataracta. Resp. *Iacob. Renat. Tenon.* Paris. 4. c. f.

IOAN LE BAS Thes. anat. et chirurg. vtrum cataractae tutior extractio forficum ope? Resp. *Iac. Henr. Dawiel.* ibid. 4.

PETR. BASSVEL. Thes. anatom. chirurg. de hypopio. Resp. *Petr. Steph. le Maire.* ibid. 4.

RVDOLPHVS EVERTSEN, Diss. de chylicatione intestinali. Lugd. Bat. 4.

Sulla Insensitivita ed Irritabilita Halleriana, opusculi di vari Autori, raccolti da GIACINTO BARTHOLOMEO FABRI, Parte Ima, nella quale si contengono tutte le cose favorevoli al Sistema del Chiarissimo Signore HALLER: Parte II da, nella quale si contengono tutte le cose opposte al Sistema del chiarissimo Sign. HALLER. in Bologna, 4. c. f. Voll. 2. (*Exstat iam index huius libri in Commentar. nostr. Voll. VII. p. 565. sed incompletus et corruptus*).

IOAN. IVNCKER. Diss. inaug. de effectibus mensium morbis superuenientium. Resp. *Io. Sigismund Sicheling.* Halae, 4.

PEHR KALM, Tankar wifande hwad en Präst kan bidraga til Oeconomiens uphielpanda. Resp. *Abrah. Indrenius.* Abo.

Eiusd. Oförgripelige Tankar om det så Kallade Gröne Linets plantaring och Skötsel i Orchwesi Sokn. Resp. *Samuel Saluius.* Abo.

Praelectiones medicae duodecim in theatro collegii medicorum Londinensium habitae a THOM. LAWRENCE. Londini, 8 mai.

- PEHR LIDBEK, Diff. de fyluicultura Scaniae.
 Resp. *Ebbe Bing.* Lundini Scaniae.
- JAMES LIND'S treatise on the Scurvy in three
 parts. London, 8.
- CAROL. LINNAEVS, Diff. inaug. Flora Danica.
 Resp. *Georg. Tycho Holm.* Vpsaliae, 4.
- Eiusd. Diff. Panis diaeteticus. Resp. *Isaacus Suenf-*
for. ibid. 4.
- Eiusd. Diff. Natura pelagi. Resp. *Ioan. Henric.*
Hager. ibid. 4.
- Eiusd. Diff. Buxbaumia. Resp. *Anton. Roland*
Martin. ibid. 4. c. f.
- Eiusd. Diff. Transmutatio frumentorum. Resp.
Bogislaus Hornborg. ibid. 4.
- Herrn ANDREAS SIGISMVND MARGGRAFS
chymische Untersuchung eines sehr merkwürdigen
Urinsalzes, welches das Saure des Phosphori in sich
enthält. Aus des gelehrten und erfahrenen Herrn
Verfassers eignen Handschrift übersetzt und mit eini-
gen Anmerkungen erläutert. Leipzig, 4.
- IOAN. RVD. METTLERI Diff. inaug. de usu et
 abusu instrumentorum in partu. Basileae, 4.
- Some Observations on the use of the Agarik and
 its insufficiency in stopping haemorrhagies after
 Capital Operations by GEORGE NEALE. Lon-
 don, 8 mai.
- Relazoni d' Innessi del Vaiuolo fatti in Firenze nell'
 Autunno dell' anno 1756 distese dal Dottor GIO-
 VANNI TARGIONI NOZETTI. in Firenze, 8.
- An Account of a particular Kind of Rupture fre-
 quently attendant upon New-born Children and
 sometimes met with in adulto viz. That in
 which the Intestine, or Omentum, is found in
 the same Cavity, and in contact with the Testic-
 le: By PERCIVALL POTT. London, 8.

L'Economia Animale del Sig. Dottor BRIANO ROBINSON, dal medesimo difesa et illustrata, con una Lettera apologetica, diretta al Sign. Dottor CHEYNE, concernente le opposizioni del Sign. Dottor MORGAN. Et un piu chiaro esame del moto de i fluidi pe' tubi cilindrici. Traduzionidall' Inglese di BONAVENTURA PEROTTI die Siena, con alcune annotazione. In Siena, 4.

RAPHAEL BENVEN. SABATIER, Thes. anat. chirurg. de hernia incarcerata. Resp. Thom. Coste. Parisiis, 4.

Eiusd. Thes. anat. chirurg. de cystis felleae tumoribus. Resp. Iulianus Gueret. ibid. 4.

Librorum botanicorum catalogus tertius, in quo recentiores quosdam ad ductum propriae collectionis porro recenset D. CHRISTOPHOR. IAC. TREW. Norimberg, fol.

I. GOTTSCHALK WALLERIVS, Diff. de cupri montis Falunae oeconomia prisca metallica. Resp. Ioan. Morenius. Vpsal.

PAVL GOTTLIEB WERLHOF Obseruationes de febribus praecipue intermittentibus et ex earum genere continuis. Venetiis, 4.

XX.

Supplementum indicis scriptorum physico-medicatorum, quae anno 1758 prodierunt.

Essais et Obseruations Physiques et Litteraires de la Sociéte d'Edinbourg. Tome Premier. Traduits de l'Anglois par M. P. DEMOURS. à Paris, 12.
Danmarks og Norges oeconomiske Magazin. II Bind. Kioebenhavn. 4.

Neue gesellschaftliche Erzählungen für die Liebhaber der Naturlehre, der Haushaltungskunstwissenschaft, der Arzneykunst und der Sitten. Hamburg und Leipzig, 8. m. K.

A methode of producing double Flowers from single by a regular Course of Culture. London, 8. c. f. (*Ex dedicatione ad Ill. HALLERVM directa, patet, Cl. HILL esse Auctorem*).

Prairies Artificielles, ou Moyen de perfectionner l'Agriculture dans les Terreins secs et steriles de toutes les Provinces, sur tout en Champagne. Seconde Edition augmentée. à Bruxelles.

Beskrivelse over Eylandet St. Croix i America i West-Indien. Kioebenhavn. 4.

The construction of the nerves and causes of nervous Disorders by *Wedale* (*Nomen fictum; IOANNES HILL sibi ipse postea tribuit*). London, 8.

Noua, ad praxin medicam praecipue vtilissima vniuersae Botanices rudimenta. Patauii, 4. (*Auctore IOAN. ANTON. DE MONTE PIGATI*)

A Letter from a Physician at Bath to Dr. HERBERDEN. Wherein are set forth the Nature, Symptoms, and Cure of the malignant Sore-throat; with a Hint or Two concerning the Efficacy of the Bark on some Important Occasions. London, 4.

PETR. AVGVSTIN. ADET, Quaest. med. an leucophlegmatiae leues scarificationes? Resp. *Ioannes St. Ioire*. Parisiis, 4. (*Auctore olim ELIA DE VILARS, nunc denuo recusa*).

PEHR ION. BERG Inträdes tal om Stokholm för zoo aor och Stokholm nu för tiden i ansunde til handel och wetenskaper färdeles den medicinska. Stokholm, 8 mai. (*Praeter alia docet, quale medicina Holmiae habuerit incrementum*).

Eiusd.

Eiusd. Förfök til de uti Sverige gangbara siukdomars ut rönande för aor 1756. *ibid.* 8.

Dei vermi cucurbitini dell' Uomo: Discorso D'ANTONIO COCCHI Mugellano: Letto in Firenze nell' anno 1734 in una Adunenza della Societa Botanica. in Pisa, 8.

ANDREAS COLLIN Diff. sistens fata Botanices in Finnlandia. Abo.

FRANCISC. DE PAVLA COMBALVSIER. Quaest. Med. danturne morbi salutare? Resp. *Natal. Nic. Malcet.* Parisiis, 4. (*Auctor olim fuit ELIAS COL DE VILARS; nunc modo recusa*).

IOANNIS FORDYCE historia febris miliaris et de hemicrania dissertatio. Accedit de morbo miliari epistola CAROLI BALGUY. London, 8 mai.

CAROLVS LINNAEVS, Diff. inaug. Medicamenta graueolentia. Resp. *Ioan. Theodorus Fagraeus.* Vpsalia, 4.

Eiusd. Diff. Pandora Insectorum. Resp. *Ericus Ol. Rudbeck.* *ibid.* 4. c. f.

IOAN. IAC. MESSENCE. Quaest. med. an caries in extremitatibus ossium vix sanabilis. Resp. *Natalis Nic. Malcet.* Parisiis, 4. (*Auctor quondam fuit IOAN. FRANCISC. ISEZ; nunc denuo defensa*).

PETER POELTZER, Diff. de sudore. Viennae Austr.

Observations on that Disorder of the Corner of the Eye commonly called fistula lachrymalis. By PERCIVALL POTT London, 8.

Discorso

Discorso letto nell' Academia Botanica di Cortona
del P. F. V. (*Sine loco et anno*), 4. (*De venenis
agitur et casus recensetur de laureolae semper virentis
indole venenata. Auctor esse creditur REGINALDO
SELLARI.*

Le Georgiche di P. VIRGILIO MARONE, tra-
dotta in Verso dal P. ANTONIO AMBROGI,
in Roma.

IOH. GOTTSCHALCK WALLERIUS, Diff. de
origine fontium. Resp. *Laurentius Eckstrand.*
Vpsal, 4.



Contenta in hac parte.

1. Verhandeligen uitgeeven door de Hollandſe
Maatſchappy der Weetenſchappen te Harlem
Pars III p. 3.
2. Diſtionaire raiſonné et uniuerſel des animaux
Tom. I. II. III. IV p. 22.
3. LVDWIGII Definitiones generum plantarum.
Edit. D. BOEHMERI p. 27.
4. SIGWART Quaestiones medicae Parisinae p. 33.
5. Quaestiones chemicae Monspelienses p. 37.
6. POTT, an Account of a particular Kind of
Rupture p. 54.
7. Recueil des Pieces, qui ont concouru pour le Prix
de l'Academie Royale de Chirurgie. Tom. III
p. 57.
8. DE HAEN Ratio medendi in noſocomio practico
etc. Pars I et II p. 84.
9. *Vermehrtes und verbessertes Blackwelliſches Kräu-
terbuch III und IV Hundert* p. 103.
10. *Hamburgiſches Magazin, oder geſammlete Schrif-
ten aus der Naturforſchung. 18 - 22 Band* p. 109.
11. VOGELS *Anatomische, chirurgiſche und medici-
niſche Beobachtungen und Unterſuchungen* p. 115.
12. *Schaeffers vorläufige Beobachtungen der Schwämme
um Regensburg* p. 129.
13. PLUMIERII Plantarum americanarum Fasc. VII
et VIII p. 136.
14. LVDWIG. Diff. de laeſa offium nutritione p. 141.
15. FABRICII Sylloge obſervationum anatomicarum
p. 144.
16. LOVIS, Discours historique et critique ſur le
Traité des Maladies des Os de feu M. PETIT
p. 147.
17. *Der Artzt, eine mediciniſche Wochenschrift I und
2 Theil* p. 153.
18. Noua phyſico - medica p. 158.
19. Supplementum alterum ſcriptorum phyſico-me-
dicorum, quae anno 1757 prodierunt p. 185.
20. Supplementum ſcriptorum phyſico - medicorum,
quae anno 1758 prodierunt p. 188.

